


ব্রাহ্মি

(নাটক)



মহাকবি গিরিশচন্দ্র ঘোষ প্রণীত ।



ব্রহ্মভূতঃ প্রসন্নাত্মা ন শোচতি ন কাঙ্ক্ষতি ।

সমঃ সর্বেষু ভূতেষু মদ্বক্তিং লভতে পরাং ॥

শ্রীমদ্ভগবদ্গীতা

অভিনব সংস্করণ ।

(ক্লাসিক থিয়েটারে অভিনীত)

১৩ নং বসুপাড়া লেন হইতে

শ্রীহুরেন্দ্র নাথ ঘোষ কর্তৃক প্রকাশিত ।



গুরুদাস চট্টোপাধ্যায় এণ্ড সন্স

২০৩।১।১ নং কর্ণওয়ালিস ষ্ট্রীট,—কলিকাতা ।

শ্রাবণ, ১৩২৯ ।

মূল্য ১/- এক টাকা ।

প্রিন্টার :—শ্রীশশিভুষণ পাল,
মেট্রিকাল প্রেস ;
৭৯নং বলরাম দে ষ্ট্রীট,—কলিকাতা ।



श्रीमान्निबन्धकः

চরিত্র

পুরুষ ।

মুরশিদকুলি খাঁ	...	বাঙ্গালার নবাব ।
সরফরাজখাঁ	...	মুরশিদকুলিখাঁর দৌহিত্র ।
উদয়নারায়ণ	...	রাজসাহীর জমীদার ।
শালিগ্রাম রায়	...	রাজমহলের জমীদার ।
নিরঞ্জন	...	শালিগ্রামের পুত্র ।
পুরঞ্জন	...	মালদহের জমীদার-পুত্র ।
রঙ্গলাল	...	নিরঞ্জন ও পুরঞ্জনের বন্ধু ।
গোলাম মহম্মদ	...	উদয়নারায়ণের সেনা-নায়ক ।
গয়ারাম	...	পুরঞ্জনের ভৃত্য ।

জমীদারগণ, পারিষদগণ, প্রহরীগণ, দূতগণ ইত্যাদি ।

স্ত্রী ।

অন্নদা	...	উদয়নারায়ণের গোপনে বিবাহিতা স্ত্রী ।
মাধুরী	...	অন্নদার কন্যা ।
ললিতা	...	উদয়নারায়ণের প্রতিপালিতা বন্ধু-কন্যা
গঙ্গা	...	নর্তকী (বাই) ।

“প্রাঙ্গণ”

১৩০৯ সাল, ৩রা আষাঢ়, ক্লাসিক থিয়েটারে প্রথম অভিনীত হয়

লেসি ও অধ্যক্ষ	...	শ্রীযুক্ত অমরেন্দ্র নাথ দত্ত ।
নাট্যাচার্য	...	” গিরিশচন্দ্র ঘোষ ।
সঙ্গীত-শিক্ষক	...	” দেবকণ্ঠ বাগ্‌চি ।
নৃত্য-শিক্ষয়িত্রী	...	শ্রীমতী কুম্ভকুমারী ।
রঙ্গভূমি-সজ্জাকর	...	শ্রীযুক্ত কালীচরণ দাস ।

প্রথম অভিনয় রজনীর অভিনেতা ও অভিনেত্রীগণ :—

মুরশিদকুলিখাঁ	...	শ্রীযুক্ত নটবর চৌধুরী ।
সরকারজ খাঁ ।	...	” অহীন্দ্রনাথ ভট্টাচার্য ।
উদয়নারায়ণ	...	” অঘোরনাথ পাঠক ।
শালিগ্রাম	...	” হরিশূষণ ভট্টাচার্য ।
নিরঞ্জন	...	” অমরেন্দ্রনাথ দত্ত ।
পুরঞ্জন	...	” হরেন্দ্রনাথ ঘোষ (দানী বাবু)
রঙ্গলাল	...	” গিরিশচন্দ্র ঘোষ ।
গোলাম মহম্মদ	...	” গোষ্ঠবিহারী চক্রবর্তী ।
গরারাম	...	” হীরলাল চট্টোপাধ্যায় ।
অম্বাধারগণ	...	” রামচন্দ্র চট্টোপাধ্যায় ।
		” চণ্ডীচরণ দে ।
		” হীরলাল চট্টোপাধ্যায় ।
এহরীদর	...	” চণ্ডীচরণ দে ।
		” গোষ্ঠবিহারী চক্রবর্তী ।
ছইজন মুসলমান	...	” অহীন্দ্রনাথ দে ।
		” নবীলাল বন্দ্যোপাধ্যায় ।
অম্বাধার	...	” রামচন্দ্র চট্টোপাধ্যায় ।
বৃদ্ধ মুসলমান	...	” পান্নালাল সরকার ।
রাজবুড়	...	” ঐ
অন্নদা	...	শ্রীমতী প্রমদাসুন্দরী ।
মাধুরী	...	” ভুবনেশ্বরী ।
ললিতা	...	” রাণীসুন্দরী ।
গঙ্গা	...	” কুম্ভকুমারী ।
বৃদ্ধা	...	” কুম্ভিনী ।
বীণা	...	” হেমন্তকুমারী (ছোট)



ভ্রাস্তি



প্রথম অঙ্ক



প্রথম গর্ভাঙ্ক

বন ।

(ললিতা ও নিরঞ্জন)

ললিতা । মার্বেন না—মার্বেন না—আপনাদের গায় বীর
পুরুষের অস্ত্র সিংহ-ব্যাত্তের জন্ত, সামান্ত শশকের জন্ত নয় ।

নির । স্তম্ভরি, মার্জনা করুন, অপরাধ করেছি ।

ললিতা । দেখুন—প্রাণভয়ে ব্যাকুল হয়েছে দেখুন ।

নির । আর ওর এখন ভয় কি ? আপনি যখন ওকে বুকে নিয়ে
রক্ষা করছেন, ওর মত ভাগ্যবান কে ? আপনি কে ? অকস্মাৎ বনদেবীর
মত এ বনমধ্যে উদয় হয়েছে ?

ললিতা । আমরা পূজা দিতে এসেছি, সুন্দর ফুল ফুটে রয়েছে,
ফুল পাড়তে এদিকে এসেছিলুম ।

নির । যদি অনুমতি করেন, আমি পেড়ে দিই ।

ললিতা । পেড়ে দেন, দেবপূজায় লাগবে । উঁচু ডালে দিব্য ফুল-
গুলি ফুটে রয়েছে ।

নির । আচ্ছা, আমি ধনুক দিয়ে ডাল লুইয়ে ধরিছি ; দেবপূজার ফুল
আমি আমার অপবিত্র হস্তে পাড়বো না, আপনি তুলে নেন ।

(পুষ্প-চয়ন ;—একটী ফুল ভূমে পতিত হওন)

ভূঁয়ে পড়ে গেল, এটী তো আপনি নেবেন না, পূজায় লাগবে না ।

ললিতা । না ।

নির । তবে আপনার হাতের পাড়া ফুল আমি নিই ।

ললিতা । ওদিকে বিস্তর ফুল রয়েছে, আমি পাড়িগে ।

নির । চলুন, আমি ডাল লুইয়ে ধরিগে ।

[উভয়ের প্রস্থান ।

দ্বিতীয় গর্ভাঙ্ক

বনের অপর পার্শ্ব ।

(মাধুরী ও পুরঞ্জন)

মাধুরী । আহা, সুন্দর পাখী !

পুর । আমি ধরে দেব ?

মাধুরী । না, না,—ধরো না । বনের পাখী বনে বনে গেয়ে
বেড়াচ্ছে ।

পুর । তুমি পাখী পোষ না ?

মাধুরী । না—পিঞ্জরে রেখে পুঁষি না । কিন্তু আমাদের উপবনে
নিত্য কত পাখী আসে, আমার হাত থেকে তগুলকণা খেয়ে যায় ।
আমি যখন উপবনে আসি, তখন তারা উড়ে উড়ে গান করে ।

পুর । তুমি কি করো ?

মাধুরী । আমিও তাদের সঙ্গে গান করি । আহা, দেখেছো, দেবীর
উপবনে কি সুন্দর ফুল ফোটে ;—আহা, মরি মরি ! কি সুন্দর বক্রোৎ-
পলগুলি ফুটে রয়েছে, যেন দেবীর চরণ !

পুর । আমি তুলে এনে দিচ্ছি ।

মাধুরী । (হাত ধরিয়৷) না না,—যেও না, ওখানে বড় সাপ ।

পুর । আমি এই বর্ষা দিয়ে দল টেনে আনবো ।

মাধুরী । না, না, ও মায়েৰ ফুল, মায়েৰ পূজায় যাবে । তুমি অস্ত্র
এনেছ কেন ?

পুর । আমি শীকার করতে এসেছি ।

মাধুরী । শীকার করো !—তোমার মায়া হয় না ? আমার বড়
মায়া হয়, তুমি শীকার ক'রো না ।

পুর । না আমি আর কখনও শীকার করবো না ।

মাধুরী । আমি তবে আসি ।

পুর । তুমি হেতায় কি করতে এসেছিলে ?

মাধুরী । বাবা দেবীপূজা করতে এসেছেন, আমাদের সঙ্গে নিয়ে
এসেছেন ।

পুর । তোমার পিতা কে ?

মাধুরী । মহারাজ আমার পিতা ।

পুর । কে ?—রাজা উদয়নারায়ণ ?

মাধুরী । হাঁ ।

পুর । আপনার নাম কি ?

মাধুরী । আবার যদি কখন' আসি, আপনিও যদি আসেন, তবে আবার দেখা হবে ।

[প্রস্থান ।

পুর । স্বপ্নের গায় চ'লে গেল । এমন অলৌকিক সৌন্দর্য্য, এমন সরলতা আমি কখনো দেখি নাই ।

(নিরঞ্জনের প্রবেশ)

নির । হাঁ ক'রে চেয়ে রয়েছ যে ?

পুর । বেশ, তোমায় চারদিক্ খুঁজছি । হাঁ হে, এখানে কি রাজা উদয়নারায়ণ পূজা দিতে এসেছেন ?

নির । হ্যাঁ, সেই এক বিপদ; তাঁর বাড়ীতে 'হোরি'র নিমন্ত্রণ করেছেন ।

পুর । তা তোমার জোর বরাত ।

নির । তোমার বরাতও খুব জোর ; এই দেখ, এই বিল্বপত্রে রক্ত-চন্দনে লিখে নিমন্ত্রণ-পত্র দিয়েছেন । যাওয়া উচিত, কি বল ?

পুর । না যাওয়া ভাল দেখায় না । রাজা বুঝি পূজা দিতে এসেছেন?—ও'র সঙ্গে কে আছে ?

নির । কে অত ঠাউরে দেখে—অলঙ্কারের শব্দ হচ্ছিল বটে, বোধ হয় স্ত্রীলোক সঙ্গে আছে ।

পুর । তা তুমি মন্দিরে গিয়েছিলে কি কর্তে ?

নির । এদিকে এসে পড়েছি, একবার দেবী দর্শন ক'রলেম ।

পুর । অশুরের মত তলোয়ার কোমরে বেঁধে দেবীর সম্মুখে হাজির হলে যে—কোন যুবতীর পেছনে পেছনে যাও নি তো ?

নির । ওঃ! এতক্ষণে বুঝলেম, কেন হাঁ করে দাঁড়িয়েছিলে ! কোন সুন্দরীর সঙ্গে বুঝি প্রেমালাপ হচ্ছিল ? সুন্দরী চলে গেল—তাই কখনো দেখিনি ?

পুর । হাঁ হাঁ, বুঝেছি বুঝেছি—ঐ যে মাথায় গায়ে ফুল রয়েছে, কোন সুন্দরীকে কি ফুল পেড়ে দিচ্ছিলে ?

নির । তা যদি ফুল পেড়ে দিয়ে থাকি, তাতে দোষটা কি ?

পুর । তা আমি যদি পথপানে চেয়ে থাকি, তাতে দোষটা কি ?

নির । দোষ আর কি, তা রাজাকে ব'লে তাঁর মেয়ের সঙ্গে তোমার বে দিয়ে দেব ;—দিব্য সুন্দরী, তোমার তারে মনে ধরবে ।

পুর । তুমি তাকে দেখেছ নাকি ?

নির । বোধ হয় দেখেছি ।

পুর । ওঃ ! তাই মন্দিরের দিকে ধাওয়া করেছিলে !

নির । না না, তা নয়, দেবী-প্রণাম করতে গিয়েছিলেম । চল, কাপড়-চোপড় ছেড়ে রাজবাড়ীতে যেতে হবে ।

[উভয়ের প্রস্থান ।

তৃতীয় গর্ভাঙ্ক

গঙ্গা-তীর ।

(গঙ্গা ও রঙ্গলাল)

গঙ্গা । তুমি কে গা ?

রঙ্গ । তাই তো, কেউ একজন হব বোধ হয় না ?

গঙ্গা । হাঁ, তা একজন বোধ হ'চ্ছে বটে ।

রঙ্গ । বাঃ ! তোমার বেশ বোধ-মোধ ।

গঙ্গা । তা এখানে কেন ?

রঙ্গ । যতদিন বেঁচে থাকি, এক জায়গায় থাকতে হবে তো চাঁদ !

গঙ্গা । মুখখানি তুলে একবার আমার পানে চাও না !

রঙ্গ । চাইলে চোখ দিয়ে প্রাণ বেরিয়ে যাবে ।

গঙ্গা । হোক—চাঁও, দুটো কথা কও ।

রঙ্গ । কথা তো কচ্ছি, এই নাও চাইলুম । যায় প্রাণ ভিক্ষে মেগে
খাব—কি বল ?

গঙ্গা । এখানে কি ক'চ্ছ ?

রঙ্গ । তোমার কি দরকার তা বল না ?

গঙ্গা । আমি তোমায় দেখে মোহিত হয়েছি ।

রঙ্গ । বেশ, তোমায় বাহবা দিলুম ।

গঙ্গা । তুমিও আমায় দেখে একটু মোহিত হও না ?

রঙ্গ । মনে কর হয়েছি ।

গঙ্গা । তবে আমাদের বাড়ী এসো ।

রঙ্গ । দেখ, তা হলে বড় পীরিতের যুত হবে না । পীরিতের সুখই
হ'ল বিচ্ছেদ । তুমি ঘরে গিয়ে বিরহে হা-হতাশ করগে,—আমিও এখানে
বসে অবস্বরে কাঁদি ; বাস, প্রেমের তুফান উঠে যাবে ।

গঙ্গা । আচ্ছা, তোমার সে বন্ধু ছ'টী কোথা ?

রঙ্গ । তার ভিতর কোনটীকে তোমার দরকার ?

গঙ্গা । দরকার আমার তোমায় ।

রঙ্গ । সে দরকার তো মিটলো, এখন ও ছ'টীর মধ্যে কোনটীকে
দরকার বল না ?

গঙ্গা । তোমাদের খুব বন্ধুত্ব বোধ হয় ।

রঙ্গ । এতদিন তো ছিল, এখন বোধ হয় দুশমন হয়ে দাঁড়াবে ।

গঙ্গা । কেন ?

রঙ্গ । এই তোমায়-আমায় যখন পীরিত হ'লো, তখন বন্ধুত্বের গোড়ায়
কুড়ুল পড়লো ।

গঙ্গা । কই পীরিত হলো ?

রঙ্গ । ইস, এততেও পীরিত হলো না ! তবে তুমি পথ দেখ ।

গঙ্গা । আচ্ছা, তুমি কি কর ?

রঙ্গ । তুমি কি কর ?

গঙ্গা । আমি নাচি, গাই, মুজরো করি ।

রঙ্গ । আমি দালালী করি ।

গঙ্গা । কিসের ?

রঙ্গ । ফপলের ।

গঙ্গা । ওঃ ! তুমি ফপল-দালাল ! আমার মুজরোর দালালী কবতে পার ?

রঙ্গ । কেন, তোমার ভাঙ্গা দশা হ'যে এসেছে নাকি ? দালাল না হলে খদের জোটে না ?

গঙ্গা । এখন তোমার মত সব বেরসিক লোক হ'য়েছে, খদের জুটবে কোথেকে বল ?

রঙ্গ । তবে তুমি এক কাজ কর, হয় পীরের দরগায় সিন্নি মান, নয় পৈরাগে মাথা মুড়োও ।

গঙ্গা । বলাই, আমি মাথা মুড়োবো কেন ? আমার দিব্যি চুলগুলি ।

রঙ্গ । তা বেশ, বাড়ীতে ব'সে বিলুনি ঝোলাও গে ।

গঙ্গা । তোমায় আমি ব'বতে পারলুম না ।

রঙ্গ । ছনিয়ায় সব কথা কে বোঝে বল ?

গঙ্গা । পড়াশুনাও কর, বাবুয়ানাও কর, ইয়ারকীও দাও, চিকিৎসা-পত্রও করে থাক', বে-থাও কর নি, খপর রেখেছি—মেয়েমানুষের কাছেও যাও না ; দান-খ্যান কর, এ দিকে পূজা-আশ্রয়ের ধারও ধার না ।

রঙ্গ । আমার প্রতি এ শুভদৃষ্টি পড়েছে কেন ? কামদেবও নই আর তেমন ট'য়াকও ভারী নয় । কিছু মতলব আছে কি ?

গঙ্গা । তুমি আমায় চিনেছ ?

রঙ্গ । না, ও চাঁদ বদন তো আমার মনে পড়ছে না ।

গঙ্গা । এই তো আরও গোল বাধাও ।

রঙ্গ । কেন ?

গঙ্গা । আজ ক' বছরের কথা,—আমি ঠাকুরতলায় সর্দিগম্বী হ'য়ে রাস্তায় মুচ্ছিত হয়ে পড়ি ; বেগুণা ব'লে ঘৃণা ক'রে কেউ মুখে একটু জল দিলে না, তুমি তুলে এনে তোমার বাড়ীতে নিয়ে এলে । আপনি নীচেয় শুয়ে, নিজের বিছানায় জায়গা দিলে । যে যত্ন করলে, ভালবাসার লোকও সে রকম করে না । আমি তখন মনে করেছিলুম যে, তোমার মনের কথা বুঝি কিছু আছে । অনেক ভদ্রলোকের ছেলে আমাদের গোলামের মত সেবা করে ; পা টেপে, গা টেপে, তারা মনে করে—আমাদের পীরিতের লোক হওয়া চেয়ে, ছুনিয়ায় আর পুরুষত্ব নাই । ভেবেছিলেম, বুঝি তুমিও সেই এক রকম । তারপর যখন ভাল হ'য়ে আমি বাড়ী যাই, তুমি যেন আমায় চেনই না !

রঙ্গ । পাঁচ রকম তো লোক থাকে, বুঝে নাও না,—আমি ঐ এক রকম ।

গঙ্গা । তুমি কি মেয়েমানুষের সঙ্গে ভাব কর না ?

রঙ্গ । কেন চাঁদবদনি, এই যে তোমার সঙ্গে খুব প্রণয় করছি ।

গঙ্গা । দেখ, আমরা বেগুণা ;—ভাল কিছু বুঝি না বুঝি, মন্দটা আগে বুঝি । চং-চাংয়ে যে আমাদের বড় কেউ ফাঁকি দেবেন, সে বড় সোজা নয়, তবে ফাঁকে যদি আপনি পড়ি তো পড়ি । তুমি কথা ক'চ্ছ, ইয়ার্কি দিচ্ছ, কিন্তু তোমার মুখ-চোখের ভাবে বোধ হয়, বরং ঐ গাছটার পানে দরদ ক'রে চাইচ', তবু আমার পানে চাইচ' না । অনেক রাজারাজ্জ্বার মজলিস বেড়িয়েছি,—আমি হেসে কথা কইলে মন টলে নি, এমন লোক আমি দেখি নি ।

রঙ্গ । দেখ বিবিজান্, একটু আধটু যার নেসা হয়, তার মন টল-বেটল করতে থাকে, কিন্তু আমি তোমার রূপের নেসায় ভরপুর হ'য়ে গেছি, যতদূর নাকাল হ'বার তা হ'য়েছি, এখন তুমি রূপা ক'রে সরে পড় ।

গঙ্গা । না, আমি যাব না, তুমি কি মতলবে এখানে বসে আছ, আমি দেখবো ।

রঙ্গ । আচ্ছা, আমি যদি স্বীকার পাই, তোমার বাড়ী যাব,—তা হ'লে তুমি সর ?

গঙ্গা । না, তা হ'লে তো সর্ব্বুই না ।

রঙ্গ । আচ্ছা থাক, তুমি আমার একটা কাজ করবে ?

গঙ্গা । কি ?

রঙ্গ । খুব সোজা কাজ, এক ব্যাটাকে পীরিতে ফেলার চেয়েও সোজা কাজ ।

গঙ্গা । পীরিতে ফেলা যদি সোজা হতো, তা হ'লে তোমায় তো পীরিতে ফেলতুম ।

রঙ্গ । দেখো, ঐ অনুগ্রহটী আমায় করো না । আমি একটা বোকারাম, আমায় পীরিতে ফেলে মজা পাবে না । আমার বাবার বাবা ইস্তক পীরিতে পড়েছে । একটা পাটা ছোঁড়া দেখে পীরিতে ফেল যে, আরাম পাবে, গা-পা টিপে দেবে ।

গঙ্গা । আরাম ছিল—তোমায় পীরিতে ফেলতে পারলে ।

রঙ্গ । তা একটা অ্যাঁরাটে ফ্যাঁরাটে দেখে ক্ষেমা-ঘেন্না করলেই বা !

গঙ্গা । তোমার খুব ঢং আছে, আমি বুঝেছি । এখন তোমার কি কাজ বল ?

রঙ্গ । দেখ, ঐ এক পাগলী আসছে । এই খাবারগুলি রইলো , তুমি ব'লো যে, সে পাঠিয়ে দিয়েছে, তুমি খাও ।

গঙ্গা । কে পাঠিয়ে দিয়েছে বল্বে ?

রঙ্গ । বল্বে সে পাঠিয়ে দিয়েছে ।—ভাবটা এই, তুমি যেন ওর কোন ভালবাসার দূতী,—ও যেমন যেমন কথা বল্বে, তুমি তেমন তেমন ওর কথার জবাব ক'রো ; এই যেমন রস-ভাষ ক'রে আমার সঙ্গে কথা ক'চ্ছ ।

গঙ্গা । তুমি সরে যাচ্ছ কেন ?

রঙ্গ । আমি দিনকতক ঘটকালী করেছিলুম । এখন আর মাগী আমার ঘটকালীতে বিশ্বাস করে না । ইঃ, বেটী এদিকে আসবে না নাকি ?

গঙ্গা । আচ্ছা ঠাকুর, তুমি বামুন ; এই গঙ্গাতীরে আমায় মিথ্যা কথা কইতে শেখাচ্ছ, আর তুমিও মিথ্যা কও ?

রঙ্গ । আমি তো তোমায় বলি নাই যে, আমি ধর্মপুত্র যুধিষ্ঠির,—মিথ্যা কথা কই না ।

গঙ্গা । হোক, এদিক্ ওদিকে মিথ্যা কথা কও ;—তবে গঙ্গাতীরে দাঁড়িয়ে !

রঙ্গ । বিবি, কথাটা পাড়লে তো শোন । যা গঙ্গা যদি জগদীশ্বরী হন, তা হ'লে সর্বত্রই তিনি আছেন, যেখানে মিথ্যা কথা বল্বে, সেইখানেই দোষ । অল্প জায়গায় মিথ্যা কথা কওয়াও যা, এখানেও মিথ্যা কথা কহাও তাই । আর যদি লোক ভোলাতে অল্প জায়গায় মিথ্যা কথা ক'বার দোষ না থাকে, এখানেও একজন অনাথাকে আহাৰ দিতে মিথ্যা কথা ক'বার দোষ নাই । ঐ আসছে, তুমি খাইও ।

[প্রস্থান ।

(অন্নদার প্রবেশ)

গঙ্গা । ওগো এই খাবার নাও ।

অন্নদা। কেন লো মাগী, তোর খাবার নেব! আঃ গেল,—আমি রাজরাণী, তোর খাবার কেন নিতে যাব?

গঙ্গা। আহা সে যত্ন কোরে তোমায় পাঠিয়ে দিয়েছে।

অন্নদা। অ্যা,—সে পাঠিয়ে দিয়েছে? দেখ তুমি তারে বল গে, আমার আমোদে পেট ভোরে আছে, আমি আর খেতে পারবো না, আমার মেয়ের বে,—আমোদে আমি নেচে বেড়াচ্ছি,—বুঝেছ মা!—ঐটী আমার সর্বস্ব। আমি দেখা দিইনি কেন জান, আড়াল থেকে দেখি,—হিঃ, হিঃ, সব খপর রাখি—তার মাথা হেঁট হবে।

গঙ্গা। কেন,—মাথা হেঁট হবে কেন?

অন্নদা। হবে না, পোড়া লোককে তুমি জান না,—লোকের জিবে বিষ আছে মা! আমি সতী, তা কি তারা বিশ্বাস করে? এই গঙ্গার তীরে, এই এম্নি সময়, স্থযি অস্ত যাচ্ছে, মা গঙ্গা সোণা পরে নাচ্ছে, গঙ্গা সাক্ষী করে, স্থযি সাক্ষী করে, এই ঘাটে ঝালা পরেছি। পোড়া লোকে কি তা বিশ্বাস করে! দেখ সে বাপের ভয়ে লোককে বলতে পারে নি, তার বাপ আমার সঙ্গে বে দিতে চায় নি, তাই আমরা লুকিয়ে বে করেছিলুম, বুঝলে মা! দেখা দিইনি—দেখা করিনি, মেয়ের মাথা হেঁট হবে!

গঙ্গা। তুমি কে গা?

অন্নদা। আমি রাজরাণী, আমি কাঙ্গালিনী, আমি পতি সোহাগিনী, আমি অনাথিনী; আমি বেঁচেছিলুম,—মরেছি, আবার বাঁচবো; বুড়ে হয়েছি, আবার যৌবন ফিরবে, আবার সোহাগ ক'রে তার গলা ধরবো। আমি কে তুই চিনিস্ নে? আমি ছায়া, আমি হাওয়া, আমি সর্বত্রের ঘুরি, কি করি তা জানি নে; আমায় কেউ দেখে না, আমি সবাইকে দেখি; আমি একলা, আমার কেউ নাই; বালাই!—আমার সব আছে, আমার সোণার চাঁদ মেয়ে আছে। দেখ,—তুমি নাচতে পার? তোমার

মত অনেকে আমাদের বাড়ী নাচতে আসতো ; আমার বিয়েতে নেচেছে,
আমার মেয়ে হ'লে নেচেছে, তুমি নাচতে পার ?

গঙ্গা । পারি ।

অন্নদা । আচ্ছা, তুমি মহলা দাও ; আমার মেয়ের বেঁতে তোমাকে
নাচতে নিয়ে যাব ; যা চাও তাই দেব ।

গঙ্গা । না, আমি মহলা দেব না । তুমি খাও যদি ত মহলা দিই ।
আমি দিব্যি গাইতে পারি ;—যার মেয়ের বেতে গাই, তার বি-জামাইয়ে
বড় ভাব হয় । তুমি যদি খাও, তা হ'লে মহলা দিই ।

অন্নদা । সত্যি না কি—সত্যি ?

গঙ্গা । এই দেখ না—কেমন গাই ।

(গীত)

মাখ করে, সে ডাকে আদরে, তারে আদর করি ।

সে তো মনের মতন, কেন নহে সে আপন,

হলো বিফল যতন, তবু ভুলিতে নারি—তবু ভুলিতে গরি ।

তুলি আকাশ কুম্ব, ভরি সাধের ডালা,

মন ভুলিয়ে হেলা, গাঁথে সোহাগে মালা,

মালা ধরি হৃদয়ে, মালা হৃদয় বহে,

ভাসি বিষাদে, নারি ত্যজিতে সাধে,—দিন অবশে হরি ॥

অন্নদা । আর বাছা খাওয়া হবে না ! মনের ভিতর সমুদ্র উধ্লে
উঠলো, সব কথা মনে পড়লো ! আমার কিসের খাওয়া—কিসের
খাওয়া ! লোকভয়ে সে আমায় ত্যাগ করেছে, আমার কিসের খাওয়া—
কিসের খাওয়া ! তার খাবার তারে ফিরিয়ে দিও । (প্রস্থানোদ্যত)

গঙ্গা । ওগো দাঁড়াও, দাঁড়াও ! তোমার মেয়ের বিয়েতে আমার
নিয়ে যাবে না ?

অন্নদা । হ্যাঁ, হ্যাঁ, নিয়ে যাব, নিয়ে যাব ! এস, এস ।

গঙ্গা । দেখি যদি ভুলিয়ে বাড়ী নিয়ে যেতে পারি ।

[উত্তরের প্রস্থান ।

চতুর্থ গর্ভাঙ্ক

উপবন ।

(হোরির গান গাহিতে গাহিতে ললিতা ও স্ত্রীগণের প্রবেশ)

লাল কুলাবন নিধুবন লালি ।

লাল ব্রজাঙ্গনা, লাল কালিয়া বনমালী ।

যৌবন মাতুরারী, সমরি ব্রজনারী,

ভরি ভরি পিচকারী,

হোরিকা মেলা, আকির খেলা,

রসরস ওরস উখালি ।

কাণ্ডন আণ্ডন, সোহাগ দ্বিগুণ,

মদন ব্যাকুল, কুস্তল আকুল,

অকল নেহি সামারে,—

কুকুর মারে, খেল শ্রাম ফুকারে

ধাওত দেওত ঘন করতালি ॥

[ললিতা ব্যতীত সকলের প্রস্থান ।

ললিতা । কি ভাব্‌চি, কত কি ভাব্‌চি ;—ভেবে কি হবে ? পরের
মন পর কি বোঝে ! আমি তার মন কি ক'রে বুঝবো ? আমার সুখপানে
চেয়ে রইল ;—অমন ত চায়,—ফুলটী বুকে তুলে রাখলে, এতে কি
বুঝবো ? কিন্তু বুঝেছি, আমি অন্নের মত মজেছি । সে উড়ে গাধী—

এলো, চলে যাবে, বোধ হয় আর দেখা হবে না। মনের কথা কারেও জানাবো না, উপহাস করবে। আমিই কত লোকের সঙ্গে উপহাস করেছি! মনের আগুনে পুড়ে খার হবো। আমার সে কেন চাইবে? —কত শত সুন্দরী আছে! আমি মেয়েমানুষ, মান রেখে ছোটো মিষ্টি কথা ক'য়েছে,—ও পুরুষের স্বভাব।

(নিরঞ্জনের প্রবেশ)

নির। এই যে আমার প্রাণপ্রতিমা এইখানে বসে! আহা মরি মরি, রূপের লহরী যেন খেলচে!

ললিতা। এ কি! এখানে কেন? আমার জন্ত কি এসেছে, না বেড়াতে বেড়াতে এদিকে এসে পড়েছে। হোরির দিন প্রহরীরা কিছু বলে নাই।

নির। দেখি! আজ হোরির দিন, গায়ে ফাগ দিতে আছে, কিছু মনে করো না। (ফাগ দেওন)

ললিতা। তোমার গায়ে ফাগ দিই, কিছু মনে করো না। (ফাগ দেওন)

নির। মনে করবো না!—চেয়ে দেখ, সেই ফুলটা আমি বুকে রেখেছি।

ললিতা। শুকিয়ে গেলে ফেলে দিও।

নির। তোমার হাতের ফুল কখনো শুকাবে না, তবে যদি আমার বুকের তাপে শুকায়।

ললিতা। ইস,—তোমার বুকে কি বড় তাপ!

নির। তুমি কি বুঝতে পারছো না?

ললিতা। আমি তো তোমার বুকে হাত দিই না।—কেন ক'রে বুঝবো?

ললিতা। মাধুরি—মাধুরি! কোথায় গেল?

ললিতা । ঐ সখীরা খুঁজ্চে ।

নেপথ্যে । মাধুরি—মাধুরি !

ললিতা । আমি চন্মুম ।

নির । শোন শোন—যতদিন থাকি, একবার দেখা দিও । আমি প্রতিদিন বৈকালে এই উপবনের বাইরে বেড়াব, তুমি কৃপা করে এক একবার এইখানে এসে দাঁড়িও ।

[ললিতার প্রস্থান ।

নির । নাম শুন্লুম মাধুরী !—রাজা উদয়নারায়ণের কন্ঠার নাম শুনেছি মাধুরী ;—তবে এই সেই মাধুরী । আজই আমি পিতাকে পত্র লিখবো । যদি এই মাধুরীর সঙ্গে বিবাহ দেন, তবেই বিবাহ করবো, নচেৎ আর বিবাহ করবো না । পুরঞ্জনকে এ কথা জানাবো না, সে ব্যস্ত কর্তে মরি মরি কি মাধুরীময়ী নাম ! মুহূর্ষুহ নব মাধুরী অঙ্গে বিকশিত ! মাধুরীর মাধুরীতে ভুবন মাধুরীময়, প্রকৃতি মাধুরী-প্রবাহে পরিপূর্ণ ! মাধুরীর ধ্যানে মাধুরী, বচনে মাধুরী, নয়নে মাধুরী, মাধুরীর সকলই মাধুরীময় ! দেখা কি পাবো ?—নিত্য ভ্রমণ ছলে আসবো—দেখা কি পাবো না ?

[নিরঞ্জনের প্রস্থান ।

(অন্নদার প্রবেশ)

অন্নদা । এদেরও ভালবাসাবাসি হয়েছে ; লুকিয়ে ভালবাসা,—লুকিয়ে ভালবাসা ভাল নয়, কি জানি শেষে কি হয় ! খুব ভালবাসাবাসি, খুব ভালবাসাবাসি ! আমারও এমনি হ'য়েছিল ! লুকিয়ে ভালবাসা ভাল নয়—ছঃখ পেতে হয়, ছঃখ পেতে হয়—পথে পথে ঘুরতে হয়, ভালবাসা যায় না !

Uttarpada Jaikrishna Public Library [প্রস্থান ।
Gift No. 6201

পঞ্চম গর্ভাঙ্ক

মাধুরীর কক্ষ ।

(গঙ্গা ও মাধুরী)

গঙ্গা । কেন গা কুমারি, আজ অমন দেখছি কেন ? কোন অসুখ হয়েছে কি ?

মাধুরী । কে জানে গঙ্গা, আজ আমার মন কেমন হ'য়ে গেছে, আমার কেবল কান্না পাচ্ছে,—আচ্ছা বাবা যাদের নিমন্ত্রণ করে এনেছেন, তারা কে তুমি জান ?

গঙ্গা । ওঃ বুঝেছি ! তা কারে দেখে মন কেমন ক'রছে ?

মাধুরী । না তা নয়, আমার মন কেমন হ'য়ে গেছে, আমি তার হাত ধরেছিলুম, যেন আমার পা হ'তে মাথা পর্যন্ত বিছাৎ খেলে গেল । আমি তার কথা শুনেছিলুম, এমন কথা আমি কখনো শুনি নাই । এ কি হলো, আমার ইচ্ছা হচ্ছে, বনে গিয়ে আবার তার সঙ্গে কথা কই ।

গঙ্গা । কুমারি, তোমার বের ফুল ফুটেছে, তাই মন অমন হয়েছে ।

মাধুরী । বের ফুল ফোটা কি ? তুমি বুঝতে পাচ্চ না, আমি বলুম যে জীবজন্তু মারলে আমার মন কেমন করে, সে বলে, আর আমি শীকার করবো না, সত্যি শীকার করবে না,— সে আমার কথা শুনে কেন ?

গঙ্গা । সে তোমায় দেখে ভালবেসেছে ।

মাধুরী । ভালবেসেছে ?—সে তো আমার কেউ নয়,—আমায় ভালবাসলে কেন ?

গঙ্গা । তুমি তারে ভালবাসলে কেন ?

মাধুরী । আমি তারে ভালবেসেছি ?—কই, কেমন ক'রে ?

গঙ্গা । ঐ অমনি ক'রে ।

মাধুরী । না—না, তুমি বুঝতে পাচ্চ না,—আমার মন হু হু করছে !
বাবাকে ভালবাসি, তাতে তো আমার মন হু হু করে না ; ননিতাকে
ভালবাসি, তাতে তো আমার মন হু হু করে না !

গঙ্গা । কুমারি, একটা গান শুনবে ?

মাধুরী । না না, আমার গান শুনতে ইচ্ছা করছে না, গান গাইতে
ইচ্ছা করছে না, কিছু করতে ইচ্ছা করছে না ।

গঙ্গা । তারে দেখতে ইচ্ছা করছে ?

মাধুরী । হাঁ ! তাতে দোষ আছে কি ? না, আমি দেখা ক'রবো
না, আমার লজ্জা করবে । দেখ, এতদিন আমি লজ্জা ক'রতে পারতুম
না, আজ আমার লজ্জা হচ্ছে ! ছিঃ ছিঃ, আমি হাত ধরলুম, সে কি
মনে করলে ! বাবাকে যদি বলে দেয়, তা হ'লে আর আমি বাবার
সামনে বেরুতে পারবো না । আমি ভুলে হাত ধরেছি,—সে আমার অন্ত
রক্তকমল তুলতে জলে নামতে যাচ্ছিল, সেখানে বড় সাপের ভয়
জান তো, তাই ভয়ে হাত ধ'রে মানা করেছি ।

গঙ্গা । সে কি করলে ?

মাধুরী । আমার মুখ পানে চেয়ে রইলো ;—আর পদ্ম তুলতে
গেল না ।

গঙ্গা ।—

(গীত)

কে জানে কেমন !

যেন হারিয়ে গেছি, বিলিয়ে দিছি, নই তো আর ভেমন ।

কে জানে কি যেন চাই, কি যেন হারাই হারাই,

কি হয় কি হয় মনে হয় সসাই ;

মনের কথা মন বলে না, সরমে করে বায়ণ ।

কেন মন উদাস হয়ে ধার,
জানে না কি কথা কর, কারে কি শুধায়,
বুকের ভিতর উখলে উঠে অঁখি বয়ে ধার ;
সাধের সনে বিবাদ মিলে চলেছে সোনার স্বপন ।

মাধুরী । দেখ, তোমার গান শুনে আরও আমার কান্না পাচ্ছে,—
আরও যেন কি মনে হচ্ছে!—মনে হচ্ছে, সে যেন আমার আপনার
লোক, কোথায় যেন তারে দেখেছি, কোথায় যেন তার সঙ্গে কথা
কয়েছি,—বলতে পার, কোথাও কি দেখেছি ?

গঙ্গা ।—

(গীত)

একি দায় মন কেন তার চার ।
পায় কি না পায় ভাবে না হার, উধ'ও হয়ে ধার ।
অযোরে সোহাগভরে. আপ্নি বিকোয় কিন্তে পরে,
আশা ধরে আকুল অন্তরে, কাঁপে আশা প্রাণ কাঁপায় ।
মনে মনে উঠাপড়া, মনে মনে ভাঙ্গাপড়া,
অকুল সাগরে, ভাসে সাধ করে,
কাঁদে প্রাণ কিরন্তে কুলে, সাধের তরী ব'য়ে ধার ।

মাধুরী । ঠিক বলেছ গঙ্গা!—তুমি এত জানলে কি করে, তোমার
কি অম্নি আপনার লোক আছে ?

গঙ্গা । না ।

মাধুরী । তবে তুমি দীর্ঘনিশ্বাস ফেললে কেন,—আমার কথা শুনে
কি তোমার ব্যথা লাগলো ?

গঙ্গা । কুমারি, আমরা এমন আপনার লোক কোথা পাব ?

মাধুরী । কেন, আর কি কেউ এমন পায় না! তুমি ওর সঙ্গে
কথা কয়েছ ?

গঙ্গা । না, আমার সঙ্গে উনি কথা কইবেন কেন ?

মাধুরী । কথা কইবে,—তুমি কথা ক'য়ে দেখো দেখি !—কথা শুনলে মনে হবে, তোমার আপনার লোক,—সত্যি আপনার লোক—পর বলতে প্রাণ কেঁদে উঠবে ! তুমি তারে জিজ্ঞাসা করতে পার, সে কি আশায় আপনার ভাবে ?—ভাবে, নইলে আমি কেন তারে আপনার মনে করবো ?

গঙ্গা । কুমারি, তুমিই তারে এই কথা জিজ্ঞাসা ক'র না কেন ?

মাধুরী । কোথায় দেখা পাব, কি করে জিজ্ঞাসা করবো ?

গঙ্গা । আচ্ছা—আমি যদি তোমার মহলে তারে নিয়ে আসি ?

মাধুরী । কি করে ?—কেউ যে টের পাবে, সকলে যে বলে, পুরুষ মানুষকে মহলে আনতে নাই ?

গঙ্গা । পর পুরুষকে আনতে নাই, যে আপনার, তারে আনতে দোষ কি ?

মাধুরী । না না, তুমি লুকিয়ে আনতে পার তো এনো । না না,—এনো না, কিছু যদি মনে করে !

গঙ্গা । কি মনে করবে ?

মাধুরী । কি জানি আমার ভয় হয়,—আমি যেন আর এক রকম হয়েছি,—আমার এ সব ছিল না । আমার ভয় ছিল না, লজ্জা ছিল না, কিছু গোপন করতে পারতুম না । লোকে চুপিচুপি পরামর্শ করতো, আমি হাসতুম,—ভাবতুম, লুকোনো কথা আবার কি ? কিন্তু লুকোনো কথা আছে—সে কথা বলতে নাই—বলা যায় না ।

গঙ্গা । তুমি দেখা করবে ?

মাধুরী । করবো, না না কি করবো বল দেখি ?

গঙ্গা । যদি দেখা করো তো আজকের মত সুযোগ আর হবে না । আজ হোরির দিনে দোষ নাই, সকলের সঙ্গে হোরি খেলতে হয় । আমি রাত্রে তোমার কাছে আনবো, ছ'জনে হোরি খেলো ।

মাধুরী । চুপিচুপি এনো, কেউ যেন টের না পায় । আমি কি সেজে গুজে দেখা করবো ? আচ্ছা—কি প'রলে আমার ভাল দেখায় ? তুমি আমার সাজিয়ে দেবে ?—না এই সাজেই দেখা করবো ।

গঙ্গা । হোরির দিনে বেশ ফুলের গয়না প'রো ।

মাধুরী । গঙ্গা, তুমি ঠিক বলেছ । কিন্তু যদি ভাল না দেখায়, সে গয়না আর পরবো না,—আমি ঠাকুরবাড়ী যে গয়না পরে গিয়েছিলুম, তাই পরবো । আমি তলাত থেকে তার গায়ে ফাগ দেব, ছোঁব না—ছুলে কেমন হ'য়ে যাব, কথা কইতে পারবো না । ছুঁয়েছিলুম—সে কথা মনে হলে, কেমন হ'য়ে যায় ! দেখ গঙ্গা, কি করবো—আমি তা বুঝতে পারছি না !

গঙ্গা । কুমারি, ঠিক বুঝতে পারবে, মনের কথা মনই বলে দেবে । আমি চলুম ।

মাধুরী । তুমি যাচ্ছ ?—তোমায় ছেড়ে দিতে ইচ্ছে হচ্ছে না, এই কথাই তোমার সঙ্গে কইতে ইচ্ছে হচ্ছে, তবে যাও । আমি কোথায় থাকবো ?—এইখানেই থাকবো, না না,—দেখ কুঞ্জের মধ্যে দেখা করবো । আমার ইচ্ছা হচ্ছে, সেই দেবীর উপবনে দেখা করি । তুমি এসো । আমি যাই—একলা গিয়ে ভাবি । [উভয়ের প্রস্থান ।

ষষ্ঠ গর্ভাঙ্ক

বিলাস-কক্ষ ।

(উদয়নারায়ণ)

উদয় । কত্যা—কত্যা—কেন জন্মে হিন্দুর আগরে ?

যেতে হ'ল পরবাসে কত্যা দান হেতু ।

কি কুক্ষণে দেখা মম অঙ্গদার সনে,

পিতৃবাক্য করি অবহেলা,

সহি এই মনস্তাপ ।

ক্ষুদ্র শালিগ্রাম তার এত মান,

অসম্মত কন্তা মম নিতে ঘরে !

তাই করে এত ছল ।

কি করিব কলঙ্ক রটেছে ।

সুপাত্র,—তনয়ারে বাসে ভাল,

কুঠার মেরেছি আমি আপনার পায়—

বেশ্যা বলি পরিচয় দিয়াছি সতীরে ।

(মাধুরী ও ললিতার প্রবেশ)

মা, এতদিনে আমি এক দায়ে নিশ্চিন্ত হ'লেম । যে দু'টা যুবা আমাদের বাড়ীতে নিমন্ত্রণে এসেছে, ওর একটীর নাম নিরঞ্জন,—

ললিতা । নিরঞ্জন কে ?

উদয় । রূপে গুণে দুটাই সমান বটে, আমারই ভ্রম হয়, তা তোমরা তো তফাৎ হ'তে দেখেছ । শুনেছি না কি সে মাধুরীকে দেখেছে, তার মন মাধুরীকে বিবাহ করে ।

ললিতা । কে নিরঞ্জন ?

উদয় । হ্যাঁ, হ্যাঁ,—শোন না ! আমিও তার বাপ শালিগ্রামকে পত্র লিখেছিলেম, তিনি বিবাহে সম্মত । কিন্তু অপমান স্বীকার ক'রতে হবে ; —কি করবো, তাদের কুলপ্রথামত মেয়ে সেইখানে নিয়ে গিয়ে বিবাহ দিতে হবে ।

মাধুরী । বাবা, বাবা ! এতে তোমার আপমান হবে, আমি বিবাহ করবো না ।

উদয় । আরে ছাই আমি কি সম্মত হতেম, বড় দায়ে পড়েই সম্মত হয়েছি । কুলোকে কুকথা কয়,—বিশেষ ললিতাকে নিয়ে আমি আরও বিপদে পড়েছি ।

ললিতা । কেন—কেন মহারাজ, আমায় নিয়ে বিপদ কি ?

উদয় । যা, তুমি আমার বন্ধুর মেয়ে নও, আমার আপনার কণ্ঠার অধিক । তোমারও বিবাহ দিতে পারছি নে । নিরঞ্জনের সঙ্গে মাধুরীর বিবাহ দিতে পারলে, তোমার বিবাহ নিয়ে আর আমায় দায়ে ঠেকতে হবে না ।

ললিতা । নিরঞ্জন ?

উদয় । আরে এই ছোটো নাম আর মনে রাখতে পারিস্ নে ?—পূরঞ্জন আর নিরঞ্জন—শালিগ্রামের ছেলের নাম নিরঞ্জন । মাধুরি, তোর কি অসুখ হয়েছে ?

মাধুরী । বাবা, তোমার এতে বড় অপমান হবে ।

উদয় । আমার তোমাদের নিয়ে মান অপমান । সুপাত্র পাওয়া গিয়েছে, কি বলিস্ ললিতা ?

ললিতা । নিরঞ্জন কি বাড়ী গেছে ?

উদয় । যাবে না! বে নিয়ে একটা কথা উঠেছে, এখানে থাকলে তার বাপ কি বলবে? পূরঞ্জনও আজ তার দেশে যেতে, তা যাত্রা করবার সময় হাঁচি পড়েছে না কি হয়েছে, তাই আজ গেল না । এঃ হোরিতে ক'দিন ছ'জমে রাত জেগে খুব অসুখ করেছিস্ দেখছি ।

ললিতা । হ্যাঁ মহারাজ! আমার শরীর কেমন হয়েছে, আমি দাঁড়াতে পারছি নে, আমার মাথা ঘুরচে ।

উদয় । সে কিরে? কাল যে আমাদের যেতে হবে; তবে যা গুণে যা ।

ললিতা । না না, বলুন না শুনে যাই ;—নিরঞ্জন কি বলে—সে মাধুরীকে দেখেছে, মাধুরীকে ভালবাসে ?

উদয় । তুই যে অন্তমনা হ'চ্চিস ;—সে বে করতে চাই তো না, মাধুরীকে দেখে বাড়ীতে পত্র লিখেছে যে, 'ঐ মেয়ে হয় তো বে করবো ।' বড় সুখের কথা কি বলিস ?

ললিতা । তা বৈ কি ! (মাধুরীর প্রতি) কেমন লা—না ?

উদয় । নে নে, তোরা দুজনে পরিহাস করিস এখন, কথা শোন । (ললিতার প্রতি) এখন তোমার মা একটা সুপাত্র দেখে দিতে পারলে আমি নিশ্চিত হই ।

ললিতা । তা নিরঞ্জন কি বলে ?

উদয় । দ্যাখ্, এ কথা প্রকাশ করিস নে । সে যে ক'দিন আমার বাড়ী ছিল, সে উপবনের বাইরে এসে ছাদের উপর চেয়ে থাকতো, যদি একবার মাধুরীকে দেখতে পায় । আমি সেই জগুই অপমান স্বীকার করলেম ।

ললিতা । হ্যাঁ হ্যাঁ, তাই মাধুরী ছাদে উঠতো বটে ।

মাধুরী । নে মিছে কথা বলিস নে । বাবা, আমা হ'তে তোমার অপমান হলো ।

উদয় । তা হোক, আমার সহস্র অপমান হোক, তুই সুখে থাকলেই আমার হলো ।

মাধুরী । না বাবা, আমি বড় অসুখী হব ।

উদয় । তা যা হয় তা হবে, নে । (স্বগত) মেয়েটা ভালমন্দ কিছুই জানে না ; বে'র কথা বল্চি—তা একটু লজ্জা হচ্ছে না ! (প্রকাশে) ললিতা, কি বল্তে এসেছি, শোন । মাধুরি, মনোযোগ দাও । স্বপ্নর বাড়ীতে পাঁচ জনে পাঁচ কথা কইবে, তাতে মনে কিছু ক'রো না । তোমার মা পরম পবিত্রা, কিন্তু লোকে কলঙ্ক দেয় । তার কারণ, আমি

পিতার অমতে বিবাহ ক'রেছিলুম, সেই জন্তু সে বিবাহ প্রকাশ ক'রতে পারি নাই। আমার দ্বিতীয়া স্ত্রী যাকে তুমি মা বলতে, সে নিঃসন্তান ; তোমায় মানুষ করেছিল। কিন্তু আমার পিতার পরলোকের পরও লোকনিন্দার ভয়ে তোমার মাকে ঘরে আন্তে পারি নাই। অভিমানিনী চলে গিয়ে শুনি নাকি কানীধামে প্রাণত্যাগ ক'রেছে, সে দাগ আজও আমার প্রাণ হ'তে উঠে নাই, কি করবো—ফেরবার নয়। আহা! মাধুরীর বে সে দেখতে পেলো না, এই আমার পরম দুঃখ !

ললিতা। আহা ছোট মা থাকলে ও বে'তে খুব আনন্দ করতেন !

উদয়। আর বাছা, সে সব ভেবে কি ক'রবো। এখন একদায়ে নিশ্চিত হ'লেম, তোমার বিবাহটা দিতে পারলেই, তোমার স্বামীকে তোমার বিষয়-আসয় দিয়ে আমি জুড়ুই। লোকে কি বলে জান না, আমি বিষয়ের লোভে তোমাকে এনে গৃহে পালন ক'রেছিলুম। তোমার বাপের সঙ্গে আমার যে কি বন্ধুত্ব ছিল, তা হীনবুদ্ধি লোকে কি বুঝবে বল ! মা, তুমি কাঁদচো কেন ?

ললিতা। এতদিনে মাধুরী আমায় ছেড়ে যাবে !

উদয়। তা মা চিরদিন কি তোমাদের আইবুড়ো রাখবো ? পুরঞ্জনও অতি সুপাত্র, ভেবেছি, তোমার বিয়ে আমি তার সঙ্গে দেব।

মাধুরী। পুরঞ্জন!—সে কি ললিতাকে ভালবাসে ?

উদয়। তা কৈ কিছু শুনি নাই। তা ভালবাসবেই না বা কেন ? মা আমার জগদ্ধাত্রী !

ললিতা। রাজমহলে কি আমায়ও যেতে হবে, আমার শরীর বড় অসুখ।

উদয়। যমুনেই সেরে যাবে। কি করবো, অপমান স্বীকার করতে হলো। দুর্জনেরা বলে কি জানিস, যে, মাধুরীর গর্ভধারিণীর কাশী-প্রাপ্তি হয় নাই,—আরও কত কলঙ্ক দেয়, তা উচ্চারণ ক'রতে জিহ্বা দগ্ন হয়। আমি চলেম, তোরা শুগে যা।

মাধুরী । বাবা বাবা, পুরঞ্জন কি ললিতাকে বিবাহ করবে ?
আপনাকে কিছু জানিয়েছে ?

উদয় । সে পরের কথা পরে । [প্রস্থান ।

ললিতা । তুই মনের মতন রতন পেয়েছিস ! [প্রস্থান ।

মাধুরী । প্রাণ বিসর্জন ভিন্ন উপায় নাই ! যে দিন পুরঞ্জনকে
দেখেছি, সে দিন মজেছি, তার পায়ে বিকিয়েছি, তারেও মজিয়েছি ।
কলঙ্কের কথা কেমন ক'রে পিতাকে জানাব ! অশ্বের গলায় কেমন
ক'রে মালা দেব ! একি, একি, কি হলো, কার কাছে যাব !—কি
হলো, কেন সে এলো—পাখী ধরে দেবে,—রক্তোৎপল তুলবে—সে নয়
তবে কে ?—কি হবে, কি হলো—কোথায় যাব—এই যে—এই যে !—
কই—কি ! আর তো দেখা হবে না, আর তো দেখা হবে না !

(পুরঞ্জনের প্রবেশ)

পুর । একি—একি ? মাধুরি, মাধুরি !

মাধুরী । তুমি এসেছ, আমায় নিয়ে যাও, আমায় ফেলে যেও না ।
আমি বুঝতে পেরেছি, আমি তোমায় ভালবাসি । তুমি আমায় ভালবাস
কি ?

পুর । কি বলছো—তুমি আমার জীবনসর্বস্ব । আমি তোমার
কাছে বিদায় নিতে এসেছি, আবার শীঘ্রই আসবো । আমার পিতা পত্র
লিখেছেন, তাই যাচ্ছি ।

মাধুরী । তুমি চলে,—যাও—যাও ।

পুর । তুমি না বল, আমি যাব না ।

মাধুরী । না, না, যাও—যাও, আর বোধ হয় তোমার সঙ্গে আমার
দেখা হবে না, আমায় মনে রেখো ।

পুর । সে কি,—তুমি অমন কচ্ছ কেন ?

মাধুরী । তুমি শুনো না—তোমায় বলবো না—শুনলে তুমি যেতে পারবে না । আমিও তোমায় বলব না । তোমার সঙ্গে আমার সঙ্গে দেখা হয়েছে, তুমি কারেও বলো না ;—আমিও কারেও বলবো না । তোমায় আমি ভালবাসি, একথা কারে জানিও না ।

পুর । কেন—কেন—কি হয়েছে ?

মাধুরী । এখন নয়, এখন নয়, যদি কখনো দেখা হয়—সব বলবো । তোমায় না ব'লে কারে বলবো ! এখন যাও ।—পার যদি যাবার সময় আর একবার দেখা করো । এখানে আর এসো না ;—এলে তোমায় লোকে নিন্দা করবে, আমায় লোকে নিন্দা করবে । পার যদি আর একবার দেখা দিও । তুমি রাস্তায় দাঁড়িও, আমি জানালা হ'তে তোমায় দেখবো । আমি চল্লুম, তোমার কাছে আর আমি থাকবো না ।

পুর । মাধুরি, যদি তুমি আমায় ভালবাস, তবে কেন যেতে ব'লছ ? নিন্দা হয় হবে ।

মাধুরী । না, না, তোমায় ভালবাসতে নাই ;—আমিও তোমায় ভালবাসবো না, তুমিও আমায় ভালবেসো না । তুমিও আমায় ভুলে যাও, আমিও তোমায় ভুলে যাব ।

পুর । কেন মাধুরি, তুমি ত আমায় ভালবাস !

মাধুরী । না না, তুমি বিশ্বাস করো না ;—আমি কেন ভালবাসি বলেছি, জানি নে । তুমিও আমায় ভালবেসো না, হুঃখ পাবে, হুঃখ পাবে । যাও, যাও । আমি চল্লুম,—তুমিও হেতায় থেকে না । [প্রস্থান ।

পুর । একি, সহসা উন্মাদিনী হলো না কি ? আমি যাব বলে কি অভিমান করেছে ? কোন কি বিপদ হয়েছে, কারে জিজ্ঞাসা করবো ? আমায় ভালবাসে ! কি ক'রবো ? যাব না । না, না—যাই । পিতার কাছে বিবাহের অনুমতি ল'ব । [প্রস্থান ।

সপ্তম গর্ভাঙ্ক

কক্ষ ।

(ললিতা)

ললিতা । প্রতারণা—সকলই প্রতারণা—মেদিনী প্রতারণা-পূর্ণ !
মাধুরীও আমার কাছে মনের কথা বলে নাই । এখনও ভাগ ক'রলে, যেন
সে নিরঞ্জনের চায় না । যে দিন নিরঞ্জনের সঙ্গে দেখা হয়,—ধিক্ মন,
এখনো তার আকিঞ্চন !—সে আমার নয়, সে মাধুরীকে ভালবাসে । সয়
স'ক, আমারই প্রাণে স'ক ! পুরুষ এত কপট, তা আমি স্বপ্নেও জানতুম
না । বনে ফুলের ডাল মুইয়ে ধরলে,—আমার মনে হলো—যেন ফুল
পেড়ে আমায় পূজা ক'রবে । একটী ফুল আমার হাত থেকে পড়ে গেল,
সেই ফুলটী তুলে বুকে রাখলে । আমার সঙ্গে দেখা হলে, ভাবভঙ্গীতে
জানাতো, যেন আমার জন্ত উন্নত । কিন্তু কি অদ্ভুত ছল ! মাধুরীর জন্ত
আসতো, তা আমি স্বপ্নেও জানিনে !—কিষ্ণা তার সকলেরই সঙ্গে
প্রতারণা করা স্বভাব ;—না, মাধুরীকে ভালবাসে, নচেৎ বিবাহ করতে
চাইবে কেন !

(গঙ্গার প্রবেশ)

গঙ্গা । আপনি আমায় ডেকেছেন ?

ললিতা । কেন, ডাকতে নাই ?

গঙ্গা । না, আপনি তো বড় ডাকেন না । আর আমিই বা কি গান
শোনাব, আপনার কাছে বড় বড় গায়িকা এসে শিখে যেতে পারে ।

ললিতা । তুমি কত দিন মুজরো ক'চ্চ ?

গঙ্গা । ষোল বছর বয়স হ'তে এই কাজ কচ্চি ।

ললিতা । অনেক পুরুষ দেখেছ ?

গঙ্গা। কি করবো দেবি! যে ডাকে, সেইখানেই যেতে হয়; পাঁচ দোরের ভিকিরী। আর জাতজন্ম যখন ভাসিয়ে দিয়েছি, তখন আমাদের আর কি!

ললিতা। আচ্ছা,—পুরুষ তোমার কি রকম মনে হয়? বিশ্বাসী কি অবিশ্বাসী?

গঙ্গা। এ কথার উত্তর কি দিব দেবি! আমাদের কাছে যারা আসে, আমাদের সঙ্গে যারা আলাপ করে, কেউ ভালবেসে আসে না, চোখের নেসায় দুটো মিষ্টি কথা বলে। জানে কুকর্ম করি, তবু স্বভাবের দোষে আসে;—কিন্তু যে পুরুষমাত্রেই অবিশ্বাসী, এ কথা আমি বলতে পারি নে।

ললিতা। আচ্ছা,—তুমি তো অনেককেই দেখেছ,—তোমার কাউকে বিশ্বাস হয়?

গঙ্গা। বিশ্বাস করলে আমাদের ব্যবসা চলে না। বিশ্বাসে ভালবাসা জন্মায়, ভালবাসলেই আমাদের সর্বনাশ। ভালবাসা আর রোজগার একত্রে হই হয় না। দেবি, আমরা বড় অসুখী! লোকের মন ভোলাবার জন্ত বেষভূষা করি, হেসে হেসে প্রেমকথা কই, কিন্তু সদাই সতর্ক থাকি, পাছে কারো ভালবাসাতে পড়ি। যতদিন যৌবন আছে, ততদিন, তারপর সকলেরই ঘৃণ্য;—আমাদের আপনার লোক নাই।

ললিতা। আপনার লোক কেউ নাই! আপনার লোক হয় না। ভালবাস না, তাই সুখে আছ। ভালবাসলে যজ্ঞা পেতে, কেউ ফিরিয়ে ভালবাসতো না! পুরুষ স্ত্রীলোককে অবিশ্বাসী বলে, কিন্তু পুরুষের চেয়ে অবিশ্বাসী কেউ নাই।

গঙ্গা। অমন কথা বলবেন না, আমি দেবতার মত পুরুষ দেখেছি! কি করবো, সে আমার হবার নয়! সে যদি আমার হতো, তা হলে পৃথিবীতে স্বর্গ পেতাম!

ললিতা । চমৎকার বটে !—কে বলে মেঘেমানুষের মন কুটীল ?—
সে আমাদের মন জানে না ! তুমি কেশা, তুমিও ভালবাসতে চাও,
কিন্তু পুরুষের মনে ভালবাসা নাই,—ভালবাসার ভাগ জানে ।

গঙ্গা । দেবি, যদি মার্জনা কর তো একটা কথা জিজ্ঞাসা করি ।
আপনি কুলবালা, কখনও পর-পুরুষের সঙ্গে দেখা করেন নাই, পুরুষের
কথা কি ক'রে জানলেন ?

ললিতা । আমি একটা গল্প পড়েছি ; চমৎকার গল্প ! একটা
নায়িকার সঙ্গে একটা নায়কের দেবমন্দিরে দেখা হয় । নিত্য সেই যুবা
সেই যুবতীর সহিত দেখা করতে আসতো । যুবতী মনে করতো তারে
কত ভালবাসে, কিন্তু তা নয়, তার দেখা করতে আসা ভাগ মাত্র । হঠাৎ
সেই যুবতীর সখীকে সে বিবাহ ক'রলে । যার সঙ্গে দেখা ক'রতে
আসতো, তার আর কোনও সংবাদ নিলে না ।

গঙ্গা । তারপর সে যুবতী কি ক'রলে ?

ললিতা । তারপর যুবতী এ সংবাদ পেয়ে, মনে করলে আত্মহত্যা
করবো । পড়তে পড়তে আমার মন কেমন হ'য়ে উঠলো ।

গঙ্গা । তারপর সে মলো ?

ললিতা । মরবে কি না মরবে, মনের ভেতর তোলাপাড়া করছে ;—
তারপর আর আমি পড়তে পারলুম না ।

গঙ্গা । আমার সঙ্গে যদি সে যুবতীর আলাপ থাকতো, তা হ'লে
আমি তারে মরতে দিতুম না ।

ললিতা । কেন ? তার বেঁচে সুখ ? আত্মীয়ন সুখ পাওয়া চেয়ে
মরাই ভাল !

গঙ্গা । কেন, মরা কেন ! মলেই তো সকল আশা ভরসা ফুরিয়ে
গেল !

ললিতা । আশা ভরসা তো তার সব ফুরিয়েছে !

গঙ্গা । কেন, কি ফুরিয়েছে ! সে তো তারে ভালবাসে, মনে করলে তো তার সঙ্গে দেখা করতে পারে, তার সেবা করতে পারে, তার দাসী হতে পারে ! পৃথিবীতে আপনার সুখই যে সুখ, তা নয় ! যদি সে নায়িকা যথার্থ তারে ভালবাসে, তারে সুখী দেখে সুখী হতে পারে ।

ললিতা । তা কি হয় ?

গঙ্গা । সবই হয়, মন নিয়ে কথা । ভালবাসার সুখই তো—যার ভালবাসি—তারই সুখে সুখ । নইলে আমাদের বেঞ্জার ভালবাসা । যতদিন দিলে খুলে, মিষ্টি কথা বললে, ভাল বাসলুম, তারপর ফুলো । আমাদেরও ভালবাসার লোকের জন্য বিষ খাওয়া-খায়ি হয় । কিন্তু সে ছ্যাচড়া ভালবাসা, তারে আমি ভালবাসা বলি নে । আমি চলুম ।

ললিতা । আচ্ছা,—তোমার কেউ ছিল না বল্চো, যখন ষোল বৎসর বয়স, তখন বেরিয়েছ, তোমার ভাবনা হতো না ?

গঙ্গা । অনেক ভেবেছি । তারপর দেখলুম, পৃথিবী প'ড়ে রয়েছে, ভগবান ছুটি খেতে দেন ।

ললিতা । একলা বেড়িয়ে বেড়াও, তোমার ভয় হয় না ?

গঙ্গা । প্রথম প্রথম ভয় হতো, তারপর স'য়ে গেছে ।

ললিতা । আচ্ছা,—কত লোক এমন তোমার মত একা বেড়াচ্ছে ?

গঙ্গা । কত শত !

ললিতা । তবে ভগবান সকলকেই দেখেন, সকলকেই রক্ষা করেন ।

আচ্ছা তুমি এসো ।

[গঙ্গার প্রস্থান ।

ললিতা । আর কেন ! শত শত লোক একলা বেড়াচ্ছে, আমিও বেড়াব । কি ভয় ? মৃত্যুর উপায় তো নিজের কাছে । পোড়া মন, এখনো নিরঞ্জনকে দেখতে চাস ! মাধুরীকে বামে নিয়ে তোর সঙ্গে কথা ক'বে, তাই দেখবি ? তোরে উপহাস ক'র্বে, তাই গুনবি ? যাই । কিন্তু প্রহরীরা যে ধর্বে ? নর্তকীর বেশে যাই ;—গঙ্গা মনে ক'রে ছেড়ে

দেবে । ছিঃ ছিঃ, এত অদৃষ্টে ছিল ! কত সাধ মনে উঠেছিল, কত কথা মনে হতো, আজ ফুলো !

(অন্নদার প্রবেশ)

অন্নদা । তুই কি ভাব্‌চিস ? চলে যাবি ? আমি বুঝেছি, তোরা আমার দশা হয়েছে ! ছাখ আমি পাগলী বটে, যদি কেউ অকুল পাথার ভাবে, তার মুখ দেখে আমি বুঝতে পারি । আমিও অকুলে ভেসেছি, অকুলে কেন ভাসে তা জানি । আমি বুঝতে পারি, বুঝতে পারি ।

ললিতা । তুমি কে ?

অন্নদা । আমি যে হই না ;—তোরা তো অকুল পাথার, তোরা আর শুয় কি ? ঘেঞ্জায় বড় ব্যথা লাগে ! যারে আপনার ভাবি, সে আপনার না হ'লে বড় ব্যথা লাগে ! আমি জানি—আমি জানি ! তুই আসবি ? আমার সঙ্গে আয় ।

ললিতা । কোথায় যাব ?

অন্নদা । ঠিকানা ক'রে কি যেতে পারবি ? ঠিকানা ক'রে যেতে চাস তো ঘরে থাক ; সইতে পারিস্ তো ঘরে থাক । কিন্তু সইবে না,—সইবে না,—বড় জ্বালা—বড় জ্বালা !

ললিতা । মা, তুমি কে ? আমার ব্যথায় ব্যথী কেন ?

অন্নদা । মা বলিস্ নি,—মা বলিস্ নি ! আমায় মা বলে তোরা কলঙ্ক হবে, তোরা মাথা হেঁট হবে, তোরা ঘেঞ্জা ক'রবে,—আমায় মা বলিস্ নে !

ললিতা । কেন, কেন ?—তুমি কে ?

অন্নদা । আমি কে তা কি জানি !—তবে লোকে পাগলী ব'লবে কেন ! শ্রোতে পাঁচটা কুটো ভাসে না—আমিও তেমনি ভাস্‌চি । তুই যাবি ? চ',—তুই যারে ভালবাসিস্ জানি । তার সঙ্গে দেখা করিয়ে দেব ।

চল—চল—

ললিতা। আমি কারে ভালবাসি ?

অন্নদা। আমি কি জানি নি!—আমি সব জানি। সে তোমার গায়ে ফাগ দিয়েছিল জানি, তুই তার গায়ে ফাগ দিয়েছিলি জানি। সে তোমার—সে তোমার। দেখা হ'লে বুঝতে পারবি। মিছি-মিছি মন খারাপ করিস নে! তারে দেখবি আর—দেখবি আর।

ললিতা। আর সে যদি আমার না চায় ?

অন্নদা। না চায়, ভেসে বেড়াবি। কিন্তু ভুলতে পারবি নি, ভুলতে পারবি নি,—ভোলা যায় না—ভোলা যায় না—সে দাগ উঠে না! এই দ্যাখ না, আমি পাগল হয়েছি, তবুও ভুলতে পারি নে। আয় আয়, আর হেরী করিস নে। এখন সকলে আগবে, রাজমহলে যাবার জন্তু তয়ের হবে।—তুই চল—তুই চল—তুই তারে পাবি!—আমি মিলিয়ে দেব। আমি মিছে কথা কই নে, মিছে কথা জানি নে, আমার বড় সরল প্রাণ! তুই আমার সঙ্গে থাকলেই বুঝতে পারবি।

ললিতা। কোথায় যাব ?

অন্নদা। চল না—চল না, সব দিক বজায় থাকবে। যার যে—সে তার হবে! তোমার ধন আমি তোমারে দিইয়ে দেব! যার ধন সেই পাবে,—আমিও পাব! তারপর তার চিত্তেয় শুয়ে কুলের কলক ঘোচাব! কারো মুখ হেঁট হবে না, কারো কলক হবে না, প্রাণ দিয়ে কলক দূর ক'রবো, চিত্তেয় শুয়ে ছুড়ুবো। সব দিক বজায় ক'রবো!—নইলে এত দিন বাঁচতুম না! আয়, আয়—নীগ'গির আয়—ভাবিস নে।

ললিতা। চল মা, তোমার কথায় অকূল সমুদ্রে ঝাঁপ দেব।

অন্নদা। কি ভাবছিস—কি ভাবছিস?—আমি লুকিয়ে রাখবো, কেউ খুঁজে পাবে না। ওরা সব বজরায় গিয়েছে, তোমাদের বজরা পেছিয়ে আছে। রাজা এগিয়ে গিয়েছে, মাধুরী তার সঙ্গে গেছে, তোমার আর খোঁজ ক'রবে কে?—তোমার তো আর কেউ নেই।

ললিতা । না মা, ত্রিভুবনে আমার কেউ নাই !

অন্নদা । আছে, সব আছে—সব পাবি । বিধাতার বাঁধন—জন্মের আগের বাঁধন, দিনকতক বিচ্ছেদ—এখানে না দেখা হয়, সেখানে দেখা হবে, চিত্তের দেখা হবে । চল, চল, কেন ভাবছিস্ ? কালীবাড়ীর দোর খুলে রেখেছি, প্রহরীরা চের পাবে না, কেউ জেগে নেই, আর দেয়ী করিস্ নে, চল—চল—চল ।

ললিতা । মিছে কেন ভাবি, ঘরে বসে কেন জ্বলবো, সে পরের—আমি দেখতে পারবো না । না না—আত্মহত্যা করবো না, চলে যাই ।

অন্নদা । আয় আয়, কথা ক'সনে, পেছনে পেছনে আয় ।

[উভয়ের প্রস্থান ।





দ্বিতীয় অঙ্ক ।

প্রথম গর্ভাঙ্ক

উপবনস্থ বহির্প্রকোষ্ঠ ।

(পুরঞ্জন ও নিরঞ্জন)

নির । কি হে, তুমি আমার পত্র না পেয়েই বেরিয়ে পড়েছ না কি ?

পুর । কৈ, তোমার পত্র তো পাই নাই, আমি অমনিই বেরিয়ে এসেছি । কেন, খপর কি ?

নির । এই তুমি যাতে শীগ্গির শীগ্গির এসো তাই । আমার বলতে লজ্জা হ'চ্ছে ।

পুর । কি কথাটা কি ?

নির । যদি আমার বে হয় তো কি বল' ?

পুর । বলবো আর কি, আইবুড়ো নাম ঘুচে গেল ।

নির । গতি আমার বে ।

পুর। এর আর সত্যি মিথ্যে কি,—তোমার যদি বে হয়, কোন্ না আমারও বে হবে ।

নির। উপহাস ক'চ্ছ, আমিও কোন্ না উপহাস কর্তেম, কিন্তু যে দিন আমার মত ঠেকবে, সে দিন বুঝতে পারবে । এতদিন মনে কর্তেম, ভালবাসা একটা কথার কথা—প্রণয় একটা দুর্বলতা । কিন্তু ভাই, রাজসাহী গিয়ে আমার চৈতন্য হয়েছে । প্রেমই মানব-জীবনে সর্ব্বমুখ । এতদিন জীবনে লক্ষ্যহীন বেড়িয়েছি ; ভেবেছিলেম, স্বাধীন ভাবে কাটাবো, কিন্তু সে সব বদলে গিয়েছে ।

পুর। তা বেশ তো, তুমিও বদলেছ, আমিও বদলাব । ব্যস, শোধ-বোধ যাবে ।

নির। যথার্থ ভাই, আমি মজেছি । আমার দিবারাত্রি এক ধ্যান এক জ্ঞান । যতদিন না তার সঙ্গে মিলন হয়, আমার একদিন যুগ মনে হ'চ্ছে । যেন নূতন চক্ষু পেয়েছি, নূতন সংসার দেখছি ।

পুর। তা বেশ ক'চ্ছ, আমিও দেখবো, তার আর ভাবনাটি কি ?

নির। শোন'—তারপর বাক্‌চাতুরী ঝেড়ে ।

পুর। শুন্তে নারাজ কিসে বুঝছো বল ? তোমার পালা তুমি গেরে নাও, তারপর আমার পালা আমি গাচ্ছি । আমিও এক সাট বেঁধে এনেছি, মনে করছ কি, তুমি একলাই আসর মাতাবে ?

নির। তুমি রাজা উদয়নারায়ণের মেয়ে মাধুরীকে দেখেছ ?

পুর। কেন ? কে জানে ? দেখেছি বোধ হয় ।

নির। না, তুমি নিশ্চয় দেখ নাই । যদি দেখতে, তুমি হাজার পাশ হও, কখন ভুলতে না । মানবতে যে কখনও এমন রূপ সম্ভব, তা কেউ কল্পনাতেও জানে না ।

পুর। হ'তে পারে,—তা কি,—তুমি তারে দেখেছ না কি ? কোথায়

দেখলে ? তোমার সঙ্গে কি তার আলাপ হয়েছে ? কি, কোথায় আলাপ হলো ? কেমন করে হলো ?

নির। ইস, তুমি যে প্রশ্নের ঝাঁক ছেড়ে দিলে। আমি ক'টার উত্তর করবো বল ? সব বলছি, শোন না।

পুর। বল না—বল না, তোমার সুখের কথা শুন্বো, তাই মনটায় আগ্রহ হয়েছে।

নির। সে ফুল তুলতে এসেছিল। মৃগয়া করতে গিয়ে প্রথমে আমার সঙ্গে দেখা হয়।

পুর। তোমার সঙ্গে প্রণয় হলো না কি ? তোমাকে মহলে নিয়ে যেত ? তাই কি তুমি রাজবাড়ী হ'তে আসতে চাইতে না ? সে তোমায় ভালবাসে ?

নির। তা বলতে পারি নে। নিত্য উপবনের বাইরে আমি থাকতেম, সে নিত্য উপবনে আসতো,—দেখা হতো।

পুর। না তুমি বলছো না, তোমায় তার মহলে নিয়ে যেত। হ্যাঁ, হ্যাঁ, তুমি গোখুলির সময়টা বড় উত্তলা—হ'তে দেখেছি। তার পর, তার পর কি হলো ?

নির। তুমি কি সিদ্ধি খেয়েছ না কি ? অমন বক্তা হয়েছে কেন ? শোন না, সব বলছি।

পুর। হ্যাঁ হ্যাঁ একটু খেয়েছি,—বল বল শুনি।

নির। তার সঙ্গে আমার বিবাহ স্থির হয়েছে।

পুর। কি, তোমার বাপ রাজা হ'য়েছেন ? উদয়নারায়ণের কুলে যে একটা কলঙ্ক আছে ! তোমার বাপ রাজা হয়েছেন ?

নির। সে মিথ্যা কলঙ্ক। মাধুরী উদয়নারায়ণের পত্নীর গর্ভের কন্যা।

পুর। তবে বিবাহের সব ঠিক হয়েছে ? উপবনে নিত্য দেখা

হয়েছে ?

কারেও বিশ্বাস নাই, স্ত্রীলোককে বিশ্বাস নাই, ওরা অদ্ভুত সরলতার ভাণ জানে, কে শিখালে জানি নি ! আশ্চর্য্য ! আশ্চর্য্য !

নির । ভাই, আমিও ঐরূপ মনে করতাম । কিন্তু না, সে সরলতার প্রতিমূর্ত্তি দেখলে তোমার মনেও সন্দেহ থাকতো না ।

পুর । হতে পারে,—না কখনো না, তুমি জান না, বড় কুটিল, স্ত্রীলোক অতি কপট, কি নাম বলে—মাধুরী ?—উদয়নারায়ণের কণ্ঠা মাধুরী ? যার বাড়ীতে অতিথি হয়েছিলেম—তার কণ্ঠা ?

নির । কি হে তুমি কি বক্চো ?

পুর । কে জানে—আমার নেসা হয়েছে, আমার শরীর কেমন হয়েছে । আমার বড় অসুখ,—এসে ভাল করিনি । আমি কালই বাড়ী চ'লে যাব । তুমি এখন যাও ভাই, আমি দাঁড়াতে পাচ্ছি নি । সকালে এসো—সব শুনবো । এখন আমার মাথা ঠিক নাই, কে জানে ভাই, কি রকম হয়ে গেছে । প্রাণ কেমন কচ্ছে—প্রাণ কেমন কচ্ছে !

নির । ইস্ ! তুমি বেজায় নেসা করেছ দেখছি । চল তুমি শোবে, তোমার মাথায় জল দিই গে ।

পুর । না না, কিছু করতে হবে না । আমি ঘুমুলেই সুস্থ হব । তুমি এসো, তুমি থাকলে বকবো, বকলেই নেসা বাড়বে ।

নির । আচ্ছা, তবে তুমি স্থির হয়ে শোওগে, আমি আসি ।

পুর । হাঁ হাঁ, এসো এসো ! স্থির হব—স্থির হওয়া ভিন্ন উপায় কি ! এসো এসো, দেরি করো না, আমার নেসা বাড়বে ।

নির । আচ্ছা, আমি তোমার চাকরকে ডেকে দিয়ে যাই, তোমার মাথায় জল দিক্ । তুমি স্থির হয়ে শোও গে । [নিরন্তরের প্রস্থান ।

পুর । বুঝেছি, বুঝেছি, সব বুঝেছি । আমাকে যেমন গোপনে ঘরে নিয়ে যেতো, ওকেও তেমনি নিয়ে যেতো । না না, তা কি হয়, তা

হলে যে মারা যাব, কি করে প্রাণ ধরবো, বুক ফেটে যাবে। না না, মাধুরী নয়—আর কে !

(গঙ্গার প্রবেশ)

গঙ্গা । সর্বনাশ হয়েছে, আপনি না উপায় করলে, আর উপায় নাই ।

পুর । আমি কি উপায় করবো ! তার এত ছল, তার এত কপটতা ! না ন', আমা হতে কি উপায় হবে ! উপায় তারে করতে ব'ল । নিজের উপায় নিজে করুক, আমা হ'তে হবে না, আমি কি করবো !

গঙ্গা । সে বালিকা, সে কি উপায় করবে ? সে সব কথা তার পিতাকে কেমন ক'রে বলবে ? অনর্থ ঘটবে । আপনি নিবারণ করুন, সে আপনা ভিন্ন কারেও জানে না । সে উন্মাদিনীর মত হয়েছে, দিবারাত্রি কাঁদছে । আপনি সব কথা আপনার বন্ধুকে খুলে বলুন । তিনি সদাশয়, এ সব কথা জানলে তিনি কদাচ বিবাহ করবেন না ।

পুর । তুমি কি আমার বন্ধুকে দেখেছ ? সে আনন্দে উন্মত্ত হয়েছে, পল গুণ্ছে, জগৎ মাধুরীময় দেখ্ছে । সে আমার বাল্যবন্ধু, এ আনন্দে তারে নিরানন্দ করবো ? তার সরল বুকে ছুরি মারবো ? এ কাজ আমা হ'তে হবে না । তুমি জান না, পুরুষের প্রাণ তোমাদের মত নয় । লোকের প্রাণ নিয়ে খেলা করা তোমাদের কাজ, আমাদের প্রাণ সেরূপ নয় ।

গঙ্গা । প্রাণের গরব ক'চ্ছেন ? এই কি উচ্চ প্রাণের পরিচয় ? যে সরলা বালিকা জীবন-যৌবন অর্পণ করেছে, তারে অকুলে ভাসিয়ে দেবেন ? তারে কলঙ্কিনী করবেন ? তার জীবন শ্মশান করবেন ? ভাল, খুব উচ্চ প্রাণের পরিচয় দিচ্ছেন বটে ! কঠিনতার আর এক নাম পুরুষ ! অচেৎ এ কমল-কলি চরণে দলিত করতে পারতেন না ।

পুর। কেন, কি বলচো, দোষ কি ? আমার বন্ধুর মত জগতে রূপগুণ কার ? আমার বন্ধুর মত কে আদর জানে ? অমন ভাল মাধুরীকে আর কে বাসবে ? আমার সঙ্গে বিবাহ হয় নাই, চোখের দেখা দেখেছি, হুটো কথা ক'য়েছি। আমার বন্ধুর আদরে হ'দিন পরে ভুলে যাবে। তাকে জিজ্ঞাসা ক'রো, বিদায়ের দিন সে আমায় বলেছে, সে আমায় ভালবাসে না।

গঙ্গা। যদি বুঝে না বোঝেন, তা হ'লে কি ক'রে বোঝাব বলুন ! একবার তারে মনে করুন, বিদায়ের চক্ষু-জল মনে করুন, দীর্ঘনিশ্বাস মনে করুন, তার সরলতা মনে করুন। প্রফুল্ল কমলবনে আগুন ধরিয়ে দেবেন না। আপ'না ভিন্ন সে কিছু জানে না,—আপনি তার ধ্যান-জ্ঞান—জীবন সর্বস্ব—হৃদয়েখর !

পুর। কেন কেন, আর কেন জালা দাও, আর কেন হৃদয়ে অজ্ঞাঘাত করো। সত্য বলেছ, আমি বড় কঠিন, এখন' জীবিত রয়েছি !—কঠিন না হ'লে এতক্ষণে ফেটে যেতেম। পুড়ে থাক হ'চ্ছি, তবু দারুণ অনল চেপে রেখেছি।

গঙ্গা। মহাশয়, অনর্থক কেন এ জালা সহ করছেন ? কেন আর একজনাকে জালাচ্ছেন ? কেন বালিকার সর্বনাশ, আপনার সর্বনাশ ক'রছেন ? সব দিক বজায় থাকবে, আপনি সমস্ত কথা বন্ধুকে ভেঙ্গে বলুন। দেখুন—বালিকা আপন প্রাণমন সর্বস্ব আপনাকে অর্পণ করেছে। তার সঙ্গে অত্নের বিবাহ হবে, এতে, তার সর্বনাশ হবে, আপনার অধর্ম হবে। আপনার বন্ধুকে বলুন, বালিকার মিনতি রাখুন। আপনার বন্ধুর অতি উচ্চ প্রাণ, জানলে কখনো এ অনিষ্ট ঘটতে দেবেন না।

পুর। নিরঞ্জনের উচ্চ প্রাণ, তা তুমি আমার কাছে পরিচয় দিচ্ছ ? এ কথা আমি জানি না ? আমার জন্তু সে সব পারে, সে আপনাকে বিসর্জন দিতে পারে, সে সর্বত্যাগী হ'তে পারে। আমি ব'লে সে সমুদ্রে

ভেসে যেতে প্রস্তুত । তুমি জান না, আমি তার প্রাণ অপেক্ষা প্রিয় । আমার মলিন মুখ দেখলে সে দশদিক অন্ধকার দেখে, ছায়ার মত আমার সঙ্গে সঙ্গে ফেরে, ক্রীতদাসে যেমন মন ষোগায়, সেইরূপ আমার গুশ্রাবা করে ;—এই বন্ধুর প্রাণে আমি আঘাত দেব ?—একজন ত্রীলোকের জন্ত এই বন্ধুকে আমি পর করবো ?—কখনো না—কখনো না—প্রাণ থাকতে না ! আমি মরি মনুম, মাধুরী মরে মরুক, ধর্ম নষ্ট হয় হোক, সংসার ভেসে যার যাক, নিরঞ্জন সুখে থাকুক ।

গঙ্গা । বুক্লেম—অবলা অকুলে ভাসলো ।

পুর । তুমি যাও, আর সে কথা তুলো না । মাধুরীকে মনে হলে আমি স্থির থাকতে পারবো না, আমি কর্তব্য ভুলে যাব, বন্ধুকে ভুলে যাব, আমি কাপুরুষের গায় ব্যবহার করবো, আমি নিরঞ্জনের সর্বনাশ করবো । যাও—যাও !

গঙ্গা । এর অধিক আর কাপুরুষত্ব কি করবেন ?

পুর । তিরস্কার কর, যত পার তিরস্কার কর, তারে তিরস্কার করতে ব'লো । ভেব না—ভেব না—আর এ পৃথিবীতে আমার স্থান নাই । আমি প্রাণত্যাগ ক'রে তার হৃদয়ের কণ্টক দূর করবো । আমি য'লে সব কণ্টক দূর হবে, দু'দিন বাদে সকল স্মৃতি লোপ হবে, নিরঞ্জনকে নিরে সে সুখে থাকবে । [পুরঞ্জনের প্রস্থান ।

গঙ্গা । আমিই সর্বনাশের মূল ! কি উপায় করবো !—কেন দু'জনের মিলন করে দিয়েছিলাম । আমি রাজা উদয়নারায়ণকে কি জানাব ? কি কল হবে—আমারই প্রাণবধ হবে ! জানলেও এ বিবাহ রদ হবে না । পুরঞ্জন এর না উপায় ক'লে উপায় হবে না । [প্রস্থান ।

দ্বিতীয় গর্ভাঙ্ক

পুষ্প-বাটিকা ।

(রঙ্গলাল ও নিরঞ্জন)

রঙ্গ । তোমার কিছু গাঢ় প্রণয় !—প্রেম হ'তে না হ'তে বিরহ যন্ত্রণা !
এই তো তোমার বাপও বিবাহ দিতে রাজী হ'য়েছেন, আর উদয়নারায়ণ
তো,—“খ্যাপা ভাত খাবি, না হাত ধোব কোথা,” তোমার বাপের কথা
বজায় রেখে, তোমাদের কুল-প্রথামতে অতবড় একটা মানী লোক হ'রে,
ক'নে ঘাড়ে ক'রে তোমাদের দেশে বিবাহ দিতে আসছে, এখন আর
ছূর্তাবনা কেন ?

নির । ছূর্তাবনা কিসের ?

রঙ্গ । ছূর্তাবনা কিসের ? বাগাড় ছূর্তাবনা চলেছে ! এতেও যদি
তোমার না ভোরপুর হ'য়ে থাকে, তোমার পীরিতকে ছশো ছেলায় !

নির । আমার মনে বড় দুঃখ হয়েছে ।

রঙ্গ । সুখ-দুঃখ, কারা-হাসি, লক্ষ্য-লক্ষ্য—প্রেমের অঙ্গ এ সব ত
আছেই,—এ সব তো আর মৃতন নয় ।

নির । দেখ, পুরুষের মনে কি হয়েছে,—আমি কিছুই বুঝতে
পাচ্ছিনে । যে বাল্যাবধি আমার অঙ্গ প্রাণ দিতে প্রস্তুত ছিল, সে যেন ইচ্ছা
ক'রে আমার সঙ্গ ত্যাগ করে । সদাই অশ্রুমনক, সদাই মলিন বদন, ঘন ঘন
দীর্ঘনিশ্বাস, আমাদের সঙ্গ ছেড়ে নির্জমে নদীর ধারে গিয়ে ব'সে থাকে ।

রঙ্গ । ওর বাড়ীর কোন ছূর্তা হয় নাই তো ?

নির । এই তো আমোদ ক'রে বাড়ী থেকে এলো ।

রঙ্গ । হ'য়েছে, রোগের লক্ষণ আমি বুঝেছি । এখন মনে পড়লো,
তোমার সঙ্গে রাজসাহী বরা শীকার ক'রতে গিয়েছিল ।

নির । তাতে কি ?

রঙ্গ । পীরিতে পড়েছে আর কি !

নির । কিসে জানুলে ?

রঙ্গ । ও একলষেঁড়ে চাল প্রায়ই পীরিতের লক্ষণ ।

নির । না না,—পীরিতে পড়বে কেন ?—বরাবরই তো জানিস, তার বিবাহ কর্তে ইচ্ছা নাই, আর কিছু হ'য়েছে ।

রঙ্গ । কেন, তোমারও তো বিবাহ করবার ইচ্ছা ছিল না । তারপর রাজসাহী হ'তে এসে পীরিতে একেবারে লাটু হ'য়ে গেছ । উনিও রাজসাহী গিয়েছেন, শীকারেও ফিরেছেন, তোমার মত দৈববিপাক বশতঃ কোন কামিনীর কুঞ্জে গিয়ে পড়বার আপত্তিতে কি ? তারপর শীকার কর্তে গিয়ে, তোমারই মতন শীকার হ'য়ে এসেছেন ।

নির । দ্যাখ্, তোর কথাটা আমার এক রকম লাগছে । আমি যখন রোজ সন্ধ্যাবেলা গোপনে মাধুরীর সঙ্গে দেখা ক'রতে যেতাম, ও-ও কোথা যেতো । আমি আগে ফিরে আসতুম, কোন কোন দিন সে আগে ফিরে আসতো ।

রঙ্গ । তারপর তোমায় জিজ্ঞাসা ক'রলে বলতে,—“এই এ দিকে একটু বেড়িয়ে এলেম,” সেও বলতো,—“এই ও দিকে একটু বেড়িয়ে এলেম,” পরস্পর কেউ কারে কিছু ভাঙ্গতে না ।

নির । তুই খুব বিদ্বান আমি শুনেছি, কিন্তু তোর এমন যে হাত-গোণা বিদ্যা আছে, তা আমি জান্তেম না । দ্যাখ্, এখন আমার মনে পড়ছে, আমিও যেমন কখন বেরুই কখন বেরুই কর্তেম, ও-ও তেমনি কখন বেরুই কখন বেরুই ক'রতো । আর আমিও যেখানে মাধুরীর সঙ্গে দেখা ক'রতে যেতাম, ও-ও বোধ হয় তার কাছাকাছি কোথায় যেতো । হ'—ঠিক !—বোধ হয় সেই বাড়ীতেই কার সঙ্গে দেখা কর্তো,—হ্যাঁ হ্যাঁ মনে হ'চ্ছে—ঐ-ই বটে । একদিন শুণ্ডবার দিয়ে

বেকতে দেখেছি,—অন্ধকারে আমি ভাল ক'রে ঠাওরাতে পারি নাই। আর মাঝে মাঝে ঐ পথে দেখা হতো। আমি ওরে দেখেও দেখতেন না, পাশ কাটিয়ে চলে যেতেন।

রঙ্গ । তুমি একা পাশ কাটাতে না, ও-ও পাশ কাটিয়ে সরতো। তুমিও যেমন দেখেও দেখতে না, ও-ও তেমনি দেখেও দেখতো না। এবার ঠিক ধরেছি, পীরিতে পড়েছে।

নির । আচ্ছা, তুইও কেন পীরিতে পড়'না,—তুই একা কেন ফাঁকে পড়িস্ ?

রঙ্গ । র'সো, প্রেমতীর্থ রাজসাহী একবার ভ্রমণ ক'রে আসি। রাজসাহী তো নয়—বোধ হয় ঐখানে প্রমীলার পুরী ছিল; দেখছি—প্রেমের বাগান; ছ'ছটো বয়সকে প্রেমে জর-জর ক'রে ছেড়ে দিয়েছে।

নির । নে, তুইও একটা দেখে শুনে পীরিতে পড়।

রঙ্গ । ও দেখে শুনে কি আর পড়ে ?—পড়বো যখন ছম্ভি খেয়ে প'ড়বো।

নির । আচ্ছা, তুই বে ক'রবি নে ?

রঙ্গ । বে ক'রবো না বলবো, যখন মেয়েমানুষ-বংশ নির্বংশ হবে, কিম্বা যখন কর্ণ-শ্বাস হবে। নইলে তোমাদের মত ভাল চুকে পালোয়ানী ক'রে বেড়াতে বেড়াতে কার কুঞ্জ গিয়ে সেঁধুবো, হা-ছতাশ দীর্ঘশ্বাস ফেলতে থাকবো, আর সরল প্রাণে তিন পাক দে গাঁট দেবো।

নির । সে কি, প্রেমে নূতন জীবন হয়, তা জানিস্ ? সে দিন গান গাইলে শুন্নি নি,—“পীরিতে গজায় নূতন প্রাণ।”

রঙ্গ । পুরণো প্রাণে এখনও একটু দরদ আছে, প্রেমের ওটুকো চারা সখের ছদ-বাগানে পুঁতে চাই নি।

নির । প্রেম ওটুকো ?—কে তোরে বিদ্বান বলে, তুই মুখ প্রেমে প্রাণ উদার করে তা জানিস্ ?

রঙ্গ । এই যেমন উদার প্রাণ তোমরা ছুঁজনে হয়েছ । বাবা, আমি ঢের দেখেছি, যেই একটা মাগী জুটলো, অমনি লুকোচুরী আরম্ভ হ'লো, বন্ধুত্বের গয়ায় অমনি পিণ্ডি প'ড়লো, মনের দ্বারে অমনি বিধুমুখী চাবী দিলেন । আপনা হ'তেই বোঝা না,—একআত্মা—একপ্রাণ—হুই বন্ধুতে শীকারে গেলে, তার পর বিধুমুখীদের পাল্লায় প'ড়ে, মনের দোরে আগড় দিয়ে জুদো হ'য়ে এলে, প্রেমের কথা কেউ পারেও ভাসলে না ।

নির । আমি যে ভাই ক্রুটেগিরি ক'রে ভাসিনি তা নয়, আমি ওরে ভয় ক'রতুম । ওর বড় পটপটানি জানিস তো, মেয়ে মানুষের মুখ দেখতে নাই বলতো ; কি জানি উপদেশের লম্বা এক ছড়া আউড়ে দেবে, তাই বলি নাই ।

রঙ্গ । ও-ও উপদেশের ভয়ে তোমায় ভাসে নাই, তা জেনো । তুমিও কি কম পালোয়ানী ক'রতে, তুমিও যে কতবার বলতে, “মেয়ে মানুষের ছায়া মাড়াতে নাই !” তোমারই মুখে শুনেছি, “মেয়ে মানুষের পাল্লায় প'ড়ে, দশরথ রামকে বনে দিলেন, কৃষ্ণ গয়নার ভাত খেয়ে বাঁশী বাজালেন—তারপর বিধুবদনীর পায়ে ধ'রে আমানী-ঝোঁমানী কাঁদলেন !”

নির । দ্যাখ দ্যাখ, পুরঞ্জনে আমাদের দেখে স'রে যাচ্ছে, আজ ওরে চাপাচাপি ক'রে ধ'রতে হবে । দেখতে পেয়েছি হে—দে'খতে পেয়েছি, পালাচ্ছ কোথায় ?

(পুরঞ্জনের প্রবেশ ।)

পুর । এঁ্যা—তোমরা হেতায় ?

রঙ্গ । আমি ভাই পালাবো পালাবো করছিলুম, ভাবছিলুম কোন মদীর ধারে গিয়ে দীর্ঘনিশ্বাস ফেলবো, কিন্তু নিরঞ্জন ছাড়ে না, ও ওর প্রেমের কথা বলছে ।

পুর । কেন, নদীর ধারে দীর্ঘনিশ্বাস ফেলবে কেন ?

রঙ্গ । কেন ? রাজসাহী যে তোমাদের একচেটে ইজারা তা তো নয় ; আমিও শীকার ক'রতে গিয়েছিলাম । তোমাদের মতন আমারও এক জমীদারের বাড়ীতে হোরির নিমন্ত্রণ হয় । সেইখানে হোরি খেলতে খেলতে বাগানে তোমাদেরই মতন এক নাগরীর সঙ্গে দেখা ; তার কি রূপ কি গুণ ! চকোর খেতে মুখে টাদ এসে নাব্ছে, মৃগালের মত সরু সরু কাঁটাওয়াল হুই ভুজ, হাত দু'খানি সহস্রদল পদ্ম ফুটে রয়েছে, আর পদ্মপাতার মতন ঘোরালো হুই চক্ষু—তাতে আরক্ত আভা, সদ্য যেন ছাগল কেটে রক্ত দিয়েছে ! কষুকণ্ঠী বামা পোঁ পোঁ মধুর ধ্বনিতে যেন আরতি ক'রতে লাগলেন । আমি অমনি অনিষিষ নয়নে লাল হুই তালাকুচা অধরে কোকিলের মত শাঁশ খাবার জন্তে অধীর হলেম ;— এখন সেই তালাকুচো অধর-শাঁসের বিরহে আমার কোকিল-প্রাণ নিরিবিলি কোন্ নির্জন কুঞ্জে কু-কু ক'রবে ভাব্ছে ।

পুর । তুই নেহাত বেল্লিক, কে বলে তুই লেখাপড়া শিখেছিস ।— কবির মৃগালভুজ, কষুকণ্ঠী, বিধাধর, করকমল, মুখচন্দ্র ব'লে বর্ণনা করে, তাই তোর ঠাট্টা হচ্ছে, তুই নেহাত বেরসিক ।

রঙ্গ । বাস্—রাজসাহী বেড়িয়ে এলেম, আবার বেরসিক ! প্রাণে কবিতার লহরী খেলছে !

ভ্রমণ করিছু সখা, রাজসাহী বিমল আকাশে,
পুরাতন কেশজাল তার ছিল জাগিয়া বসিয়ে,
লক্ষ দিয়া ধরিল আমায়—সুপ্রবীণা সে নাগরী,
মরি, হৃদয়ে কৈল বিদ্যৎ গর্জন !

নির । আঃ চুপ কর । পুরঞ্জন, তোমার কি হয়েছে ?

পুর । সে কি হে, কি হবে ?

নির । কেন তাই, আমাদের কাছে গোপন কর কেন ? তুমি বল

আমার মনে বড় কষ্ট হ'য়েছে । এই জিজ্ঞাসা কর, রঙ্গলালকে আমি এই কথা বল্ছিলুম । দু'দিন বাড়ীতে থাকতে গারলে না, আমার কাছে ছুটে এলে । কিন্তু আমি যখন পরিচয় দিলেম যে রাজা উদয়নারায়ণের কণ্ঠার সঙ্গে আমার সঙ্ক হ'য়েছে, তুমি যেন কি রকম হ'য়ে গেলে । এ বিবাহে কি তোমার অমত ?

পুর । না না, তুমি তারে ভালবাস, সে যদি তোমায় ভালবাসে, তা হ'লে আমার অমত ঠাওরাও কেন ?

নির । তোমায় তো বলেছি, সে ভালবাসে কি না জানিনে, কিন্তু আমি তারে যেদিন অবধি দেখেছি, সেদিন হ'তে তারে আমি ভুলি নাই । কিন্তু বল, যদি তোমার অমত হয়, আমি প্রাণ ছিঁড়ে ফেলে দেব, তোমার অমতে আমি কোন কার্যই করবো না, এ তুমি নিশ্চয় জেনো । পুরঞ্জন, আমি ভুলি নাই, যে জিনিস তোমার মিষ্ট লাগতো, সেই জিনিস তুমি আমায় দেবার জন্ত তুলে রাখতে ; আমি পড়া বুঝতে পারতাম না, তুমি আমায় শিক্ষা দিতে ; তোমার শিক্ষায় আমি অস্ত্রবিদ্যায় দেশবিখ্যাত । বাল্যকালে আমার প্রায়ই উৎকট পীড়া হতো, তুমি জীবন উপেক্ষা ক'রে আমার শুশ্রূষা কর্তে । তুমি তোমার বাবাকে ছেড়ে বিদেশে আমার কাছে থাকতে ভালবাস । তুমি বল', এ বিবাহে কি তুমি অসম্মত ?

পুর । না না, কেন তুমি এ কথা মনে কচ্ছ ? তুমি আবার কি ভাববে—আমার শরীর বড় অসুস্থ—কে জানে, কেন এমন হয়েছে ;—আমার অমত নয়—আমার অমত নয় !—আমি ভাই চল্লুম, কতকগুলো পত্রের জবাব দিই নাই, জবাবগুলো দিতে হবে, আমি চল্লুম । [প্রস্থান ।

নির । কেমন হয়েছে দেখ্‌লি ?

রঙ্গ । আচ্ছা বলছি । তোমরা দু'জন রাজসাহী গেলে, তুমি ডাল মুইয়ে খ'রলে, রূপসী ফুল পেড়ে নিলেন, তারপর উদয়নারায়ণ তোমাদের বাড়ীতে সন্ধ্যা ক'রে নিয়ে গেল, সে দিন হোরি, তোমরা দু'জন রইলে, তারপর ।—

নির । তারপর তো বলেছি, ভাং খেয়ে গায়ে ফাগ দেওয়াদেয়ি ক'রলেম, তারপর নেশার ঝোঁকে অন্তর মহলের উপবনে গিয়ে পড়ি, দেখলেম, ওড়নাতে ফাগ :নিয়ে, ফাগে সর্বশরীর লাল, একটা যুবতী দাঁড়িয়ে ।

রঙ্গ । তিনি সেই রূপসী, যিনি তুমি ডাল লুইয়ে ধরেছিলে, তিনি ফুল পেড়ে নিয়েছিলেন । তারপর ?—

নির । আমি সম্মানের সহিত তার গায়ে ফাগ দিলেম, যুবতীও হেসে আমার গায়ে ফাগ দিলে । এমন সময় কে একজন “মাধুরী মাধুরী” বলে ডাকলে, সে অমনি চলে গেল ।

রঙ্গ । তাইতে বুঝলে, যুবতীর নাম মাধুরী ।

নির । হ্যাঁ, তারপর অনুসন্ধান জানলেম, মাধুরী উদয়নারায়ণের একমাত্র কন্যা ।

রঙ্গ । মাধুরী উদয়নারায়ণের একমাত্র কন্যা হ'তে পারে, কিন্তু তুমি যারে দেখেছ, তার নাম মাধুরী কিনা ঠিক জান ? সে যুবতী মাধুরীর কোন সখীও তো হ'তে পারে ?

নির । না না, আমি যারে দেখেছি, সেই মাধুরী । তার পরিচ্ছদ, চালচলন সব রাজকুমারীর গায় । উদয়নারায়ণের একটা বই কন্যা নয় । তবে সে যদি মাধুরী না হয়, তবে অমন সুন্দরী সুবেশা রমণী, উদয়নারায়ণের অন্তঃপুরে আর কে হবে ?

রঙ্গ । বুঝলেম তোমার রোগ এইখানে ধ'রলো । তারপর একটু স্মরণ করো,— তুমি যখন নেশায় মেতে হোরি খেলতে লেগে গেলে, তখন বোধ হয় বুদ্ধিমান পুরজনও হোরি যুদ্ধে মেতেছিলেন ?

নির । না, সেদিন যে, ও কোথায় ছিল, তা আমি জানি নে । সে রাত্রে দেখাও হয় নাই । পরদিন প্রাতে শুন্লেম বড় নেশা হয়েছিল, রাজবাড়ীতেই ছিল ।

রঙ্গ । দেখ তুমি ঠিক জেনো, ঐ বাড়ীতে তিনিও কোথায় হোরি খেলেছেন ।

নির । তারপর ?

রঙ্গ । কালসাপ বুকে কামুড়ে দিয়েছে আর কি ।

নির । তোর সাক্ষাতে কোন কথা ভেঙ্গেছে নাকি ?

রঙ্গ । ও ভাগ্‌বার কথা নয় । এমন হৃদবন্ধু অতি বিরল, যিনি প্রেমের কথা ভাঙেন !

নির । তোর কি ঠিক বোধ হয়, কারও প্রেমে পড়েছে ? তা যদি হয়, আমি সে কথা বার ক'রে নিচ্ছি ।

রঙ্গ । সে বলবে না ।

নির । কি, আমায় বলবে না ? আমার সঙ্গে কপটতা ক'রলে, তার সামনে আমি বুকে ছুরি দেব না ! আমায় বিমর্ষ দেখলে সে অধীর হয়, তা তো তুই জানিস !

রঙ্গ । আচ্ছা মনে কর, যদি সেই মাধুরীই ওর গায়ে ফাগ দিয়ে থাকে, অমনি ক'রে হেসে চলে গিয়ে থাকে ?

নির । সে কি ? তাও কি হয় ?

রঙ্গ । হ'বার তো বিশেষ আপত্তি দেখছি নে । বোঝ, আমোদ ক'রে দেশ থেকে তোর বাড়ী এলো, বের কথা শুনে আমোদ ক'রলে, —তারপর যেই শুনলে উদয়নারায়ণের মেয়ের সঙ্গে তোর বিয়ে হবে, অমনি মাথা ধরলো, ফাঁকে ফাঁকে বেড়ায়, তোর সঙ্গে দেখা করে না । এদিকে রাজসাহীতে তুমিও যদিকে মাধুরীকে খুঁজতে, সেদিকে তার দেখা পেতে ; আর চক্ষের উপর দেখলেম, কথা শুনতে পারলে না, মুখ কেমন হ'য়ে গেল, শরীর অস্থখ, বাড়ীতে চিঠি লেখার ধুম পড়লো ;— এদিকে যাচ্ছিলেন নদীর ধারে !

নির । এঁগা এঁগা ! তোঁর কথা আমার সত্যি বোধ হচ্ছে । তা হ'লে কি হবে ?

রঙ্গ । হবে আর কি,—যখন এক সর্কনাশী এসে মাঝখানে জুটেছেন, তখন বন্ধুবিচ্ছেদ, মনোকষ্ট, এই আর কি ! শেষ তুমি ঘরের ছেলে ঘরে থাকবে, ও ঘরের ছেলে ঘরে চলে যাবে । মুখ দেখা-দেখিটী পর্যন্তও থাকবে না ;—আর ছুরিছোঁরাও যদি চলে যায়, তাতেও আমি আশ্চর্য্য হবো না । ইস, তোমার ভাব ঘোরাল হ'য়ে আসছে দেখছি ! একটা কিছু কেলেকার বাধাবে ।

নির । তুমি ওকে একটা কথা জিজ্ঞাসা ক'রতে পার ?

রঙ্গ । ধর, করলুম । আর ধরে নাও, সে সব মনের কথা খুলে বললে । জানা গেল, যে ঐ মাধুরীই তার বৃকে ছুরি মেরেছে ।

নির । তা যদি সত্য হয়, আমি মাধুরীকে চাইনে, ওর সঙ্গেই বে দেবার চেষ্টা পাব । মাধুরী যেমন সুন্দরী, তার যোগ্য আমি নই, পুরঞ্জনই তার যোগ্য ।

রঙ্গ । বিবাহ তো দেবে,—তারপর বনগমন ক'র্বে বাসনা ক'ছ ? তোমার উঁচু প্রাণ, লম্বা চওড়া ঝাড়ছো বটে, আর যে ক'র্বে—তাও আমি বিশ্বাস করি, কিন্তু তারপর ঘরে টেঁকতে পারবে না চাঁদ, প্রাণ হু হু ক'র্বে ! আর যদি সত্যি পীরিতে পড়ে থাক, সে ছিনে জেঁক—ছাড়বে না । ভুলবো মনে ক'র্লেই মানুষ যদি ভুলতে পারতো, তা হ'লে ছুনিয়ায় মেয়েমানুষের গোলামত্ব কেউ করতো না, এই তোরে পাকা বললুম । ও প্রেম কাঁটালের আটা, এখনও এমন তেল বেরোয় নি, যাতে ও আটা ছড়ায় ।

নির । হঁ !

রঙ্গ । এই দেখ না, এখন হ'তেই “হুম-হাম” আরম্ভ ।—একটা কথা শুনবে ?

নির । কি ?

রঙ্গ । যদি এক রূপসী উভয়ের প্রাণ হরে থাকেন, তবে উভয়েই
প্রেমে ইন্তোফা দাও । অমন দোনাড়া ধনী কেউ ধরে এন' না ।

নির । তুমি ঠিক বল', জীবন সমস্তাপূর্ণ !—আমার জীবনে এই প্রথম
সমস্তা । [উভয়ের প্রশ্নান ।

তৃতীয় দৃশ্য

উদ্যানসংলগ্ন নদীতীরস্থ পথ

(পুরঞ্জন ও নিরঞ্জন)

নির । হেরিয়ে তোমায় মম উদ্বাহ সময়,
হয়েছিল কি আনন্দে পূর্ণিত হৃদয়—
কথায় কি কব—
বুঝ তুমি আপনার মনে ।
কিন্তু হরিশে বিষাদ,
বিবাহের সাধ
আর মম নাহি পুরঞ্জন !
হেরি তব দিবা-নিশি মলিন বদন,
দীর্ঘশ্বাস ঘন ঘন ;
তব প্রফুল্ল নয়নে
নাহি সে আনন্দ ছবি ।
প্রাণ সম মাধুরী আমার ।
কিন্তু হেরি তোমার এ দশা,
প্রেমের পিপাসা নহে আর বলবতী ।

যারে করি ধ্যান, ধরা মম স্বর্গ হ'ত জ্ঞান,
সে ছবি বিষাদপূর্ণ আজি ।
বিষন্ন তোমারে সখা হেরি
মাধুরীর নাহি সে মাধুরী,
বল ভাই, এ ভাব কি হেতু তব ?
এ জীবনে প্রিয় বস্তু যা আছে আমার,
সকলি অসার,
এ দশা তোমার আর সহিতে না পারি ।
মনোভাব কি হেতু গোপন কর ?
জান তুমি, যদি তব হয় প্রয়োজন,
এ জীবন বিসর্জন দিব অনায়াসে !
বল বল, কেন তব হেন দশা ?

পুর । তুমি চির-আনন্দ আমার,
তুই দেহ তুমি আমি এক প্রাণ ।

নির । তবে কেন দীর্ঘশ্বাস প্রকাশে হতাশ ?
তবে কেন সজল নয়ন,
অবিশ্বাস কি হেতু আমায়,
মনের কপাট নাহি খোল ?
যেবা প্রয়োজন,
বিষাদের যে হয় কারণ,
করি জীবন অর্পণ,
মোচন করিব তাহা ।
কপটতা করো না আমার সনে !

পুর । কেন হে বিষাদপূর্ণ করিব তোমায় !
যে পীড়ার নাহিক উপায়,

শুনি তব বেদনা বাড়িবে,
 উপায় না হবে ;
 জানালে বাড়িবে জ্বালা না হবে নির্কাণ ।

নির । সন্দেহ কি জন্মেছে হে বন্ধুত্বে আমার,
 যেই হেতু যত্নে কর হৃদয় গোপন ?
 পর কি হয়েছি এতদিনে ?
 খেলিতাম বালক যখন,
 হ'লে কোন বিষাদ কারণ.
 ছুটিয়া আসিয়ে,
 গলা ধরে কহিতে আমারে ;—
 তবে এক হেতু এ কপটতা আজি !
 ভেবেছ কি মনে,
 বাল্যবন্ধু তব ভুলিয়াছে পূর্ব ভালবাসা ?
 বাল্যক্রীড়া, আমোদ-প্রমোদ,
 জীবন উৎসর্গ পরম্পরে,
 আজি কিহে তার ভাবান্তর ?
 প্রাণান্তরে সম্ভব তো নয় !
 হেন কুটিলতা কি হেতু জন্মিল তব মনে !
 দেখেছ কি কভু মম কুটিল আচার ?
 কুটিলতা করি হেন হয় যদি মনে,
 তীক্ষ্ণ ছুরিকায়
 অন্তরের অভ্যন্তর দেখাব তোমায় !
 বিচ্ছেদ আশঙ্কা মম বাজ সম বাজে ।
 তোমা বিনা কে আছে আমার !

পুর । হ'য়েছে হৃদয়ে তব প্রেমের সঞ্চার ।

মাধুরী তোমার করিয়াছে প্রেমে প্রতিদান ।

কেন প্রাণ করিবে শ্মশান

শুনিয়ে হৃদয়-ব্যথা মম ।

নির । বল, নহে বুঝে যাই

বন্ধুত্ব বিচ্ছেদ এতদিনে ।

ভাই ভাই, আত্মঘাতী করিবে আমাঘ ?

পুর । না জান না জান সখা,

কিবা অস্ত্র ধরি এ জিহ্বায়,

ছিন্ন প্রাণ হবে এক ঘায় !

কর সম্বরণ, জেনো না কারণ,—

উদগারিতে দারুণ অনল

করো না হে অনুরোধ ।

ভস্ম হবে, ভস্ম হবে দুর্জয় গরলে ।

নির । চাহ যদি দেখিতে মরণ—

করহ গোপন,

নহে জানাও বেদনা তব ।

পুর । ভাই, বিষম সঙ্কট !

নির । হা রঙ্গলাল, সত্য তব অনুমান !

নিদারুণ প্রেমের মমতা,

বুঝেও না বুঝে মন !

খুলিয়াছে মমতার আবরণ ।

পুর । কি কি ?

নির । পুরজন, প্রবঞ্চনা করো না আমার সনে,

বুঝিয়াছি কি পীড়া তোমার ।

করো না গোপন,

বান্ধব তোমার আমি,
 মুগ্ধ তুমি মাধুরীর প্রেমে—
 সে তোমার প্রেমে বাঁধা ।
 দিও না হে মনে স্থান
 হেন হীনপ্রাণ বন্ধুর তোমার—
 বিচ্ছেদ ঘটবে তোমা সনে
 সামান্ত নারীর তরে ।
 শপথ তোমার,
 তব প্রণয়িনী আজি হ'তে আমার ভগিনী,
 বান্ধব-রমণী আদরিনী ।
 তুমি যোগ্য তার !—
 মিলন হেরিয়ে আমি জুড়াব জীবন ।

পুর । একি একি, নিরঞ্জন !
 কেন দাও আত্ম-বিসর্জন ?
 ভালবাস তুমি তারে,
 সে বিনা হইবে তব জীবন শ্মশান ।
 বন্ধু হ'য়ে বুকে ছুরি হানিব তোমার !
 ছি ছি, ব্যথা আর দিও না আমায় ।
 সত্য ভালবাসি তারে,
 ভুলে যাব দিন ছই পরে ।
 কিন্তু যদি ভুলিতে না পারি,
 এলো গেলো কিবা তাহে ।
 তোমা হেতু জীবন অর্পণ,
 তার নহে জান তুমি !
 ভালবাস তারে ।

যদি না হয় মিলন,
তিক্ত হবে সংসার তোমার ।

নির । রূপমোহে মুগ্ধ মন,—
প্রণয়ে আবদ্ধ নহি তোমা সম !

পুর । ভাল নাহি বাস তারে ?
উদ্বাহের কথা মোরে कहিলে যখন,
অন্তরের প্রেম তব দেখেছি নয়নে,
শুনিয়াছি বচনে সে প্রেমের উচ্ছ্বাস,
ছিলে তুমি আনন্দে বিভোর ।

আজি হের দর্পণে বদন,
নাহি সে আনন্দ ভাব—
অন্তর-মালিণ্য দেয় পরিচয় মুখে ।
করি তারে ত্যজিবারে পণ,
রসহীন করো না জীবন ।

তব সুখের জীবনে দুঃখের কারণ
কি হেতু করিতে চাহ সুহৃদে তোমার !
দেহ বিদায় আঁমায়,

দেশে যাই চলে,—

দিন ছুঁয়ে যাব সব ভুলে ।

নির । দ্বিচারিণী পত্নী কি করিবে মোরে দান ?
এই কি হে বন্ধুত্ব তোমার ?
তোমার রতন করিব গ্রহণ,
বন্ধুর কি এই উপহার ?

পুর । কেন, কিসে দ্বিচারিণী ?
হয় নাই উদ্বাহ আমার সনে ।

নির। কহ সত্য,
 লুকায়ে রেখ' না কথা,
 দৌহে দৌহা প্রেমে বাঁধা বুঝেছি নিশ্চিত ।

পুর। শুন তবে স্বরূপ ঘটনা ।
 হোরি খেলা হয় যেইদিন,
 নর্তকী জনেক,
 লয়ে গেল মাধুরী সদন ।
 সেথা পরস্পর হলো বাক্যালাপ ।
 কিন্তু বাসে বা না বাসে ভাল,
 স্থির আমি না জানি অত্যাপি ।
 বলেছিল বাসি ভাল,
 কিন্তু বিদায়ের দিনে
 দৃঢ়পণে কহিল আমায়—
 ‘তোমাতে বাসি না ভাল’ ।
 শপথ তোমার —
 সন্দেহের ছায়া প'ড়ে র'য়েছে হৃদয়ে ।

নির। যাইতে কি নিত্য তার পাশে ?
 বিদায়ের কালে
 পুন আসিবারে অনুরোধ করিত রূপসী ?

পুর। হাঁ, কিন্তু কে বোঝে নারীর মন !

নির। কারে কহ ভালবাসা ?
 পূর্বরাগে হয় সত্য সন্দেহ সঞ্চার,
 মনে হয় বাসে বা না বাসে ভাল ।
 কিন্তু তুমি বুঝ লক্ষণ,
 অবহেলি কলঙ্কের ডর,

গোপনে আনিত নিত্য নির্জন আলায় ।

কেন ? কিবা অভিপ্রায় ?

নহে কি এ প্রেমের লক্ষণ ?

পূর । তুমি কিন্তু বলেছ আমায়,

দাঁড়াইত তব প্রতীক্ষায় ।

নির । ভ্রম মম,

প্রতীক্ষায় থাকিত তোমার ।

কর অঙ্গীকার, গ্রহণ করিবে তারে ।

নহে শুন স্বরূপ বচন,

শেষ দেখা তোমায় আমায় আজি ।

পূর । কহ যাহা সম্ভব কি রূপে ?

তব কুলপ্রথা মত,

কণ্ঠা লয়ে আসে রাজা উদয়নারা'ণ ।

সম্বন্ধ তোমার সনে,

মোরে কেন করিবে অর্পণ ?

লোকে কিবা কবে,

দেশে দেশে কুরব রটিবে,

এ ঘটনা কিরূপে সম্ভব !

বিশেষতঃ জানিনি নিশ্চয়,

নহে তব প্রেম-পিপাসিনী ।

ক্রীড়াচ্ছলে হয় তো বা ডাকিত আমায়,

অসম্ভব নয়,

বালিকা সে নিশ্চল হৃদয়,

বোঝে নাই পরিণাম ।

নির । বিশ্বাস যতপি তব থাকে মম ভাবে,

যন্ত্রণা সযো না আর ।

প্রেমাধিনী সে রমণী তব ।

মনে মনে বুঝ নিজ মন,

সরল অন্তর নাহি করে কপটতা ।

পুর । কহ ভাই, কিরূপে প্রবোধ দিব মনে

ছিন্ন করি তোমার হৃদয় ?

নির । মম মমতায় কর্তব্যে না হও পরাশ্রুত,

ভাসায়োনা অকুলে বালায় ।

মন-প্রাণ অর্পেছে তোমায়,

বরি মোরে হবে দ্বিচারিণী ।

আমিও বা কিরূপে তাহারে লব গৃহে ?

তুমি যদি কর পরিহার,

কি উপায় আছে তার আর ।

হিন্দু-নারী অকুলে ভাসিবে,

নহে ধর্ম্য নষ্ট হবে ।

জেনে শুনে হেন আচরণ

উপযুক্ত নহে তব ।

পুর । সত্য যদি হয় এ সকল,

ভাল যদি বাসে সে আমায়,

সম্মত কথায় তব আমি ।

কিন্তু মম সনে বিবাহ তাহার

কেমনে হইবে ?

নির । আমি তার করিব উপায় ।

পুর । কি উপায় ?

পিতারে তোমার কহিবে এ বিবরণ ?

নির । ক্ষতি কিবা ?

পুর । না না—

কলঙ্ক রটিবে তার ভুবন ভরিয়ে ।
গোপনে সে লয়ে যেত নির্জন আবাসে,
লোকে শুনে কি বলিবে !
একে আছে কলঙ্ক মাতার তার,
তার পর এ ঘটনা হইলে প্রচার,
বেশ্যাসুতা—বেশ্যাধিক কহিবে সকলে ।
সে যদি না জানাত বারতা,
তনুত্যাগে এ কথা না কহিতাম কারে ।
মিনতি তোমায়,
জানাইও না জনকে তোমার ।

নির । মাধুরীর কলঙ্কে তোমার ডর !

আশঙ্কায় প্রকাশে হৃদয়-অনুরাগ,
ভালবেসে বুঝিয়াছি আতঙ্ক প্রেমের ।
রহ নিশ্চিত্ত হৃদয়,
আমি করিব উপায়,
এস ভাই,

সখারে করহ আলিঙ্গন । [আলিঙ্গনান্তে উভয়ের প্রস্থান ।

চতুর্থ গর্ভাঙ্ক

শিবিরাত্যস্তর ।

(মাধুরী)

মাধুরী ।—

(গীত)

ফের হে দিনমণি !

যেও না কলঙ্ক ঘোরে ফেলিয়ে দীনা রমণী ॥

সহ তম-সহচরী, আসে নিশা নিশাচরী,

যেও না তিমির-অরি, অঁধার করি ধরনী ॥

ছায়া ছেঁরি ধরা পরে, ছায়া ঢাকিবে অন্তরে,

হরি জনমের তরে সতীত্ব হৃদয়মণি ॥

পরি পুন হেমভূষা, প্রকৃতি হাসাবে উষা,

রহিবে অন্তরে নিশা সহ অনুতাপ-ফণি ॥

মাধুরী । এই তো সূর্য্য অন্ত যাচ্ছে, রাত্রি এলো, আমারও বলিদানের সময় হ'ল । যে দিন গেল, আর ফিরবে না, সে ছেলেখেলা ফিরবে না, সে চঞ্চলতা ফিরবে না, সে মনের সরলতা ফিরবে না ! দিনদেব, আজ তোমার সঙ্গে সব অন্ত গেল ! আজ নির্মলা দেখ্ছো, কাল প্রাতে হেসে হেসে যখন উদয় হবে, দেখ্বে, আমি আর সে নির্মলা বালিকা নাই,— পরে স্পর্শ করেছে, পরের গলায় মালা দিয়েছি । আর সে সরল অকপট হৃদয় ফিরে পাব না, আর মনের কথা কেউ জান্বে না । সন্ধ্যার ছায়া যেমন তোমায় ঢাক্ছে, কলঙ্কের ছায়া আমার অন্তঃকরণ আবরণ ক'ছে । আত্মহত্যা মহাপাপ কেন ? কোথায় যাব ? পিঞ্জরের পাখী কোথায় পালার ? দিনদেব ! শুনেছি, তুমি রূপের আকর, আমায় কুরূপা কর ! ঘৃণা ক'রে যেন কেউ আমায় স্পর্শ না করে । কি হবে ? কে আমায় স্বকা কর্বে ? শেষে কি ষ্টিচারিণী হলেম !

(উদয়নারায়ণের প্রবেশ)

উদয় । হাঁরে, ললিতার অসুখ হ'য়েছে শুনে, তার জন্তে বজরা রেখে এসেছিলাম । তার প্রাতে আসবার কথা, কিন্তু পরিচারিকারা তারে খুঁজে পায় নাই । শুন্চি ঠাকুরবাড়ীর দোর খুলে কোথায় চলে গেছে ।

মাধুরী । চলে গেছে, কোথায় চলে যাবে ?—চলে যাবার স্থান কোথায় আছে আমি তাই ভাব্চি ? কোথায় লুকিয়ে আছে । বোধ হয়, অপমানের ভয়ে রাজমহলে এলো না ।

উদয় । তোরে কি কিছু বলেছে ?

মাধুরী । না, কিছু তো বলে নাই ।

উদয় । যা হবার হ'য়েছে, আজকের কথা নয় । ভাবিসনে, সে কোথায় লুকিয়ে আছে । (সখিগণের প্রতি) ওগো বাছারা, কি সব ক'রতে হয় কর । ক'নে সাজিয়ে গুজিয়ে সব ঠিক ক'রে রাখ ।

[উদয়নারায়ণের প্রস্থান ।

মাধুরী । চলে গেছে ? চলে যাবার স্থান আছে ! রাত্রি এলো, সব ছায়াময় দেখ্ছি—ছায়ার সংসার দেখ্ছি—বিপুল ছায়া আমার হৃদয়ে পড়েছে ।

(সখিগণের প্রবেশ)

সখিগণ ।—

গীত ।

নাইতো তেমন বনে কুসুম সনে ঘেমন ফুটে ফুল ।

মধুভরে থরে থরে আপনি মুকুল হয় আকুল ।

সোহাগের চাঁদের কিরণ খেলে এ ফুলে,

ফুলে ফুলে অজানা তান হাসি মুখ তুলে ;

মধু উছলে যবে, মাতে ফুল আপন সৌরভে,

আলোক-লতায় মালা গাঁথা, বিকিয়ে গিয়ে চায় না মূল ।

[সকলের প্রস্থান ।

পঞ্চম গর্ভাঙ্ক

বন্যস্থান—অদূরে শিবির ।

(নিরঞ্জন ও ললিতা)

নির । ওই দূরে নেহারি শিবির ;
 এসেছে মাধুরী,
 মরি ব্যাকুলা সুন্দরী,
 কত ব্যথা অবলার মনে !
 পিতৃপণে মিলন আশঙ্কা মম সনে ;
 কিরাতের জালে বিহঙ্গিনী !
 কিন্তু যবে আদরে তাহারে,
 হৃদয়পিঞ্জরে
 পুরঞ্জন করিবে স্থাপন ।
 সাধ হয় দেখিতে সে সুখের বয়ান ।
 নয়নে নয়নে প্রতিদান,
 পুলক ঝলক সলাজ রক্তিম আভা !
 যাই দূরে—
 নহে দূতগণে পাবে অন্বেষণ,
 লয়ে যাবে পিতার সদন ।
 বাক্যদত্তা,—অনুরোধ না মানিবে পিতা,
 মাধুরীর সনে বন্ধ হব উদ্ধাহবন্ধনে ।
 শুখাবে কুমুম !
 স্বর্ণকান্তি মৈনাক যেমন
 বিষাদসাগরে নিমগন হবে পুরঞ্জন ।

নির্জন এ স্থান,
 অগ্নি রাত্রি রহি লুকাইয়ে,
 ফিরি প্রাতে বন্ধুরে করিব আলিঙ্গন ।
 ললিতা । অনন্ত অনন্ত এই স্থান,—
 অনন্ত আকাশে ফোটে কত ক্ষুদ্র তারা ।
 অনন্ত, অনন্ত সময়—
 আদি অন্ত নাহি তার ।
 বহিতেছে অনন্ত প্রবাহ ।
 অনন্ত প্রবাহে,
 অনন্ত এ স্থানে,
 বৃন্দবৃন্দের মত, কত শত ফুটেছে ললিতা,
 কেবা রাখে সমাচার,
 মিশে গেছে অনন্ত সময়ে ।
 দিন দুই জীবন-উত্তাপ,
 ফুরায় সকলি, চিহ্ন তার নাহি রহে ।
 সময় প্রবাহে কত শত ললিতা হৃদয়ে
 জ্বলিয়াছে কত তাপ,
 নিভে গেছে ক্ষুদ্র হৃদ্যাগারে,
 স্মৃতি মাত্র নাহি আর তার ।
 নিভিবে এ জ্বালা,
 ধরা রবে রয়েছে যেমন ।
 নিরঞ্জন !
 মরণে কি হয় স্মৃতিলোপ !
 না হয় না হবে,—
 জলে যদি জলুক অনল,

জলে কত শত হৃদি-মাঝে ।

সহেছে সকলে,—সহিবে আমার ;—

না না আত্মহত্যা মহাপাপ ।

নির । (স্বগত) থাকি লুকাইয়ে—

যতক্ষণ বিবাহ না হয় সমাধান ।

পিতা সনে এসেছে মাধুরী,

পুরঞ্জন সনে রাত্রে মিলন হইবে

কালি গিয়া করিব দম্পতি সন্তাষণ ।

(প্রকাশ্যে) একি, তুমি হেথা একাকিনী !

ললিতা । নিরঞ্জন !

আরে। কিছু আছে কি তোমার মনে ?

বল—কি হ'লে সম্পূর্ণ হয় মনের কামনা ?

নির । কেন কেন ? পেয়েছ তো মনের মতন !

দিয়েছি তো আত্মবিসর্জন,

নহি আমি পিয়াসী তোমার !

ললিতা । কতদিন সত্য অনুরাগী ?

নির । কেন ? কি বিষাদে এসেছ এখানে ?

করিয়ে যতন, মিলায়েছি তব প্রাণধনে ;

তবে কেন লো বিষণ্ণ মনে

বসেছ বিজনে ?

ললিতা । কেন তাই ভাবিয়া না পাই ।

বুঝি দেখিতে তোমায়,

কি জানি, না বুঝি আপন মন ।

বুঝি তোমার কারণে, এসেছি এখানে,

কে জানে—

কেন এসেছি হেতায় !

বুঝিয়াছি, কেন জান ?—

যেন এ জীবনে আর নাহি দেখা হয় তোমা সনে,

নিরঞ্জন নাম, শ্রবণে না শুনি আর,

যেন স্মৃতি লোপ হয়,

যেন ভস্ম হয় নারীর হৃদয় ।

নির । কি কি, কেন কর অপরাধী ?

ললিতা । অপরাধী ! অপরাধী নহ তুমি ।

কুক্ষণে কাননে করিলাম কুসুম চয়ন,

কুক্ষণে তোমার সনে দেখা,

কুক্ষণে জনম,

কুক্ষণে এ জীবন ধারণ,—

রমণীর কুক্ষণে সকলি ।

নির । কি, কি বল,—ভালবাস তুমি কি আশায় ?

ললিতা । কে বলেছে ভালবাসি ?

ভালবাসা নারীর লাজনা !—

ভালবেসে কিবা ফল ।

ভালবাসা ! কারে বল ভালবাসা ?

ভালবাসা আছে কি ধরায় ?

হয় কভু চোখে চোখে দেখা,

ভালবাসা সে তো নয় ।

জান তো সকলি,—

ভালবাসা, কথা অতি মধুময় ।

তবে প্রেতারণাময় এ ধরায়,

কণা মাত্র ভাসে, হৃদে না পরশে,
 ভালবাসা—শুনিতে বলিতে সুমধুর ।
 নির । ধন্য নারী, ধন্য লো চাতুরী,
 নারী হ'তে সকলি সম্ভব !
 হৃদয় গঠন কুটিল যেমন,
 তেমতি কুটিল ভাষা ।
 ছিঃ ছিঃ ! সুখ আশা ক'রে চাহে নারীর প্রণয় ।
 প্রবঞ্চনা ! ভুলায়েছ মজায়েছ মোরে,—
 পেয়েছ যাহারে মনে নাহি ধরে,
 আর কার তরে বসে আছ এ নির্জনে ?—
 ফুল উপবনে ভ্রমিতে যেমন—
 মম দরশন আশে ।

ললিতা । আরো কিছু করিবে লাঞ্ছনা ?
 তব কল্পনা প্রসর, কথা তব অতি মনোহর,
 শ্রবণ জুড়ায়, হৃদয় জ্বালায় ;—
 শোন শোন নিরঞ্জন,
 তুমি ভুলিবার নয় !
 বহু যত্ন করি,
 ভুলিতে তোমারে নারি !
 কিন্তু যদি আর কভু তোমারে নেহারি,
 তীক্ষ্ণ ছুরিকায় উপাড়িব হ'নয়ন ;
 কথা তব শুনি যদি কভু
 হলাহল ঢালিব শ্রবণে ।
 কিন্তু মম কেমনে করিব নিবারণ,
 কি ঔষধে হয় স্মৃতি লোপ !

(প্রস্থানোদ্যোগ)

নির । কোথা যাও—কোথা যাও ?

ললিতা । যাব, যাব ! কোথা যাব ?

নাহি হেন নির্জন গহ্বর,

যথা স্মৃতি নাহি রহে সাথে !

অনন্ত আকাশব্যাপী ব্রহ্মাণ্ডমণ্ডলে,

যেতে যদি পারি কোন মতে,

স্মৃতি রবে সাথে ;

হ'লে মন আত্ম বিস্মরণ,

তথাপি জাগিবে স্মৃতি ;

স্মৃতিলোপ স্বপ্নে নাহি হয় !

নিরজন, এই শেষ দেখা,—

যাই আমি যথায় দিয়েছ স্থান ।

[ললিতার প্রস্থান ।

নির কোথা গেল ?

এসেছিল ভ্রমণ কারণ,

ফিরিল শিবিরে ।

যাই দূরে—

আমারে কি ভালবাসে ?

ছল যাত্রা ।

দেখা যেই দিন,

সেই দিন হ'তে, মম প্রাণ ল'য়ে করে খেলা !

[প্রস্থান ।

ষষ্ঠ গর্ভাঙ্ক

সুসজ্জিত প্রাঙ্গণ ।

(উদয়নারায়ণ, সরফরাজ খাঁ ও পারিষদগণ)

উদয় । (স্বগত) চলে গেছে ? না রাজমহলে আসবে না ব'লে কোথাও লুকিয়ে আছে । চলে গেল কি ? তা হ'লে তো অপমানের উপর অপমান । ছুঁটা মেয়ে নিয়ে আমি বড় বিব্রত হলেম । কণ্ঠা নয়—কালসর্প !

সরফ । আপনার মনে কিছু রনজ্ দেখছি ।

উদয় । না—না ।

সরফ । এই যে দুই তস্বীর দেখলেম, আমার দেল তর হ'য়ে গেছে । কোন্টা আপনার লেড়কী, আর কোন্টা আপনার দোস্তের লেড়কী ?

উদয় । এইটা আমার কণ্ঠার,—এইটা বন্ধু-কণ্ঠার !

সরফ । বাঃ বাঃ ছনো বরাবর ! ছনিয়া টুঁরে নবাবের ঘরে সুন্দরী নিয়ে আসে, পদ্মিনীর কেছা শুনা, ও বহুত খুবসুরৎ ছিল, কিন্তু এ ঘোনোকার বরাবর নেই ! বাঃ বাঃ বহুৎ খুবসুরৎ !

উদয় । দেখুন, আমার প্রতি নবাবের বড় কৃপা, আমার কণ্ঠার বিবাহে নবাব আপনাকে পাঠিয়েছেন । এ কৃতজ্ঞতার কিছু উপহার আমি নবাবকে ছেলাম দিয়ে জানাব ।

সরফ । বাঃ বাঃ দোনোই খুবসুরৎ !

(শালিগ্রামের প্রবেশ)

শালি । মহারাজ, আপনারও সর্বনাশ ক'রেছি, আমারও সর্বনাশ উপস্থিত ।

উদয় । কি বেয়াই ?—কি হয়েছে ?

শালি । বৈবাহিক ব'লে আর আমায় সঙ্ঘোধন করবেন না ।

উদয় । কেন—কেন, কি হ'য়েছে ? কোন অমঙ্গল তো হয় নাই ?

শালি । সম্পূর্ণ অমঙ্গল । আমার পুত্র কোথা চলে গেছে, আমি উদ্দেশ পাচ্ছি নে । অকস্মাৎ সে তার বন্ধুর সঙ্গে আপনার কন্যার বিবাহ দিতে অনুরোধ করে । আমি অসম্মত হই । সে আমায় ভয় দেখায়, সে কোথায় চলে যাবে । আমি তারে বন্দী ক'রে রেখেছিলাম, কিন্তু সে কিরূপে পলায়ন ক'রেছে আমি জানি নে ।

উদয় । শালিগ্রাম ! চের হ'য়েছে, আর ভাল দেখায় না ! বোধ হয় তোমার আত্মীয়-স্বজনেরা এ বিবাহে অসম্মত হ'চ্ছে, তাই তুমি এ কৌশল করছো । তুমি সকল বৃত্তান্ত জান । আমার বিবাহিতা পত্নীর কন্যা । যে কারণে তারে গ্রহণ ক'রতে পারি নাই, তাও তুমি জান । শালিগ্রাম, আমি তোমার দেশে বিবাহ দিতে এসেছি, এই ঘটনাই হ'য়েছে, আর অপমান ক'রো না । অপমান দূরে থাক্, কুল গৌরব দূরে থাক্, কন্যার গাত্র-হরিদ্রা হ'য়েছে । আজ না বিবাহ হ'লে পূর্বপুরুষ নরকস্থ হবে । শালিগ্রাম, তোমায় মিনতি ক'রছি, জোড়হস্ত ক'রছি, আমার সর্বস্ব তোমার পুত্রের নামে লিখে দিচ্ছি, আমার পিতৃপুরুষ নরকস্থ ক'রো না । তোমার পুত্র আন, আমি কন্যা সম্প্রদান করি । আমার কন্যাকে ঘরে নিও না, তোমার পুত্রের আবার বিবাহ দিও । আমায় রক্ষা কর ! শালিগ্রাম, আমার সর্বনাশ করো না ! তুমি আমার বাল্যবন্ধু, কথার ছলে তোমার সঙ্গে কখনো বিবাদ হয় নাই ।

শালি । মহারাজ, বিশ্বাস করুন, আমি ছলনা করছি নে । আমার পুত্র যে কোথায় চ'লে গেছে, তা আমি জানিনে । দেখুন, আপনার কন্যাকে দেখতে এসে আমি মাতৃ সন্মোহন ক'রেছি, নচেৎ আমি গ্রহণ ক'রতেম । আপনার জাতঃপাত হবে না । পুরঞ্জন নামে আমার পুত্রের এক বন্ধু আছে,— গুণবান, সৎশজাত, তারে আপনি কন্যা সম্প্রদান করুন ।

উদয় । তুমি তোমার পুত্রের বিবাহ দেবে না ?

শালি। মহারাজ, ধর্ম সাক্ষী ক'রে বলছি, আমার কোন দোষ নাই। অবাধ্য সন্তান, সহসা আমায় বল্লে—“আমি বিবাহ করবো না।”

উদয়। রায় সাহেব, তুমিই পত্র লিখেছিলে যে, আমার কন্যা ব্যতীত তোমার পুত্র অপর কারও পাণিগ্রহণ ক'র্বে না। তুমিই পত্র লিখেছিলে, যদি আমার কন্যার বিবাহ না দিই, তা'হলে তুমি পুত্রহারা হবে। তুমিই পত্র লিখেছিলে,—তোমার পুত্রে আর আমার কন্যায় হোরি খেলা হ'য়েছে। তুমিই পত্র লিখেছিলে যে,—নানাপ্রকার প্রবোধ দিয়ে তোমার পুত্রকে বোঝাতে পার নাই—সে আমার কন্যার একান্ত অনুরাগী। এখন বল্চ—সে বিবাহ ক'র্তে অসম্মত, তুমি সৌজন্য-বশতঃ তা'কে আবদ্ধ ক'রেছিলে, তথাপি সে কোথায় চলে গেল। রায় সাহেব, আমি যদি তোমায় এই সব কথা বল্তেম, তুমি কি প্রত্যয় ক'র্তে ?

শালি। মহারাজ, আমি স্বীকার কর্চি—‘না’—কিন্তু আমি স্বরূপ নিবেদন ক'রেছি।

উদয়। ভাল! তোমার পুত্রের বন্ধু কে ?

শালি। সেও আপনার অতিথি হ'য়েছিল, রাজা গোপীনাথের পুত্র। আমা অপেক্ষা সম্মানে রাজা গোপীনাথ উচ্চ।

উদয়। লোককে কি বল্বে, যে তুমি তোমার পুত্রের বিবাহ দিতে অসম্মত হ'লে, দায়ে পড়ে যারে হয় আমি বিবাহ দিয়েছি ?

শালি। মহারাজ, কি উত্তর কর্বে।

উদয়। লোককে জানাব, আমার জারজ দুহিতা, তোমার দ্বারস্থ হ'য়ে তোমার পুত্রের সহিত বিবাহ দিতে পার্লেম না। রায় সাহেব, এতটা অপমান করা তোমার কি কর্তব্য ? রায় সাহেব, আমি ধর্মনিষ্ঠ।

আমি ধর্ম সাক্ষী ক'রে শপথ ক'র্চি, আমার বিবাহিতা পত্নীর গর্ভে এই

উদয়। কি বেয়ামার স্ত্রী পবিত্রা। আমি লোক-লজ্জায় তারে গ্রহণ

শালি। বৈবাহিক্তমানে সে চলে গেছে। তোমার কুলে কোন কলঙ্ক

হবে না । তুমিও পূৰ্ব বিবরণ জান । নিন্দুকের কথায় আমায় হীনের হীন করো না ! আমি তোমার চরণ ধ'রে মিনতি ক'রুচি ।

শালি । মহারাজ, কেন আমায় অপরাধী করেন, আমি নিরুপায় । আমি পুনঃপুনঃ ব'লছি, আমি নিরুপায়, আমি কোন প্রকারে পুত্রের সন্ধান পাচ্ছিনে । আমি সভায় প্রকাশ ক'রছি, আমার পুত্রের সহিত আপনার কন্যার বিবাহ হ'চ্ছে । আপনি পুরঞ্জনকে কন্যা দান করুন, আপনার কন্যা সুখী হবে । রাজা গোপীনাথের পুত্রকে কন্যা দান ক'রলে আপনার অসন্মান হবে না ।

উদয় । নিতান্তই আমার কন্যা গ্রহণ ক'রবেন না ! তবে আর বিলম্ব নয়, আপনার পুত্রের বন্ধু কোথায় ? তারে লয়ে আসুন, এখনি মাল্য বদল ক'রে বিবাহ হোক ।

শালি । কে আছিস্ ?

(প্রহরীর প্রবেশ)

প্রহরী । মহারাজ !

শালি । পুরঞ্জনকে ডাক ।

উদয় । (জনৈক ভৃত্যের প্রতি) ধাত্রীকে বল, আমার কন্যাকে ল'য়ে আসে । রায় সাহেব, আপনার পুত্রকে খুঁজে পাওয়া যাবে না ? বড় অপমানিত হব, হিতাহিত জ্ঞানশূন্য হব, আমার সর্বনাশ হবে !

শালি । মহারাজ, কেন আর অধিক অপরাধী করেন ।

উদয় । অপরাধ তোমার নয়, আমার । কেন আমি পিতার অবাধ্য হ'য়েছিলাম, কেন আমি কন্যাকে ঘরে এনে পালন ক'রেছিলাম, কেন আমি বিষদানে তার প্রাণনষ্ট করি নাই ; কেন সময়-ক্ষেত্রে প্রাণ দিই নাই, কেন রাজসন্মান গ্রহণ ক'রেছিলাম, কেন আমার ছরস্ত কন্যা জন্ম-গ্রহণ করেছিল ! আহা বাছার কি দোষ ! অবলা—প্রাণময়ী—প্রেমময়ী ছহিতা ! মাগো, তোর অদৃষ্টে এই ছিল, স্বপ্নেও জানি নে !

(এক দিক হইতে পুরজন ও অপর দিক হইতে মাধুরীর প্রবেশ)

উদয় । পুরজন—বাবা বাবা, তুমি আমার জাতরক্ষা ক'র্বে ?

পুর । মহারাজ, আমি আপনার সন্তান ।

উদয় । মা, এই যুবা তোমার ধর্মরক্ষা ক'র্বে । নিরজনকে ভুলে
ষাও, ওরা চণ্ডাল । গলার হার তুমি এঁর গলায় দাও । (মাধুরী কর্তৃক
পুরজনের গলে মাল্য প্রদান) বাবা, আজ হ'তে এর সকল ভার তোমার
উপর । আমি নিশ্চিত হ'লেম ।

সরফ । বাঃ বাঃ কিয়া খুবসুরৎ ! ইক্ষি ওয়াস্তে জান দেনে সেকে !

উদয় । শালিগ্রাম, আমার দুর্ভাগ্য তো বটেই, হয় তো তোমারও
হুর্দিন নিকট । ভেবেছিলেম, বৈবাহিক ব'লে আলিঙ্গন ক'র্বো, বোধ হয়
অঙ্গমুখে আবার সন্তাষণ হবে ; কিম্বা তুমি আমার অস্ত্রেরও উপযুক্ত নও ।
তুমি হীন, তুমি হিন্দু নও, হিন্দু হ'লে হিন্দুর ধর্মনাশে প্রয়াস পেতে না ।

শালি । মহারাজ, আমি সত্য বলেছি ।

পুর । পিতঃ, সত্যই আমার বন্ধু নিরুদ্দেশ ।

উদয় । বাবা, তুমি যেরূপ উচ্চবংশ-জাত, তোমার সৌজন্ত্যও সেইরূপ ।
তুমি এই চণ্ডালকে আবরণ করবার চেষ্টা ক'র্ছ, এ হিন্দু কুলাধমের অপরাধ
হরণের চেষ্টা পাচ্ছ । কিন্তু কি ক'র্বো, সহের সীমা অতিক্রম করেছে ।

সরফ । ওয়া ওয়া ক্যা খুবসুরৎ !

শালি । মহারাজ, আমি অপরাধী নই, মার্জনা করুন ।

উদয় । শালিগ্রাম, সাধ্যহীন কার্য্য কিরূপে করবো ? যে হিন্দুর
মর্যাদা জানে না, যে পিতৃপুরুষের মর্যাদা জানে না, যে অবলার মান
জানে না, তারে মার্জনা করাও অপরাধ !

শালি । কি উদয়নারায়ণ, তোমার বড়ই স্পর্ধা ! আমি হিন্দু নই !
আমি পিতৃপুরুষকে সম্মান করি না ? আমি অবলার মান জানি না ? তা
নয় উদয়নারায়ণ, তোমার অনুমানই সত্য—আমি বেণ্ডাকটার সহিত

কেন পুত্রের বিবাহ দিব ? আমি পিতৃপুরুষের সম্মানের জন্ত, হিন্দুধর্ম রক্ষার জন্ত, বেণ্ডাসক্ত চণ্ডালের বেণ্ডাকন্ঠার সহিত পুত্রের বিবাহ দিই নাই ! তোমার কত দস্ত এখনই বুঝতেম । কিন্তু আমার অধিকারে এসেছ, অতিথি বলে এনেছি,—কথায় প্রয়োজন নাই—তুমি অতিথি ।

সরফ । বাহবা—ক্যা খুবসুরৎ !

উদয় । দেখ যথেষ্ট হয়েছে । আবার তোমার চরণে ধরছি, স্থির হও । আমার কন্ঠা-জামাতার কর্ণ তোমার কুৎসিত ভাষায় কলুষিত করো না । জেনে শুনে পবিত্রা সতী স্ত্রীর উপর কলঙ্ক আরোপ করো না । তোমার অধিকার ? তুমি জান না, সহস্র নবাব সৈন্য আমার আজ্ঞানুবর্তী, এখানে উপস্থিত আছে । কিন্তু আজিকার এ কথা নয় ।

সরফ । বাঃ বাঃ ক্যা খুবসুরৎ !

(অনন্দার প্রবেশ)

অনন্দা । রাজা রাজা, লুকিয়ে মেয়ের বে দেবে ? আমায় জামাই দেখাবে না ? বাঃ বাঃ আমার চাঁদপানা জামাই—আমার চাঁদপানা মেয়ে !

শালি । রাজা, এই যে তোমার পত্নী উপস্থিত, পত্নীর সহিত আলাপ করুন ।


সরফ । ইয়া আল্লা—ক্যা খুবসুরৎ !

অনন্দা । না না, আমি ওর উপপত্নী, আমি ওর পত্নী নই । কে বলে আমি ওর পত্নী ? আমার ও মেয়ে নয় । কি করলুম—মেয়ের মুখ হেঁট করলুম ! কেন এলুম—কেন এলুম ? আমি যাই, আমি যাই !
উদয়নারায়ণ আমার পতি নয়—আমার উপপতি । [প্রস্থান ।

শালি । রাজা, ধর্মের ঢাক দেশে-দেশে বাজে ! আমার পিতৃপুরুষের পুণ্য, আমার কুল কেন কলুষিত হবে !

উদয় । মেদিনী বিধা হও ! (পতনোন্মুখ ও পুরঞ্জনের কর্তৃক ধৃত হওন) ।





তৃতীয় অঙ্ক ।



প্রথম গর্ভাঙ্ক

দণ্ড-ভূমি ।

(শালিগ্রাম ও উদয়নারায়ণ)

শালি । উদয়নারায়ণ ! আমায় সর্বনাশ করেছ, আমার উদ্ভাস্ত
করেছ, আমায় কারাগারে দেবার অনুমতি নবাবের নিকট লয়েছ, এতে
কি তোমার তৃপ্তিসাধন হয় নাই ? আমার পুত্রের কেন আর অনুসন্ধান
ক'চ্ছ ? আমায় কারাগারে দিয়ে নিশ্চিন্ত হও । সে বালক—তোমার
পুত্রের সদৃশ—তারে এ নিদারুণ যন্ত্রণা দিও না ।

উদয় । না না, রায় সাহেব ! তুমি না আমায় দণ্ড দেবে ? তোমার
অধিকারে অতিথি হয়েছিলাম, তাই ক্ষমা করেছ ! আমার উচ্চ মাথা হেঁট
করেছ ! আমার কণ্ঠার হৃদয়গ্রন্থী ছেদ করেছ ! তোমার পুত্রের সন্ধান
না পেলে এর সমস্ত পরিশোধ হবে না । আমি কারো ঋণ রাখি নাই,
তোমারও ঋণ রাখবো না ।

শালি । উদয়নারায়ণ, যে অপরাধ ক'রে থাকি, তার সমুচিত দণ্ড
দিয়েছ । সামান্য অপরাধীর শাস্ত আমায় বিবস্ত্র ক'রে রৌদ্রে হিমে দাঁড়

করিয়ে রেখেছ। আবর্জনাপূর্ণ স্থান—মুসলমানেরা উপহাস ক'রে যার নাম “বৈকুণ্ঠ” দিয়েছে, সেখানে আমায় আবদ্ধ ক'রেছ!

উদয়। না, আমার হৃদয়ে এখনও শান্তি হয় নাই। তোমার পুত্রই সকল অনিষ্টের মূল; সর্পশিশু সর্প অপেক্ষা খল। তার দণ্ড তুমি স্বচক্ষে দেখবে, তবে আমি নিশ্চিত হব।

(নিরঞ্জনের প্রবেশ)

নির। মহারাজ, মহারাজ! আপনি ষথার্থ অনুমান ক'রেছেন। আমিই সকল অনিষ্টের মূল, আমায় দণ্ড দেন, আমার পিতাকে নিষ্কৃতি দেন। পিতা—পিতা, আমি আপনার কুলঙ্গার সন্তান! হায় হায়, পুত্র হ'য়ে আপনার সর্বনাশ ক'রলেম।

উদয়। না না, তুমি সুসন্তান! পিতার যথেষ্ট সাহায্য ক'রেছ! রক্ষি, এরে বন্ধন কর। দু'দিন রৌদ্র ও হিমে রেখে দাও, এক বিন্দু জল দিও না; তারপর পিতা-পুত্রকে কারাগারে স্থান দিও। (রক্ষীগণের নিরঞ্জনকে বন্ধন করণ)

শালি। উদয় নারায়ণ, উদয়নারায়ণ! রক্ষা কর, রক্ষা কর! ও বালক—অতি যত্নে লালিত—নরহত্যা, বালকহত্যা ক'রো না; ক্ষমা কর—ক্ষমা কর, তোমার পদস্পর্শ ক'রতে আমি প্রস্তুত।

উদয়। প্রাচীরকে বলো, প্রস্তরকে বলো, অচল তরুকে তোমার মনের যন্ত্রণা জানাও, আমার ক্ষমা নাই। স্বচক্ষে পুত্রের যন্ত্রণা দেখো, তারপর কারাগারে বাস করো।

শালি। ক্ষমা কর, ক্ষমা কর, বালককে ক্ষমা কর!

উদয়। আমিও ঐরূপ অহুন্নয়-বিনয় বিস্তর ক'রেছি।

শালি। দেখ—দেখ, নিতান্ত বালক, দুঃখ-তাপে মলিন, পথের ভিকারী,—কাস্ত হও!

নির । পিতা, কেন কাতর হ'ছেন ? আমি আপনার এই গুরুতর যন্ত্রণার কারণ, আমার কিঞ্চিৎ প্রায়শ্চিত্ত হোক । আপনি কাতর হবেন না । রাজা, আমায় যে যন্ত্রণা দিতে হয় দেন,—ভগবান আমায় বল দেবেন—আমি সহ করোঁ । মহারাজ, অপরাধীর দণ্ড দিয়ে ক্ষান্ত হোন । আমিই আপনার কন্যাকে বিবাহ করি নাই । আমার পিতার কোন অপরাধ নাই । ইনি আমায় বন্দী ক'রে রেখেছিলেন, আমি রক্ষিদের উৎকোচ দিয়ে পালিয়েছিলাম । যে শাস্তি আপনার অভিপ্রেত আমায় দেন, আমার পিতার মুক্তি আদেশ করুন ।

উদয় । কারাগার তোমাদের উভয়ের উপযুক্ত স্থান ;—তোমাদের অপরাধের অতি সামান্য দণ্ড দিলেম । [প্রস্থান ।

শালি । হা পরমেশ্বর !

নির । পিতা, কেন শোক করেন ? শত্রুর হৃদয় এতে প্রকুল হচ্ছে । আমি কুসন্তান, আমার মমতা ত্যাগ করুন । ভগবান কি দিন দেবেন না !

(সরফরাজ খাঁর প্রবেশ)

সরফ । শুন রায়সাহেব ! তুমি আমার একটা কাম যদি করতে পারো আমি তোমাদের উভয়কে মুক্তি দিতে পারি ।

শালি । কি আজ্ঞা করুন ? আমি এই দণ্ডে প্রস্তুত ।

সরফ । আবশ্যিক তুমি বুঝিয়াছ, যে রাজা উদয়নারায়ণ তোমার কিছুই করিতে পারিত না । তোমার খাজনা বাকী ছিল না । আমিই নবাব-জাদাকে বলিয়া—হিসাব গোল করিয়া—তোমাদের এই দণ্ড দিয়াছি ।

শালি । নবাবজাদা, তবে আমাদের মুক্তি দেন, আমাকে না দেন, আমার পুত্রকে মুক্তি দেন ।

সরফ । আচ্ছা, আমি মুক্তি দিব । কিন্তু যদি আমার সেব কার্য্য সাত দিনের মধ্যে করিতে না পাও, তবে তোমার পুত্রের প্রাণদণ্ড হইবে । তুমি কোন সন্ধান করিয়া উদয়নারায়ণের কন্যাকে আমায় দিতে পারিবে ?

নির। পিতা, পিতা! এ প্রস্তাবে কর্ণপাত ক'রবেন না।
উদয়নারায়ণ চণ্ডাল,—আপনি চণ্ডাল নন—ধর্মের প্রতি লক্ষ্য ক'রে
সকল সহ করুন।

সরফ। শুন রায়সাহেব! (রক্ষিগণের প্রতি) ইহাকে আমার পশ্চাৎ
লইয়া আইস।

নির। পিতা, পিতা! আমার মিনতি,—জীবন ক্ষণভঙ্গুর, হুদিন স্থায়ী
নয়—পুত্রের অনুরোধে অধর্ম কার্যে প্রবৃত্ত হবেন না।

শালি। নবাবজাদা, আমার পুত্রকে এই নিদারুণ যন্ত্রণা হ'তে অব্যাহতি
দেন, কারাগারে স্থান দেন।

সরফ। আচ্ছা, ইহাদের পিতা-পুত্রকে কারাগারে লইয়া আইস।
যুবার বন্ধন খুলিয়া দাও। [সকলের প্রস্থান।

দ্বিতীয় গর্ভাঙ্ক

পুরঞ্জনের বাটীর কক্ষ।

(পুরঞ্জন ও মাধুরী)

পুর। শুভক্ষণে দেখা তব সনে।
বংশে হ'ল কলঙ্ক সঞ্চার,
ছারখার বন্ধুর আবাস।
বন্ধু নিরুদ্দেশ, পিতা তার কারাবাসে।
ঘণা হয়, করি ছার পরিণয়
মজায়েছি সুখের সংসার।

মাধুরী। কেন কর অপরাধী!
ভালবাসি, নহি অন্ত দোষে দোষী!

দেছ পদাশ্রয়, হয়ো না নিদয়,
 ভয় হয় কথায় তোমার ;—
 বিমুখ না হও, প্রভু, অধিনীর প্রতি ।
 পুর । ভালবাস' !
 বেণ্ডাসুতা—বেণ্ডার আচার—
 ভালবাস কত জনে ?
 ভালবাসা ভাণ করেছিলে নিরঞ্জন সনে ;
 ভালবাসা ভাণ দেখালে আমায় ;
 কেবা জানে, আর কত জন
 হবে তব ভালবাসা-অধিকারী ।
 কলঙ্কিনি ! জ্ঞান অতি সুমধুর বাণী !—
 কে জানিত, চিকণ সাপিনি,
 গরল তোমার এত ।
 নটীর আচার, মুখে মাথা সরলতা—
 কপটতা আপাদ মস্তক !
 ভালবাস ?—
 দেখ, আছে বহু পুরুষ এ দেশে,
 যম সম, নিরঞ্জন সম,—
 প্রতারিত হবে অনায়াসে ;
 যত পার ভালবাসা বিলায়ো তোমার ।

মাধুরী । নহি বেণ্ডাসুতা,
 নিরঞ্জন দেখি নি কেমন,
 একমাত্র জানি হে তোমায়ে ।
 কটুভাষা বলো না বলো না,
 অকারণ দিও না বেদনা,

আমি পরিণীতা পত্নী তব ।

পুর । আপাদ মস্তক তব মিথ্যায় গঠন !

ধন্য, ধন্য বিধাতার নিৰ্ম্মাণ কৌশল ;—

ধন্য, ধন্য চাতুরী তোমার !

নাহি হেন সন্দিক্ত হৃদয়, না করে প্রত্যয়,

কথায় তোমার,

নেহারি চাতুরীপূর্ণ বদনের ভাব—

সরলতা মাখা যেন !

সুশিক্ষিত ধন্য তব ছ'নয়ন,

স্বচ্ছায় সলিল পূর্ণ হয় !

ভুলিয়াছি—ভুলিব না আর ।

রাখিয়াছ পিতার সম্মান ।

বেশা-সুতা ক'রেছেন দান,—

সফল হোরির নিমন্ত্রণ ।

মাধুরী । ক্ষমা কর—ক্ষমা কর,

অহেতু করো না তিরস্কার !

যদি হয়ে থাকি ভার,—

গৃহে স্থান দিও না আমায়,

রাখ কোন নিৰ্জন কুটীরে ;—

দাসী আমি—দিও মাত্র সেবা-অধিকার ।

পুর । কেন ? কুটীরে কি হেতু রবে ?

লাবণ্য শুখাবে,

নাহি রবে বদনে আরক্ত আভা ।

তবে, কেমনে ভুলাবে আঁয়া সম অশ্রু জনে ?

রয়েছে যৌবন,

প্রেম-অভিনয় কি হেতু করিবে সমাপন ?
 যাও ফিরে পিত্রালয়ে ।
 পুনঃ হবে হোরির সময়,
 এনো গৃহে সরল যুবায়,
 ক'রো প্রেম সস্তাষণ বিরল নিকুঞ্জে ব'সে ।
 করিলাম বর্জন তোমায় ।
 যেবা ইচ্ছা হয় কর তুমি,
 নাহি মম বাধা ;—
 কলুষিত করে না আশ্রয়,
 এইমাত্র প্রার্থনা আমার ।

মাধুরী । কোথা যাব ?

পুর । যথা ইচ্ছা তব ।

যাও কানীধামে,
 গিয়াছিল জননী তোমার ।
 কিম্বা যাও পিত্রালয়ে—
 ঘটকের শিরোমণি তিনি ।
 ফুরায়েছে এই অভিনয়,
 অল্প নাট্য কর আয়োজন ।

মাধুরী । রাখ রাখ, অবলায় দেহ স্থান পদে ।

পুর । বেশ্যাসুতা—বেশ্যা-কলঙ্কিন,

এখনো কি প্রতারণা ?
 জানিহ নিশ্চয়,
 গ্রহণ না করিব তোমায় !
 খুলেছে নয়ন,
 ভুলাইতে না পারিবে আর ।

মাধুরী । সাক্ষী হও অলক্ষ্য-শরীরী দেবগণ,
 সাক্ষী হও জন্মদে মেদিনি,
 সাক্ষী হও স্থল, জল, বন,
 সাক্ষী হও পবন, তপন,
 স্বামী মোরে করেন বর্জন ;—
 কিন্তু আমি দাসী তাঁর চিরদিন ।
 যদি অগ্র জন কভু হৃদে পায় স্থান,
 কালসর্প দংশে যেন শিরে,
 তনু যেন হয় পরমাণু,
 তিন লোকে না পাই আশ্রয় ।
 করহ বিদায়—
 কিন্তু আমি তব দাসী চিরদিন ।
 তুমি ধ্যান জ্ঞান, তুমি দেহ প্রাণ,
 পতি তুমি সর্বস্ব সতীর ।

পুর । যাও যাও,—শিবিকা প্রস্তুত,
 লয়ে যাবে আজ্ঞামত তব ।

মাধুরী । প্রভু, প্রণাম করণে !

[প্রস্থান ।

পুর । এত ভাগ ! তবু কাঁদে প্রাণ,
 রূপমোহ অতি চমৎকার !
 পেয়েছি প্রমাণ ; তবু হয় জ্ঞান,
 যেন আমা বিনা নাহি জানে ।
 মন চায় করিতে প্রত্যয়—
 ছিঃ ছিঃ, কলঙ্কিনী পত্নী মোর !
 মনে হয় আনি ফিরাইয়ে
 আদরে হৃদয়ে ধরি ।

বিষম দংশন—বিষম দংশন,
মরুভূমি করেছে জীবন,
পড়িলাম বেষ্ঠার প্রণয়ে !
কে আছ রে ?

নেপথ্যে ।

মহারাজ !

(জনৈক প্রহরীর প্রবেশ)

পুর ।

যাও, কর আয়োজন, যাইব ভ্রমণে ।
নিরঞ্জন, কোথা আছ ভুলে—
দেখ এসে ত্যজিয়াছি পাপিনীরে ;
আর কেন আছ লুকাইয়ে ?
দিক্-অস্তুরিয়া ভ্রমণ
করিব তোমার অন্বেষণ,
জীবনসর্বস্ব তুমি মম ।

[প্রস্থান ।

তৃতীয় গর্ভাঙ্ক

সরফরাজ খাঁর বিলাস-কক্ষ ।

(সরফরাজ্ খাঁ, উদয়নারায়ণ ও বাঁদীগণ)

বাঁদীগণ :—

গীত ।

কালো কোকিল-তানে প্রাণে হানে শর ।
প্রেমে আকুল ধাইল কত মধুকর,
ঢলে ঢলে রসে, অমে চুমে কুসুম-অধর ।

অনিল চকল ধীরে বহিল,
লুটিল পরিমল দিক মোহিন,
বিপিন নবীন মুঞ্জরিল,
চিত মোহিত হেরি শোভা বিরহিনী জর জর ।

[বাঁদীগণের প্রস্থাব ।

সরফ । দেখো, নবাবদাদাকে বোল্কে তোম যো মাস্কা সব কিয়া :—
-বাপ বেটাকো কয়েদ কিয়া, মোকাম লুট কিয়া ।

উদয় । নবাবজাদা, আপনার অপার কুপা ।

সরফ । তোম্বি জেরা কুপা কিয়ো ।

উদয় । কুপা ! নবাবজাদা, এমন কথা ব'লবেন না, আমিই আপনার
কুপাপ্রার্থী ।

সরফ । নেই, হাম তোমারা দোয়ারমে ফকীর ছায়, ভিক্ মাসনে
ওয়াল ।

উদয় । নবাবজাদা, আপনার ঋণ আমি এ জীবনে শোধ ক'রতে
পারবো না । আপনি অকুগ্রহ ক'রে হুকুম করুন, গোলাম হুকুম তাশিল
ক'র্বে । নবাবজাদা আমার হৃদয়ের আগুন নির্কারণ ক'রেছেন । শালি-
গ্রামকে কয়েদ ক'রে আমার প্রতিহিংসা তৃপ্তি ক'রেছেন ।

সরফ । ওস্কো জাত লেঙ্গে—মুসলমান করেঙ্গে ।

উদয় । না না, তা ক'র্বেন না, ধর্ম্যনষ্ট ক'র্বেন না ।

সরফ । নেই ? আচ্ছা নেই করেঙ্গে । দেখো, তোমারা দেল হাম্
ঠাণ্ডা কিয়া,—

উদয় । আমার অপমানের সমুচিত দণ্ড আপনি দিয়েছেন । অধিক
কি জানাবো, আপনার শত্রুর তরবারি আর আপনার মাঝে আমি যদি
বুক দিতে পারি, তবে এর কিঞ্চিৎ প্রতিদান হবে । আমি বড় অপমানিত
হ'য়েছিলাম, আপনার কুপায় তা পরিশোধ হয়েছে ।

সরফ । দেখো, তোমারা লেড়্কা বড় খুবসুরৎ ।

উদয় । ত্রিভুবনে অমন আর আছে কি না জানি নে ।

সরফ । হায় ;—তোমারা দোস্তুকা লেড়্‌কি ! ওস্কা কুছ পাণ্ডা মিলে ?

উদয় । না, কেউ তো কোথাও খুঁজে পেলে না ।

সরফ । হাম্‌বি চুঁড়তে হেঁ ।

উদয় । আপনার এমনই অনুগ্রহ বটে ।

সরফ । তোমারা জান তো ঠাণ্ডা হো গিয়া ?—আউর কুছ মাস্কা ? নবাবকা উজীর হোনে মাস্কা ?

উদয় । না নবাবজাদা । নবাবের অনুগ্রহে সমস্ত রাজসাহীর খাজনা আদায়ের ভার আমার উপর, আমার আর অধিক প্রার্থনা নাই ।

সরফ । তোমারা জিউ তো ঠাণ্ডা হায় ?

উদয় । নবাবজাদা, সকলি আপনার কুপায় ।

সরফ । দেখো, নবাবকা শ্বশুর হোনে মাস্কা ?

উদয় । এ কি ?

সরফ । আরে বাতিকা বাত হাম পুছে ।

উদয় । না না, আপনার কুপায় আমার যা আছে, তাতেই আমি সন্তুষ্ট ।

সরফ । তোমার জিউতো ঠাণ্ডা হায় ?

উদয় । আপনার কুপায় বহুং ঠাণ্ডা ।

সরফ । হামারা জিউ ঠাণ্ডা করো ।

উদয় । কি বলছেন ?

সরফ । হাম দানা-পানি ছোড় দিয়া ।

উদয় । কেন কেন, আপনার কি অসুখ হ'য়েছে ?

সরফ । হ্যা ;—ইস্কা মারে, দোস্তুকা মারে । তোমারা লেড়্‌কিকো হাম দেখা ।

উদয় । (স্বগত) নারায়ণ ! কি বলে !

সরফ । দেখো, আকবর সা চলন কিয়া ছায়, হিন্দুলোক মুসলমানকা
ঘরমে আওরাত দেতাথা, দেখো মানসিং কবুল কিয়া ।

উদয় । হাঁ হাঁ—নবাবজাদা,—কিন্তু সবাই কি তা করে—সবাই কি
তা করে ?

সরফ । উন্মে গুণা ক্যা ? হামারা জান বাঁচাও ।

উদয় । নবাবজাদা, আর ত আমার কত্যা নাই ।

সরফ । সো তো মালুম ছায়, লেকেন একঠো তো ছায় ।

উদয় । নবাবজাদা, আপনার সামনে তো সাদি হু য়েছে ।

সরফ । পরোয়া ক্যা—কল্মা পরায়কে ঘরমে লেঙ্গে ।

উদয় । না না—হিন্দুর ঘরে তা হয় না ।

সরফ । রাজা সা'ব, সব কুচ হোতা । পইলে পইলে রাজোয়াড়ামে
এ বাত উঠা ; লেকেন কোন সাজাদা না হিন্দুকা লেড়কী বেগম কিয়া ?
তোমারা ধরম বড়া সিদা ছায় ;—সব কুছ সড়ক মিলে,—সব হো মেক্তা ।
হাম নবাব হোঙ্গে, তোমকো উজিরী মিলেগা । উস্কা খসমকো দশহাজারী
করেঙ্গে । আচ্ছা সাদি দেলায়ে দেঙ্গে ।

উদয় । নবাবজাদা, এ কাজ আগার জীবন থাকতে হবে না ।

সরফ । পইলে সবকোই উসি মাফিক ব'লতা, লেকেন সম্জো, নবাবকা
মেহেরবানগি থোড়া নেহি । মেরি বাতসে নবাব উঠে বৈঠে । দেখো,
শালিগ্রাম খাজনা দিয়া, নবাবকো বহুৎ সেলাম দিয়া, উস্কা কয়েদ কিম্
উয়াস্তে ছয়! ?—হামারা বাতসে । হাম ওজর কিয়া, নবাব মান লিয়া । নবাবকা
লেড়কা নাই—হাম বেটীকো লেড়কা, হামকো নবাবী দেঙ্গে—নেইতো
শালিগ্রাম ক্যা কসুর কিয়া, বাপ-বেটা কয়েদ ছয় । দেখো, বেটীকা মাসায়কে
হামারা পাশ ভেজ দিও । তোমারা দোসতকা লেড়কীকো হাম চুঁড় চুঁড়
পাকুড়াঙ্গে । ও বি বেগমকা লায়েকী । হুনো বরাবর—হুনো খুবসুরৎ !

উদয় । নবাবজাদা, আমার লেড়কী তো আমার কাছে নেই, তার কথা আমি কেমন ক'রে বলবো ।

সরফ । আচ্ছা, তোম উস্কি সমঝাও, হামকো দেনেকা তোমারা মতলব নেই হয়, হাম সমজা । তোমারা গোছা ছয়া, হাম দেখতে । লেকেন হামারা দাদাকো রাজমে রহোগে, কাঁহা যাওগে চাচা ! থোড়া সমঝকে লেড়কীকো ভেজ দিও । যাও, যাও, সমজকে পিছে কহিও ।

[সরফরাজখাঁর প্রস্থান ।

উদয় । বুঝিবা আমার প্রায়শ্চিত্ত হয় ! হিন্দু হ'য়ে হিন্দুর সর্বনাশ ক'রেছি, এই বুঝি বা আমার দণ্ড । [প্রস্থান ।

চতুর্থ গর্ভাঙ্ক

কারাগার-দ্বার ।

(জমাদার ও প্রহরীদ্বয়)

জমা । দেখো, রায়সাহেব আর উস্কা লেড়কী কভি নেহি ভাগে—নবাবজাদা সরফরাজখাঁকো জোর হুকুম ছায়,—বহৎ ছ'সিয়ার ! বহৎ ছ'সিয়ার !

১ম প্র । বহৎ ছ'সিয়ার ছায় খামিন । [জমাদারের প্রস্থান ।

(রঙ্গলালের প্রবেশ)

১ম প্র । কোন্ রে ?

রঙ্গ । তোম তো গোলাম আলী ছায়, আর তোম তো নসীবল্ল ?

১ম প্র । তব ক্যা ?

• রঙ্গ । এই পীরের দরগার সিনি নাও, আর হ' তোড়া টাকা নাও—একশো একশো আছে—ফকীরসাহেব তোমাদের দিয়ে পাঠিয়েছেন ।

১ম প্র। ফকীর সা'ব ?

রঙ্গ। আরে তোমাদের নসীব ফিরে গেছে। একজন হিন্দু যদি পাকড়াতে পার—যারে কোত্তা খাওয়াবার হুকুম হয়—তা হ'লে তোমাদের জায়গীর আর এক এক নবাবজাদী মেলে। নাও নাও টাকাগুলো তোলো, আমায় ফকীর সাহেবকে খবর দিতে হবে।

২য় প্র। আরে এ ক্যা বাৎ বোলে !

রঙ্গ। গুণ্বে তো গোণো, রাত হ'য়েছে, আমি চলে যাই।

১ম প্র। আরে শুনো তো ভাই—শুনো তো ভাই।

রঙ্গ। আর কি শুন্বো বল' ? একটা হিন্দু পাকড়াবার জোগাড় দেখ না, যে এমনই কসুর করে, যাতে কোত্তা খাওয়াবার হুকুম হয়। বলি পারবে ? ফকীর সাহেব জিজ্ঞাসা ক'রেছেন। পীরের কোত্তা একটা হিন্দু খাবার জন্তে খেপেছে।

১ম প্র। আরে এসা হিন্দু কাঁহা মিলে ভাই! গারদমে পাহারা দেতে হেঁ।

রঙ্গ। কেন, তার ভাবনা কি ? সরফরাজখাঁর তো হুকুম এই, যে, রায় সাহেব আর তার ছেলেকে কেউ যদি গারদ হ'তে বা'র ক'রে দেয়, তারে ধ'রতে পারলে কোত্তা খাওয়াবে, এই সহরে সহরে চাঁড়ড়া দিয়েছে।

২য় প্র। আরে সো তো দিয়া, সো তো দিয়া !

১ম প্র। আরে হাম লোক পাহারা দেতা, কোন্ আয়েগা ?

রঙ্গ। কেন খুব সোজা, —এই ধর আমি এসেছি। এই কথার কথা বলচি, ধর আমি এসেছি।—তোমার হাতে চাবী, তুমি চাবী খুলে ছ'জনকে বা'র ক'রে দিলে, তারপর আমায় পাকড়ালে। নবাব সাহেব কোত্তা খাওয়াবার হুকুম দিলে,—তোমরা ছ'জন জায়গীর পেলে, নবাবজাদী পেলে।

১ম প্র। আরে হাঁ হাঁ !

রঙ্গ । আরো মজা শোন । কোন্ না ছ'টার ঘা মারবে, হাতের সুখ কোন্ না হবে ? তোমরা গারদে পাহারা দাও, কাউকে মারতে ধ'রতে পাও না,—সে খুব মজা হবে !

২য় প্র । আরে সো তো ঠিক—আরে সো তো ঠিক, লেকেন এমা হিন্দু মিলে কাঁহা ?

রঙ্গ । কেন, যে হিন্দুর বরাত ভাল, সেই তোমাদের হাতে ধরা পড়বে ।

১ম প্র । এ বড়া মজেকা বাত বলে ! কাহে কাহে, ওস্কা বকৎ কাহে আচ্ছা ?

রঙ্গ । কি জান—তুমি কাল সকালে ফকীর সাহেবের কাছে যেও না, শুনবে—ঐ পীরের কোত্তা সে হিন্দুকে যত কামড় খাবে, তত লাখ লাখ বরষ সে বেহেস্তে হাউড়ি নিরে থাকবে । কাল ছুটা হ'লে ফকীর সাহেবের কাছে গিয়ে শুনো না ।

২য় প্র । আরে শুনকে ক্যা করে ভাই ! হিন্দুকা বিচমে ধরম করে, এমা আদমি কাঁহা ?

রঙ্গ । কেন, অমন কথা বলো না ; আমার ধরম ক'রতে ভারি মন ।

১ম প্র । কেঁও তোম্ পাকড়া ঘানে রাজী ?

রঙ্গ । রাজী হ'য়ে কি ক'রবো বল ? তুমি যদি আমায় ধরো, কে বিশ্বাস ক'রবে । আমি একা, হাতে অস্ত্র-শস্ত্র নাই, কে বিশ্বাস ক'রবে বল যে, রায় সাহেব আর তার ছেলেকে আমি গারদ হ'তে বা'র ক'রতে এসেছি । ওঃ হরি ! একটা কথা ভুল হ'য়েছে । ফকীর সাহেব এক পরামর্শ দিয়েছিল । বেশ হবে, একজন হিন্দুকে কাল ভুলিয়ে ভালিয়ে এনো । তারপর চাবী খুলে দিয়ে তাদের তো বিদায় ক'রে দিলে । সে হিন্দু যেন খুব জোয়ান, তোমাদের একজনকে বেঁধে ফেলেছে আর একজন যেন ধ'রে ফেলেছে ।

২য় প্র। ক্যা, হাম্ সম্জা নেই ।

রঙ্গ । এই দেখ তোমায় সম্জে দিই । এই যেন তোমার তলোয়ার-
খানা আমি নিয়েছি, কেমন নিলুম বল ?—

২য় প্র। হাঁ হাঁ ।

রঙ্গ । আর এরও এমনি তলোয়ার নিয়েছি, এই দড়ি দিয়ে দু'জনকে
বেঁধেছি, বেশ করে জড়াচ্ছি । (বন্ধন) চ্যাচালেই বুকে দেব । এই চাবী
নিয়ে দরজা খুললুম, চ্যাচালেই বুকে দেব । রায় সাহেব, নিরঞ্জন—শীগ্গির
বেরিয়ে এসো, চ্যাচাবারও যো রাখছি নে, মুখে কাপড় গুঁজে দিয়েছি ।
রায় সাহেব, নিরঞ্জন—শীগ্গির বেরিয়ে এসো । (শালিগ্রাম ও নিরঞ্জন
বাহিরে আসিল) দোর খুলে দিয়েছি, ঘোড়া তোয়ের আছে, শীগ্গির
পালাও ।

নির। তুমি ?

রঙ্গ । শীগ্গির পালাও—শীগ্গির পালাও—ফাটকের প্রহরী ভাং
খেয়ে পড়ে আছে । (প্রহরীঘরের প্রতি) নড়বার চড়বার চেষ্টা ক'রো না ।
এই বুকে তলোয়ার দেব । [শালিগ্রাম ও নিরঞ্জনের প্রস্থান ।

(গঙ্গার প্রবেশ)

গঙ্গা । ওকি কচ্চ, খুলে দিচ্চ যে ?

রঙ্গ । কেন, এদের দু'জনকে মারবো অঁচ ক'চ্চ কি ? তুমি পালাও
-- নইলে তোমায় ধ'রবে আমায়ও ধ'রবে ।

গঙ্গা । কি ক'রছ, ধরা দেবে নাকি ?

রঙ্গ । তা নয় তো কি এই গরীব দু'জনের সর্বনাশ ক'রবো ? পালাও
পালাও—তুমি সরে যাও—নৈলে ধরা পড়বে ।

গঙ্গা । না না, তুমি এসো ।

রঙ্গ । চল, তোমায় রেখে এসে এদের খুলে দেব ।

গঙ্গা । নিশ্চয় আমি যাব না ।

তুমি না আমায় বল, ভালবাস ? যদি ভালবাস, তবে কথা শোনো । যাও, শীগ্গির যাও, নইলে এই দেখ আমি আত্মঘাতী হব ।

গঙ্গা । ভগবান, একি সৰ্কনাশ ক'রলেম ! কেন প্রহরীদের ভাং খাওয়ালেম !

রঙ্গ । সৰ্কনাশ কর নি, বেশ করেছ । যাবে তো যাও, নইলে এই আমি বুকে মারলুম ।

গঙ্গা । ভগবান, কি ক'রলে ! [গঙ্গার প্রশ্নান ।

রঙ্গ । এইবার মিঞাসাহেব ! মুখের কাপড় খুলে দিলেম । ব্যস্ত হয়ো না, এই বাঁধন কেটে দিচ্ছি । চ্যাঁচাবে কেন ? এই তো আমি ধরা দিচ্ছি । দেখ, দুটো গরাদে কেটে ফেল,—এই আমার কাছে উকো আছে । বলবে, তিনজনের সঙ্গে দু'জনে পার নাই । দু'জন বেরিয়ে গেছে, একজনকে ধরেছে । কেমন মিঞা সাহেব, আমায় কুকুরে খাবে, খুব মজা হবে ! দেখো আমি বড় কাছ্‌ড়াই, একটু মারো আর আমি অম্‌নি ধেই ধেই ক'রে নাচ'বো ।

১ম প্র । তোবা তোবা !

রঙ্গ । তোবা কেন, আমায় পিছমোড়া ক'রে বাঁধো না ? তবে জাগির আর নবাবজাদী যদি না পাও, এই নাও দু'টুকুরো হীরে নাও ।

২য় প্র । তোম্‌ কোন ছায় ?

রঙ্গ । হাম্‌ হিন্দু ছায় আর কোন ছায় ?

১ম প্র । হাম্‌ লোক্‌কা জান যাগা ।

রঙ্গ । কিছু পরোয়া করো না মিঞা সাহেব, এই দেখ যেন ওদের ঠেঙ্গে উকো ছিল, রেল কেটে বেরিয়েছে । আমি যেন দোরের প্রহরীদের ভাং খাইয়ে এখানে এসেছি । ওরা বেরিয়ে গেছে, আমি তোমাদের সঙ্গে দাঙ্গা করেছি । ব্যস্‌ ! কত স্বপ্নবিচার হয়, তা তো তোমরা জান ; আর আমি এক রকম ক'রে বুঝিয়ে দেব, ভেবো না ।

২য় প্র । জমাদারকো ক্যা সাম্জায়েগা, হাম লোক চিল্লার নেই কাহে ?

রঙ্গ । এখন চেলাও না ।

১ম প্র । জমাদার—জমাদার, কয়েদী ভাগা ।

রঙ্গ । দেখ, ভক্তকণ তোম্বা কাণটা-আস্টা মলো, হুঁ চার ঘা মারো, খুব আমোদ কর না ।

২ম প্র । শালা বেইমান ! (প্রহার করণ)

রঙ্গ । ও বাপরে—গেলুম রে, কেমন আমোদ হ'চ্ছে না ?

২য় প্র । আরে মারো মাৎ, শালা দেও হ্যায় !

(জমাদারের প্রবেশ)

জমা । ক্যা ছয়া—ক্যা ছয়া ?

১ম প্র । কয়েদী ভাগা ।

জমাদার প্রভৃতি সকলে । কয়েদী ভাগা—কয়েদী ভাগা—

[রঙ্গলালকে লইয়া সকলের প্রস্থান ।

পঞ্চম গর্তাঙ্ক ।

সরফরাজখাঁর কক্ষ ।

সরফরাজখাঁ, শালিগ্রাম ও মাধুরী ।

সরফ । তোম্ কোন্ ?

শালি । আমি শালিগ্রাম রায় ।

সরফ । তোম্ গারদসে কেস্ তরে নিকালো ?

শালি । তা তোমায় ব'ল্চি, ফিরে গারদে দিতে ছয় দাও, কিন্তু এই উদয়নারায়ণের কন্যা এনেছি দেখ । তুমি বলেছিলে কারাগারে মুক্তি দেবে,- যদি আমি উদয়নারায়ণের কন্যাকে এনে দিতে পারি ।

সরফ । এই তো মেরি জানি !

মাধুরী । এঁয়া এঁয়া !—আমার পিতা কোথায় রায় সাহেব ?

সরফ । ডরো মাং পিয়ারি ! এ সহরমে ছায় । (শালিগ্রামের প্রতি)
তোমকো ক্যায়সে মিলা ? রায় সাহেব, বহুত সেলাম ।

শালি । আমি গারদ থেকে পালাচ্ছিলুম, পথে এর সঙ্গে দেখা ।
উদয়নারায়ণের বাসা খুঁজে পাচ্ছিল না, আমায় বন্ধু বিবেচনা ক'রে জিজ্ঞাসা
করলে, আপনার কাছে এনেছি ।

সরফ । হাঃ হাঃ, রাজা তো চলা গিয়া । দেখো বড়া মজা ছয়া ! হাম
ওসকা লেড়কীকো মাজে থি, ও গোস্বা হোকে চলা গিয়া । তোম বহুত
কাম কিয়া ! আল্লা ক্যা মিলা দিয়া !—তোমারা যঁহা খুসী চলা যাও, এই
আঙ্গুটী লেও—কোই নেহি রোখে গা !

শালি । একটা অনুগ্রহ ক'রতে হবে ।

সরফ । ক্যা কহো ? হামার দেল খোস হো গিয়া, যো মাজো সো দেজে ।

শালি । রঙ্গলাল ব'লে একজন, সে আমাদের মুক্ত ক'রেছে, মুক্ত
ক'রে আপনি কয়েদ হ'য়েছে, তারে আপনি মুক্তি দেন ।

সরফ । কুছ পরোয়া নেই, আবি দেজে ।

মাধুরী । এ কি রায় সাহেব, কোথায় আনলেন ?

সরফ । বিবি—বিবি, ডরো মাং !

মাধুরী । সাহেব—সাহেব ! আমায় ছেড়ে দেন !

সরফ । পরোয়া মাং করো বিবি, ঠাণ্ডা হও । (শালিগ্রামের প্রতি)
কাঁহা তোমারা রঙ্গ ছলাল ? ঠারো । এসমালি !

এস । (প্রবেশ করিয়া) খামিন্ !

সরফ । এই আঙ্গুটী লেকে যাও, গারদমে যাকে কহো—রঙ্গ
ছলালকো ছোড়নে হামারা লুকুম ছয়া । (শালিগ্রামের প্রতি) তোমারা
জমীদারী তোমকো মিলে গা—যাও ।

মাধুরী । রায় সাহেব ! আপনি কি অনাধিনী, পথের কাঙ্গালিনী, কুলকামিনীর সহিত প্রতারণা ক'রেছেন ? আপনি কি বাঙ্গালীর অন্তঃপুরের গৌরব—সতীত্ব—যবনের পায়ে ফেলে দিতে এনেছেন ? সত্যই কি আপনি রায় সাহেব ? আমি আপনার হুহিতা, আশ্রিতা ; আমার রক্ষা করুন । আমি তো আপনার চরণে অপরাধিনী নই । কেন আমায় কলঙ্কসাগরে ভাসিয়ে দিতে নিয়ে এসেছেন ?

শালি । কেন ? বেগম হ'য়ে তোমার পিতাকে অন্তঃপুরে ডাকিয়ে জিজ্ঞাসা ক'রো, তিনি আনন্দ ক'রবেন । তিনি আরও নবাবের কৃপাভাজন হবেন । তিনি আরও অনেক জমীদারকে কারাগারে আবদ্ধ ক'রে তাঁদের সর্বনাশ ক'রতে পারবেন । তিনি তোমায় তাঁর কুলের গৌরব মনে ক'রবেন ! ভেবো না ভেবো না, বেগম হবে ! তোমার পিতা নবাবজাদার খণ্ডুর হবেন ।

মাধুরী । কি ব'লছেন ? কি ব'লছেন ? আমি যে আপনার কুলকামিনী, আমি যে আপনার অন্তঃপুরনিবাসিনী । আমার পিতা আপনার শত্রু হ'তে পারেন, আমি নই । তিনি আপনার ঐহিক সর্বনাশ ক'রেছেন, সেই অপরাধে নিরপরাধিনীর ঐহিক-পারমার্থিক সর্বনাশ ক'রবেন না । আপনার কথায় আমার বিশ্বাস হ'চ্ছে না, এত কুটীলতা আপনাতে সম্ভবে না ! আপনি হিন্দু—বাঙ্গালী । যে বাঙ্গালী রমণী পতির সহমৃত্যু হয়, সেই সতী বঙ্গরমণীর গর্ভে আপনার জন্ম । আপনি সতীত্বের আদর করুন, হিন্দুরমণীর সতীত্ব রক্ষা করুন । রক্ষা করুন—রক্ষা করুন—

শালি । কে বলে আমি হিন্দু ! আমি কারাগারে যবন অর্থে প্রতিপালিত । আমি নিরপরাধী, নিরপরাধী পুত্রের সহিত কারাগারে বাস ক'রেছি । যবনের দানাপানিতে আমার দেহ পুষ্ট হ'য়েছে, সে তোমার পিতার প্রসাদে ! সে ঋণ কি আমি রাখতে পারি ! তোমার মত আমিও 'রক্ষা কর—রক্ষা কর' ব'লে চীৎকার করেছি, নিরপরাধী পুত্রের প্রতি 'দয়া-

কর—দয়া কর,' ব'লেছি ।—তিনি আমার শিক্ষাদাতা, তাঁর শিক্ষা ভুলবো
কেমন ক'রে ! [শালিগ্রামের প্রস্থান ।

মাধুরী । কি হলো—কি হলো !

সরফ । বিবি—বিবি, ডরো মাৎ !

মাধুরী । নবাবজাদা, আমি আপনার প্রজা—দুহিতা—আমায় সতীত্ব
ভিক্ষা দেন । আমার ধর্ম রক্ষা করুন, জাতি রক্ষা করুন, রমণীর মর্যাদা
রক্ষা করুন ।

সরফ । পিয়ারি, তোম্ হামারা দেল্‌মে কাটারি মারি !—বহুৎ ষতনসে
ছাতিপর রাখেঙ্গে, ডরো মাৎ ।

মাধুরী । নবাবজাদা, সতীর সতীত্ব নাশ করবেন ?—সহস্র নবাব
একত্র হ'য়ে পারবেন না । মা নিস্তারিণী, সতীকুলরাণী আমায় লোহার
পিঞ্জর ভেঙ্গে নিয়ে যাবেন । যদি আমি কায়মনোবাক্যে সতী হই, সতীত্ব-
প্রভাবে আমার দেহ অনিলে মিশিয়ে যাবে, আমার প্রাণ মৃত্তিকাপিঞ্জর
ভেঙ্গে পতির পদে লয় হবে । নবাব সাহেব, আমায় রাখতে পারবে
না, সতীত্ব নাশ ক'রতে পারবে না । আমার মা স্বর্গ হ'তে ডাকছেন,
আমার প্রাণ দেহপিঞ্জর ভেঙ্গে চলো । (মূর্ছা)

সরফ । এ কিয়া ! গুল কেয়া শুখ গেয়ী ! বিবি—বিবি ! বাঁদী—

(বাঁদীর প্রবেশ)

দেখো,—লে যাও—যতনসে রাখো ।

[প্রস্থান ।

ঐ গর্ভাঙ্ক

দেবী-মন্দির ।

(ললিতা ও যোগবালাগণ)

সকলের গীত ।

ত্রিকাল-মোহিনী, যোগিনী-সোহিনী, মুক্তিযোগ রত্নিনী ।

দাহিত-বাসনা-বিভূতি-ভূষণা, জ্ঞানকরণা-সত্বিনী ॥

স্বা মিতা, নিতা বিভূ, সত্তাচিত্ত-বাসিনী—

সাধক শান্তি, বিবেক কান্তি, শান্তি ত্রান্তি নাশিনী ;

উপাধি নগনা, সমাধি মগনা, ত্রিগুণাতীত অগ্নিনী,

কারণার্ণব, (অ) নাড়ি প্রণব, ভাবাতাব ভগ্নিনী ।

[যোগবালাগণের প্রস্থান ।

ললিতা । মা গিরিনন্দিনি, শিবরাণী, মা কোমারী-স্বরূপিনী কুমার-
জননি, মা যোগিনি, শান্তিদায়িনি,—আমার অশান্ত হৃদয় শান্ত কর মা !
আমি কোমার-ব্রত গ্রহণ ক'রে, তোমার চরণে আশ্রিতা—আমার চিত্ত
স্থির কর মা ! আমার চঞ্চল মন-প্রবাহ এখনও তার প্রতি ধাবিত ।
মা, তোমার ধ্যান করি, তার মুখ মনে পড়ে,—তোমার অন্তর ব্যথা
জানাতে গেলে জ্ঞান হয়, তার সঙ্গে কথা কচ্ছি !—মা, তোমার দর্শনে
এসে, আগে তারে দেখতে পাই । এ কি মা, এ আমার কি হ'লো !
সদাই মনে হয় সে আসছে, সে আমার প্রতীক্ষার দাঁড়িয়ে আছে । মা,
তোমার পদে আশ্রয় নিয়ে কি শেষে ব্রতভঙ্গ হবে ? মা, আমার হৃদয়-
ভাবে কি তোমার মন্দির কলুষিত হবে ? তোমার চরণে কি আমার
এই কলুষিত বাসনা অঞ্জলি দেব ? একি হ'লো ! কি ক'রে তারে
ভুলবো !

(নিরঞ্জনের প্রবেশ)

নির । কেও মাধুরী ?

ললিতা । না, না নিরঞ্জন, আমি মাধুরী নই ; যদি মাধুরী হ'তেম, তোমায় পেতেম । মাধুরী হেথায় আসবে কেন ?

নির । মাধুরি—মাধুরি ! তুমি বল, তুমি হেতায় কেন ?

ললিতা । মাধুরী হেথায় আসবে কেন ? স্থির হও, চেয়ে দেখ, আমি মাধুরী নই ।

নির । তোমার কি হ'য়েছে, তোমার এ সন্ন্যাসিনী-বেশ কেন ? তুমি কি পূজা দিতে এসেছ ?

ললিতা । তাতে তোমার কি !

নির । আমার কিছু নয়, তুমি ভাল আছ তো ?

ললিতা । কেন, আমার ভালোয় তোমার কি ?

নির । এখনও তুমি এ কথা ব'লছো ? দেখ, তোমার জন্মে আমি পথের ভিখারী, পিতার সর্বনাশ হ'য়েছে, কিন্তু তাতে আমার খেদ নাই । তুমি বলো, 'তুমি সুখে আছ,—শুনে আমি চলে যাই । তুমি আমার হবে বড় আশা ছিল, কিন্তু বিধাতা বিমুখ হ'লো—আমার অদৃষ্ট । তোমার ভালই আমার ভালো । বল, তুমি সুখে আছ, তা'হলে আর বিরক্ত ক'রবো না ।

ললিতা । নিরঞ্জন, এখনো প্রতারণা ! কেন, আর প্রতারণার প্রয়োজন কি ? তুমি তো আমার ভাসিয়ে দেছ, তবে আর কেন সোহাগ জানাও ? চেয়ে দেখ, তোমার মাধুরী নই, দেখ, ছুথিনী—উদাসিনী—বর্জিতা—স্বগিতা !

নির । কি কি,—কি হ'য়েছে ?

ললিতা । না, কিছুই নয় । তুমি হেথা আর থেকে না । কেন আমায় পাতকিনী ক'রবে ? তোমার কথা শুনলে, তোমায় দেখলে,—

আমি ধর্ম রাখতে পারবো না। তোমায় পাবনা, কিন্তু আমি—তাতে তোমার কি এসে যায়, কেন তোমায় বলি!—নিরঞ্জন, আর আমায় পতিত ক'রো না। যা হ'বার হ'য়েছে, তুমি চলে যাও। এই আশীর্বাদ করো, যেন জন্ম-জন্মান্তরে তুমি আমার হৃদয়ে স্থান না পাও। অনেক চেষ্টা ক'রেছি, এ জীবনে তোমায় ভুলতে পারবো না। চলে যাও, চলে যাও,—আমায় মহাপাতকিনী ক'রো না।

নির। চল্লুম, আর তোমার সঙ্গে এ জীবনে দেখা হবে না।

ললিতা। সেই ভাল;—সুখে থাক, দেবীর কাছে এই আমার প্রার্থনা।

নির। সুখ! সুখে আমি জলাঞ্জলি দিয়েছি।

ললিতা। আবার ঐ কথা! আমি চল্লুম। [ললিতার প্রস্থান।

নির। এ কি! পুরঞ্জনের কি অমঙ্গল হ'লো? হৃদয় মনোবেগ কোন্ মতেই ফিরাতে পারি নে;—দিবারাত্র পরম্পর চিন্তা। ইচ্ছা হ'চ্ছে, ছুটে গিয়ে পায়ে ধ'রে প্রেম প্রার্থনা করি। পিতার সর্বনাশ ক'রেছি, পরিবারবর্গ পথে পথে ফিরছে, নিজে পথের ভিকারী হ'য়েছি, এ ছরবস্থায়ও মাধুরী! এই কি আত্মত্যাগ, এই কি স্বার্থ-বিসর্জন! ধিক! আমার আত্ম-বিসর্জনে ধিক, আমার বন্ধুত্বে ধিক! যাই পুরঞ্জনের সন্ধান নেব; তারপর মাধুরীকে যদি না ভুলতে পারি, মার চরণে কলুষিত বক্ষের শোণিত দানে প্রায়শ্চিত্ত ক'রবো। [প্রস্থান।

(গঙ্গার প্রবেশ)

গঙ্গা। মা! শুনেছি—সকল নারীদেহে তুমি বিরাজিতা। আমি পাতকিনী, আমি কলঙ্কিনী, কিন্তু মা তুমি পতিতপাবনী,—পতিতা হুহিতাকে দয়া কর। মা অন্তর্যামিনি, আমার অন্তরের কথা বোঝো,— আমার রক্তমালা কাঁরাগারে। আমার মহাপাপের শাস্তি যা তোমায় ইচ্ছা

দাও, কোটা কোটা জন্ম আমার শরীর নরকের কীটে দংশন করুগ, মা, আমার রঙ্গলালকে মুক্তি দান কর ; আমি তারে চাইনে, আমি দেখি—সে মুক্ত হ'য়েছে । মা মা, বাহ্যকল্পতরু !—

(রঙ্গলালের প্রবেশ)

কি, তুমি পালিয়ে এসেছো ?

রঙ্গ । তোমার কি বোধ হ'চ্ছে কারাগারে আছি ?

গঙ্গা । কি জানি ! তোমার ঢংএর কথা তুমিই জানো ।

রঙ্গ । আ মরি মরি ! ঢং ঢং যা তোমাতে নাই !

গঙ্গা । হ্যাঁ, ঢং ঢং আমাদের আছে বটে, কিন্তু তোমার মতন নয় ।

রঙ্গ । তুমি আমায় ভালবাসই বাসো,—কি বল ?

গঙ্গা । সে আমরা অমন কত লোককে বলি ।

রঙ্গ । বল না কেন, একটু ভালবাস, না ?

গঙ্গা । তোমায় ভালবেসে কি ক'রবো, তোমার কাছে তো এক পয়সার পিত্তেস নেই ।

রঙ্গ । কেন বিবি, আমি তো তোমায় টাকা দিতে চেয়েছিলুম । তুমি প্রহরীদের ভাং খাইয়েছ, আমায় কিনে রেখেছ । তুমি যা চাও, আমি তো দিতে রাজী ।

গঙ্গা । আমি তোমায় চাই ।

রঙ্গ । তা আমায় কিনে নিও, আর একটা কাজ করো ।

গঙ্গা । কি ?

রঙ্গ । রাজা উদয়নারায়ণের কন্যাকে সরফরাজ খাঁ, তার বেগম-মহলে নিয়ে গেছে ;—সতীর ধর্ম নষ্ট হবে, তারে তুমি রক্ষা কর ।

গঙ্গা । আচ্ছা, তোমার পরের জন্ত অত মাথা ব্যথা কেন ? তুমি তো ধর্ম-কর্ম ছাই মানো । এই তো মাঘের সাম্নে একবার মাথাটাও নোঙালে না ।

রঙ্গ । মার কোলে ছেলে থাকে, ক'বার প্রণাম করে বল ? ক'বার স্তব-স্ততি করে ? ক'বার বলে,—তুমি হ্যান, তুমি ত্যান । ক্ষিদে পেলে, দরকার হ'লে আসে ; মার পায়ে যে মাথা খোঁড়ে না, তাতে কি মা বেজার হয় ? তবে সৎ মা হ'লে নানাকথা কইতে হয় বটে । বলতে হয়,—মাগো, জননীগো, আর মনে হয়, সর্বনাশীগো, কখন কি ভ্রষ্টী হবে গো, অমনি ঘাড় ভাঙবে গো !—তাই মুখে বলতে হয়,—তুমি জননীগো, তুমি কিনা পারগো !

গঙ্গা । তবে তুমি মাকে মান ?

রঙ্গ । অমন পাথুরে মাকে মানি না মানি, তাতে বড় এসে যায় না । দেখনা—এক পোড়ার মুখ নিয়ে পড়ে আছেন, না হয় জিব বা'র ক'রে দাঁড়িয়ে আছেন । আমি বলি,—থাক মা, বিশ্বপত্রে'র গাদায়, টিকিদাস ভট্টাচার্য্যের মুখে “চিড়িং চাড়াং—ফিড়িং ফাড়াং” শোনো ।

গঙ্গা । তুমি নাস্তিক না কি ?

রঙ্গ । আমি নাস্তিক ! যে আমায় নাস্তিক বলে, সেই নাস্তিক । আমি অমন অন্ধকারে তীরন্দাজী করি না । আমার দেবতা প্রত্যক্ষ । আমার দেবতা কথা কয়, আমার দেবতার প্রাণ আছে, আমার দেবতা অমন দৃষ্টিভোগ খায় না, সত্যি ভোগ খায়,—আমার দেবতা পরম সুন্দর !

গঙ্গা । কে তোমার দেবতা শুনি ?

রঙ্গ । মানুষ আমার দেবতা !—যারে হিন্দু, মুসলমান, ক্রিষ্টান বলে, ভগবানের অংশ । শাস্ত্র নিয়ে তর্কবিতর্ক আছে, এ কথার তর্কবিতর্ক নাই । আমার দেবতা প্রাণময় মানুষ,—যার সেবা ক'রলে প্রাণ ঠাণ্ডা হয়, যার সেবা ক'রে মনকে জিজ্ঞাসা করতে হয় না, ভাল করেছি কি মন্দ ক'রেছি ;—যে দেবতা পূজায় কোন শাস্ত্রে নিন্দা নাই, তর্কবিতর্ক নাই । দেখ বিবিজান, একবার মানুষের সেবা ক'রে দেখো, প্রাণ তন্ন হ'য়ে যাবে । এই ভো টং টাং ক'রে রোজগার ক'রেছ, মনে মনে

একবারও ওঠে—যতই মনকে চাপা দাও—যে, কসব করাটা বড় ভাল কাজ হয় নাই ; কিন্তু আমার দেবতার পূজা যদি করো, তা হ'লে মনে ক'রবে, টাকা রোজগার ক'রেছ সার্থক, ঠিকঠাক দেবতার পূজায় লেগেছে ।

গঙ্গা । আমি ঠিক ঠাওরেছি, তুমি নাস্তিক ।

রঙ্গ । কেন বিবি, বোঝ । বড় বড় টিকিদাস ভট্টাচার্যকে জিজ্ঞাসা করো,—বলতে হবে, সকল মানুষেই মা আছেন ; বড় বড় মোল্লা মান্বে—খোদার অংশে সবাকার জান ; পাদ্রীতে ব'লবে—ভগবান ফুঁ ঝেড়ে মানুষ তৈয়ারি ক'রেছেন ; তা হ'লে, আর আমি নাস্তিক কি ক'রে বল ? 'মা সর্বময়ী—মা সর্বময়ী' ব'লে পূজা দিয়ে গেল, মুখে বলেন—সর্বভূতে মা আছেন, আর জীব-জন্তু দূরে থাকুক, মানুষের বুকেই ছুরি দেন । একশ' টাকা ধার দিয়ে পাঁচশো টাকা আদায় ক'রে নিয়ে, তার পর তারে কয়েদ দিলে ; ক্ষিদেয় একটা লোক হা হা ক'ছে, আপনি পেট ঠাণ্ডা ক'রে দারোয়ানকে বলে, 'নিকাল দেও' । কিন্তু প্রতি হাত বলা আছে,—'মা ব্রহ্মময়ী, তুমি সর্বভূতে আছ' । তাঁর মা বলা তাতেই থাক, অমন মা আমি বলতে চাইনে । তিনি কৈলাস প্রাপ্ত হ'ন, বৈকুণ্ঠ প্রাপ্ত হ'ন, তাতে আমার হিংসা নাই । মার কাছে আমার প্রার্থনা, তুমিও আশীর্বাদ করো, আমি যেন ছ'একটা ভুকে মানুষকে ভাত দিতে পারি, যে শীতে কাপচে, তাকে একখানা কম্বল দিতে পারি, তা হলেই আমি চরিতার্থ হব ।

গঙ্গা । ঠাকুর-দেবতা মান না—তুমি নরকে যাবে ।

রঙ্গ । মানি নে কেন ব'লছো বল ?—এই যে তোমায় :বুঝিয়ে বল-
লুম । আর এতে যদি নরকে যেতে হয়, আমি রাজী আছি । বিবি-
গাহেব, তোমায় একটা কথা বলি ।

গঙ্গা । কি ?

রঙ্গ । দেখ, একদিন একজনকে, খুব ক্ষিদে পেয়েছে, চারটা খেতে দিও, খুব তেষ্ঠা পেয়েছে একটু বল দিও, খেয়ে ব্যাটারা ‘আঃ’ ক’রবে, শুনে যে তোমার সুখ হবে, কোন ব্যাটার চোন্দপুঙ্ঘে কল্পনায় স্বর্গ সৃষ্টি ক’রে এত সুখ সৃষ্টি ক’রতে পারে নাই । জোর স্বর্গসুখ ক’রেছে কি জান ?—অঙ্গুরীর সঙ্গে প্রেমালোপ হলো, পারিজাতের মালা গলায় দিলে, খাটি না খেয়ে একটু সুখা খেলে । ইন্দ্রিয়-তৃপ্তি ফুর’লো, পারিজাতের মালা বাসি হলো, আর অমৃতের নেসার খোঁয়ারী এলো । এ গুলো বিবিজান, তুমি তো দেখেছ, এ আমোদ না ছাই ! ব্যাটারা সন্দেশ ফেলে বিটে খায় ! যাক্, রাত ফুরুলো, সকালেই তোমাকে এ কাজ ক’রতে হবে ।

গঙ্গা । কি ক’রবো বল ?

রঙ্গ । মাধুরীকে উদ্ধার ক’রতে হবে ।

গঙ্গা । কি ক’রে ?

রঙ্গ । তা তুমিই জান । যদি পার, স্বর্গ কোথায় বুঝবে । আমি যাই, আমার কাজ আছে ।

:[রঙ্গলালের প্রস্থান ।

গঙ্গা । রঙ্গলাল, তুমিই আমার স্বর্গ !

[প্রস্থান ।

সপ্তম গর্ভাঙ্ক

সরফরাজখাঁর কক্ষ ।

(সরফরাজখাঁ ও মাধুরী)

সরফ । বিবিজান, মেহেরবানী করো, নেক্ নজর দেও ।

মাধুরী । একি ! পাপ দেহে এখনও জীবন রয়েছে, এখনো ঘবন-গৃহে রয়েছে !

সরফ । বিবি, গোলামসে জেরা বাৎ করো, তোম্ দেলখোস্ ছায় !

(পরিচারিকার প্রবেশ)

পরি । গঙ্গা তয়ফাওয়ালী আয়ি,—

সরফ । হাম নেই বোলায়া, তোম্ লোক চলা যাও, মাৎ আও ।
(মাধুরীর প্রতি) বিবিজান, ছাতি'পর লুটো, সিনা'পর লুটো !
(আক্রমণ করণোদ্ভত)

মাধুরী । ভগবান, রক্ষা কর—(মূর্ছা)

(গঙ্গার প্রবেশ)

সরফ । তোম্ কাছে হিঁয়া আয়ি ?

গঙ্গা । নবাবজাদা, বুঝ্ছো না, কেন জোর-জবরদস্তি ক'রচ, তোমার
জন্ত ও মরে !

সরফ । ক্যা—ক্যা ?

গঙ্গা । ওর বের দিন তুমি ছিলে ?

সরফ । হ্যাঁ হ্যাঁ, উসি ওয়াক্ত জান্মে কাটারি লাগা !

গঙ্গা । এই দেখ ঠিক হ'য়েছে ! এই তোমায় চিন্তে পাচ্ছে না,
তাই এমন ক'চ্ছে ! তুমি সেই পোষাকটা প'রে এসো দেখি, তা হ'লেই
তোমার গলা জড়িয়ে ধ'রে, তোমার মুখ-চুষন ক'রবে ।

সরফ । সাচ্ ?

গঙ্গা । নবাবজাদা, তোমায় মিছে বল্চি ? ওর স্বামীকে ভুলিয়ে
শুধু শুধু মুরশিদাবাদে এসেছে ? ও বাপকে খুঁজতে আসবে কেন ?—
ওর বাপ কি হারিয়েছে, যে খুঁজতে আসবে ?

সরফ । দেখো গঙ্গা, ইস্কি ঠাণ্ডা করো, হাম্ ঐ পোষাক পিহিনকে
ছাওয়ে ।

গঙ্গা । যাও—যাও সাজাদা, শীগ্গির এসো ।

[সরফরাজখাঁর প্রস্থান ।

গঙ্গা । দেবি, ওঠো, শীগ্গির ওঠো, এই ওড়না মুড়ি দিয়ে পালাও ।

মাধুরী । মা মা, কে তুমি ?

গঙ্গা । কথার সময় নাই, শীগ্গির পালাও,—নইলে এখনি জাত
যাবে । শোয়ারি ত'য়ের আছে, তুমি শীগ্গির পালাও ।

[মাধুরীর প্রস্থান !

(গঙ্গাকর্তৃক সরফরাজখাঁর অন্ত পালকোপরি উপাধান
ওড়না দিয়া আচ্ছাদন)

(সরফরাজখাঁর প্রবেশ)

সরফ । গঙ্গা গঙ্গা, বিবিকো দেখ্‌লাও, হাম ঐ পোষাক পিহিনা ।

গঙ্গা । চূপ, কথা কয়োনা, মান ক'রে ওড়না গায়ে দিয়ে পড়ে আছে,
তুমি কিছু বলো না । দেখ না, তোমার বকের উপর গিয়ে প'ড়বে । ও
যেমন মান ক'রেছে, তুমিও তেমনি একটু মান কর না ।

সরফ । আচ্ছা, আচ্ছা ! কই কই, নেই তো আয়া ?

গঙ্গা । আঃ, তুমি ঠাণ্ডা হও না, মুখে কাপড় দিয়ে শোও না ।

সরফ । (শয়ন করিয়া) কৈ আবি নেই উঠা গঙ্গা ?

গঙ্গা । আরে আমার সামনে উঠবে কি ?

সরফ । তোম হট্‌ যাও—তোম হট্‌ যাও ।

গঙ্গা । আচ্ছা, আমি যাচ্ছি ।

[গঙ্গার প্রস্থান ।

সরফ । নেই আতি—আতি আতি, হাম ছিপায়কে রহে ! ওড়না
হেল্‌তি—এই আতি এই আতি, ছাতিপর লোটেঙ্গি ! উঠতে নেহি,
জবর মান কি ! হাম ওড়না উখার লে ! (উখান ও পালকোপরি
উপাধানের ওড়না উত্তোলন) আরে ঐ কাঁহা গিয়া ! আরে পাক্কো
পাক্কো—

[প্রস্থান ।

অষ্টম গর্ভাঙ্ক

মন্ত্রণা-কক্ষ ।

(উদয়নারায়ণ, গোলাম মহম্মদ ও জমীদারগণ)

উদয় । (স্বগত) সরফরাজ !

তোমার শোনিত-তৃষা হয় বলবতী ।

বিমল পদ্মিনী ভ্রাণ কুকুরের অভিলাষ !

তনম্বারে যাচিল যখন,

পারিতাম সেই দণ্ডে মস্তক করিতে ছেদ !

কিন্তু সহিল সকলি—

নবাব প্রতাপশালী,

জয় আশা নাহিক বিদ্রোহে ।

বিশেষতঃ নবাব উদারচেতা, পক্ষপাতহীন ।

সরফরাজ !—

অগ্নিসম দহে তার বাণী—

কিন্তু বিগ্রহে নিশ্চয় পরাজয় ।

১ম জমী । মহারাজ কি চিন্তা ক'চ্ছেন ? অস্ত্রধারণ করুন ;—
মুসলমানের অত্যাচারে মাতৃভূমি নিপীড়িত ।

উদয় । পরাজয় নিশ্চয় । রাজদ্রোহী হ'য়ে যে জয়লাভ হবে,
কিছুতেই আমার বিশ্বাস হয় না । বিশেষতঃ নবাব অতি সদাশয়,—

১ম জমী । মহারাজ ! আপনি যদি জমীদারের দুর্গতির দিকে দৃষ্টি
না করেন, তা হ'লে আর কে ক'রবে ? দেখুন, এক কপর্দকও খাজনা
ষাকী থাকলে, নিদারুণ হিমে, হুরন্ত গ্রীষ্মে বিবস্ত্র ক'রে বেঁধে রাখে ;
কুৎসিত আবর্জনাপূর্ণ গহ্বরে আবদ্ধ করে,—উপহাস ক'রে তার নাম
দিয়ছে, “বৈকুণ্ঠ ।”

গোলাম । বেসক্—বেসক্ !

উদয় । নবাবের কর্মচারীরা এরূপ করে ।

২য় জমী । একই কথা । নবাবের দিল্লীতে খাজনা পাঠান চায়ই, সে খাজনা যেমন ক'রে পারে আদায় ক'রবে । কর্মচারীরা উপলক্ষ মাত্র, সমস্ত কার্য্যই নবাবের ।

গোলাম । বেসক্ !

উদয় । আমাদের সৈন্য কই ?

৩য় জমী । কেন ? সকল জমীদারেরই সুশিক্ষিত পা'ক আছে । রাজসাহীর খাজনা আদায়ের জন্ত নবাবই আপনাকে সৈন্য দিয়েছেন ;— তারা আপনার করগত । বিশেষ এই গোলাম মহম্মদ মহাবীর পুরুষ, এ'র ইচ্ছিতে সৈন্য সৃজন হবে ।

গোলাম । বেসক্ !

উদয় । কিন্তু দেখুন, নবাবের অপরিমিত অর্থ, সুশিক্ষিত সেনা—নব আবিষ্কৃত অস্ত্রশস্ত্রে সজ্জিত,—জয়লাভ সুকঠিন ।

২য় জমী । যুদ্ধবিগ্রহে উৎসাহই প্রধান । মর্মান্বিত সমস্ত জমীদার যুদ্ধ ক'রবে । নবাব সৈন্য বেতনভোগী মাত্র, এ'তে কেন পরাজয় আশঙ্কা ক'রচেন ?

গোলাম । বেসক্ ।

উদয় । খাঁ সাহেব, তুমি সমস্ত বিবেচনা কর । প্রবল প্রতাপশালী নবাবের বিরুদ্ধে অস্ত্রধারণ ক'রে কতদূর কৃতকার্য্য হ'তে পার্বো, তা বুঝতে পারছিনে । একে প্রজা নিপীড়িত, তার উপর বিদ্রোহানল প্রজ্জ্বলিত কব'লে প্রজার অশেষ দুর্গতি হবে । সকল দিক বিবেচনা করুন, সহসা এ গুরুতর কার্য্যে হস্তার্পণ করা কতদূর সঙ্গত ?

গোলাম । ফৌজ আপকা ওয়াস্তে জান দেগা । তলপ বাকী রহা, আপ প্রজাসে আদায় করনে হুকুম দিয়া, সবকোই কো হুনা তলক মিল গিয়া । ডরিয়ে মাৎ—আপ্ নবাব হোঙ্গে ।

উদয় । আপনার অনুরোধে আমি প্রজাদের নিকট হ'তে বেতন আদায়ের হুকুম দিয়েছি । শুনতে পাই, তাতে প্রজাদের উপর ভয়ঙ্কর অত্যাচার হ'য়েছে ।

গোলাম । নেহি, নেহি মহারাজ !

উদয় । আমি আজ বিবেচনা করি, কাল উত্তর দেব ।

১ম জমী । বিবেচনা কি ক'রবেন ! কৃতসঙ্কল্প হোন, মুসলমানের অত্যাচার অসহ !

গোলাম । বেসক্ !

(মাধুরীর প্রবেশ)

মাধুরী । ঐ আস্ছে ! ঐ আস্ছে ! আমায় ধ'রবে ! বাবা, রক্ষা করে, আমার জাত থাকবে ! আমায় ধ'রে নিয়ে গিয়েছিল ! আবার যদি নিয়ে যায়, আমি বাঁচবো না ! তারা আস্ছে, আমায় ধ'রবে, এবার ধ'রলে আর পালাতে পাড়বো না । বাবা, বাবা, পালাও !—

উদয় । একি—মাধুরী !

(শালিগ্রামকে লইয়া দুইজন প্রহরীর প্রবেশ)

প্রহরী । মহারাজ, ছিপায়কে সব সল্লা এ আদমি শুনতা রাহা ।

উদয় । কে তুমি ?

শালি । আমায় তো:চেন, নূতন পরিচয় তো নয়,—আমি শালিগ্রাম ।

উদয় । শালিগ্রাম, তুমি আমায় মার্জনা কর' । আমি না বুঝে রোষবশতঃ তোমাদের পিতাপুত্রকে কারাগারে দিয়েছিলেম ;—অতি মূঢ়ের কার্য্য ক'রেছি, আমায় মার্জনা কর ।

শালি । মার্জনার স্থান আমার হৃদয়ে নাই । বিধর্মী-কারাগারে বাস ক'রেছি, একমাত্র সন্তানের যত্না দেখেছি, আমার প্রতিহিংসা-তৃষা এখনো

মেটে নাই ;—সেই কারাগারে তোমায় দিলে মিটতো । কিন্তু আর এক প্রতিশোধ আমি পেয়েছি, তাতেই কতকটা শান্ত আছি ।

উদয় । ষা হবার হয়েছে, তুমি মার্জনা কর । আমি অপরাধী, তোমার পায়ে ধ'রে স্বীকার পাচ্ছি । নবাবের দৌহিত্র উপস্থিত ছিল, তার সামনে তুমি আমার কন্যাকে বেশ্যাকন্যা বলেছ । দেখ, মানুষ সব সময় বুঝতে পারে না, বুদ্ধি স্থির থাকে না । শালিগ্রাম, আমি বড় অপরাধী ।

শালি । সরফরাজখাঁর সামনে তোমার কন্যাকে বেশ্যার কন্যা বলেছি, এতেই তোমার বড় অপমান হ'য়েছিল ! কিন্তু আজ তোমায় বলছি, আবার তোমায় বলছি,—তোমার বেশ্যাকন্যা আজ সরফরাজখাঁর উপস্থিত ।

মাধুরী । বাবা—বাবা, রক্ষা করো । এই আমায় নিয়ে গিয়েছিল, এই আমায় ব'লেছিল, তোমার বাপের কাছে নিয়ে যাচ্ছি, এই আমার সর্বনাশ ক'রতে যাচ্ছিল । বাবা বাবা,—পালাও—ও আবার আমাদের ধরিয়ে দেবে ।

শালি । উদয়নারায়ণ, সমস্ত শুনলে ? আর তো তোমার অবিশ্বাস নাই ? সরফরাজখাঁর অন্তরে আমি তোমার কন্যাকে নিয়ে গেছি । বেশ্যাকন্যা ব'লেছিলেম ব'লে বড় অপমান হয়েছিল ! সমস্ত জমীদার শোন,—সরফরাজখাঁর অন্তরে রাজা উদয়নারায়ণের কন্যা গিয়েছিল । উদয়নারায়ণ, মার্জনা তুমি চেয়ো না, আমি না হয় মার্জনা একবার চাই ! মার্জনাই বা চাইবো কেন ?—তুমি নবাবজাদার স্বপুত্র !

মাধুরী । বাবা, বাবা ! একে তাড়িয়ে দাও । পালাও—পালাও, আবার আমাকে ধ'রবে, আবার আমায় সেখানে নিয়ে যাবে ।

উদয় । রায় সাহেব, দেখছি তুমি নিরস্ত । প্রহরি, হু'খানা অস্ত্র দাও ।
- (প্রহরীর অস্ত্র প্রদান) কোন্ তরবারি তুমি নেবে নাও ।

শালি। ভাল, ভাল উদয়নারায়ণ, তোমার উদারতা আছে। তোমার বক্ষের শোণিত যদি দেখতে পাই—বড় তৃপ্ত হব! এসো, আমি প্রস্তুত।
(উভয়ের অঙ্গগ্রহণ)

উদয়। সকলে সাক্ষী হও, আমি অস্ত্রায় যুদ্ধ ক'রবো না। (যুদ্ধ করিতে করিতে) হয়েছে, ক্ষান্ত হও।

শালি। না—না, ক্ষান্ত কেন হব? (পুনরায় যুদ্ধ)

উদয়। এখনো ক্ষান্ত হও।

শালি। এখনো বল আছে, তোমার বক্ষের রক্ত দেখতে পারি, ক্ষান্ত হব না।

উদয়। না—না, আর যুদ্ধে প্রয়োজন নাই।

শালি। তোমার কণ্ঠা—বেণ্ডাকণ্ঠা, তোমার কন্যা মুসলমানের উপ-পত্নী, তুমি হিন্দু নও, তোমার মুখে আমি নিষ্টিবন দিই।

উদয়। তবে মর! মুসলমানের কবর-ভূমিতে তোমায় ফেলে দেব।

(শালিগ্রাম রায়ের পতন)

কে আছিস? —একে লয়ে গিয়ে, মুসলমানের কবর-স্থানে ফেলে দিয়ে আয়। (শালিগ্রামের দেহ লইয়া প্রস্থান) খাঁ সাহেব, সমাগত জমীদার-বৃন্দ, আমি বিদ্রোহে প্রস্তুত। সরফরাজখাঁর শোণিত যদি দেখতে পাই; তবে আমার তৃপ্তি হবে। চণ্ডাল আমার ব'লেছিল,—তোমার কন্যাকে আমার বেগম কর, এর কি শোধ হবে! আমি নরশোণিতসিক্ত অসিধারণ ক'রে প্রতিজ্ঞা ক'রছি,—নবাব-বংশ ধ্বংস ক'রবো, নচেৎ প্রাণ আমার তৃণজ্ঞান হ'চ্ছে, তুচ্ছ প্রাণ এখনই ত্যাগ ক'রতে আমি প্রস্তুত। আপনারা সকলে একগুণে আসুন। বহুদিনের পর আমার কন্যার দেখা পেয়েছি, দুটো কথা কব।

[মাধুরী ও উদয়নারায়ণ ব্যতীত সকলের প্রস্থান।

মাধুরি, তোমার সঙ্গে আমি অস্ত্রাঘাত ক'রতে পারবো না; কিন্তু তুমি

কিসে মরবে? অগ্নে, অনলে, সলিলে না বিষপানে? মরবার জন্য প্রস্তুত হও।

মাধুরী। বাবা—বাবা, আমায় মেয়ে ফেলুন। আপনিই আমায় অজ্ঞাঘাত করুন, আমি বুঝেছি,—মরণই আমার পক্ষে মঙ্গলকর। আমি কলঙ্কিনী, আমার জন্য অনেক সয়েছ, অনেক কষ্ট পেয়েছ, বাবা, আমায় বধ কর।

উদয়। না, বধ ক'রতে পারবো না! তোমার মুখ দেখলে তার মুখ মনে পড়ে; ঠিক তার মত চক্ষু, ঠিক তার মত অধর, তার মত অবয়ব, তার মত কৃষ্ণ-কুঞ্চিত কেশদাম, আমি স্বহস্তে তোমায় বধ ক'রতে পারবো না! —তুমি আপনি মর'; অগ্নে, অনলে, গরলে বা গঙ্গাসলিলে প্রাণ পরিত্যাগ ক'রতে প্রস্তুত হও। তুমি আমার কলঙ্কের কারণ, তা বুঝেছ; তবে মরণে প্রস্তুত হও।

মাধুরী। বাবা,—আমি কালসর্পিনী তা আমি বুঝেছি, আমি কলঙ্কিনী তা আমি বুঝেছি, আমি পতি-বর্জিতা—তা আমার হৃদয়ে বিঁধে আছে, আমি মুসলমানের ঘরে গিয়েছি, তা আমার স্মৃতিতে জ্বলছে,— বাবা, আমি মরণে প্রস্তুত।

(অন্নদার প্রবেশ)

অন্নদা। রাজা, ভেবো না—ভেবো না, আমি :পাগলিনী নই; কণ্ঠা তোমার নয়, আমার। আমি তোমার চক্ষে নিরুদ্দেশ, সকলের চক্ষে নিরুদ্দেশ, কিন্তু আমি সর্বস্থানে বেড়িয়েছি, সকল দেখেছি, পাখীর মতন আমার বাছাকে ডানা দিয়ে ঢেকে রেখেছি, তোমার মেয়ে নয়, তুমি আর দেখা পাবে না; মৃত্যুকালে দেখবে, আমি তোমায় দেখাবো। আমি যেমন সতী, আমি যেমন পবিত্রা, আমি যেমন পতি-অনুরাগিনী, আমার কণ্ঠাও সেইরূপ, মৃত্যুকালে বুঝবে। রাজা, আমি

অনেক সয়েছি, তুমিও কিছু সও । আমার কণ্ঠা আমি নিয়ে যাচ্ছি,
তোমায় আর ভার নিতে হবে না ।

উদয় । অন্নদা—অন্নদা !—(মূর্ছা)

অন্নদা । আয় আয়, চ'লে আয়, আমার সঙ্গে আয় ! আয় আয়,
তুই সতীর কণ্ঠা সতী—মনে দুঃখ করিসনে । আয় আয়, হেথা থাকিস্
নে—শীগ'গির আয়, শীগ'গির আয় ! তোর পিতা নয়—তোর শত্রু !

[মাধুরীকে লইয়া অন্নদার প্রস্থান ।

উদয় । (উত্থিত হইয়া) এ কি, আবার কি দুঃস্বপ্ন দেখ্লেম ! কে
এলো ? প্রহরী, প্রহরী—

প্রহরী । (প্রবেশ করিয়া) মহারাজ, মহারাজ ! দেও আয়িথি !
আঁখ জলতা: রহা, শ্বাস মে আগ্ ছুটতা, মহারাজ, আয়ি,—চলা গেয়ি !
দেও—দেও—মহারাজ দেও !

উদয় । কোথা গেল—কোথা গেল—

[প্রস্থান !





চতুর্থ অঙ্ক ।



প্রথম গর্ভাঙ্ক

দেব-মন্দির ।

(গঙ্গা ও ললিতা)

গঙ্গা । দেবি, আপনি হেথায় কেন ?

ললিতা । কি গঙ্গা, রাজমহলে বে দেখে এলে ?

গঙ্গা । না ।

ললিতা । কেন ? তুমি ত রাজমহলে বে দেখতেই গেলে ?

গঙ্গা । আমি একজনকে খুঁজতে গিয়েছিলুম ।

ললিতা । কে ?—যারে তুমি ভালবাস ?

গঙ্গা । আমি ত সর্বত্রই ঘুরি, আপনি এখানে কেন ?

ললিতা । তুমি ত বলেছ, সংসারে অনেক লোক ঘুরে বেড়াচ্ছে ।

গঙ্গা । (স্বগত) বুঝি রিষের জালায় বেরিয়ে এসে সংসারে ভেসে বেড়াচ্ছে । ছিঃ ছিঃ, আমিই সর্বনাশ ক'রলেম । রঙ্গলালকে খুঁজে যদি পেতেম, উপায় হ'তো । সে দিকে সে জ্বল'চে,—এ দিকে এ জ্বল'চে । সংসারে আগুন জানতেই এসেছিলেম, কত সরল হৃদয়ে আগুন জ্বলে দিয়েছি,—শেষে কুলবালা মজালুম ।

ললিতা । কি গঙ্গা, কি ভাব'ছো ?

গঙ্গা । আপনি কি উদাসিনী হ'য়েছেন ?

ললিতা । না, আমার বেশ দেখে ভুলো না । যেমন তোমার বেশ দেখে বোধ হয়, তুমি প্রণয়হীনা বারবিলাসিনী, কিন্তু দেখছি, তুমি তা নও । নারী নারীই থাকে ; আমিও রমণী, মনে করি উদাসিনী, কিন্তু উদাসিনী নই । কৈ—উদাসিনী ত হওয়া যায় না !

গঙ্গা । আপনি কি গৃহত্যাগ ক'রে এসেছেন ?

ললিতা । আমার কখনও গৃহ ছিল না, ত্যাগও করি নাই । আমি চিরদিন সংসারে একাকিনী । তবে গৃহের বাসনা ছিল, আজও যে নাই, তা ব'লতে পারি নে । অনেক দিনের বাসনা, অনেক দিন যারে যত্ন ক'রেছি, কত সোহাগ ক'রেছি, কত তার মধুময় কথা শুনেছি, তারে ছাড়'বো মনে করি, ছাড়'তে পারি না । তখন সে আদরিণী ছিল, সোহাগিণী ছিল, এখন সে সাপিনী—দংশন করছে ; তবু তার সেই আদরই আছে, দেই সোহাগই আছে ।

গঙ্গা । যা ছাড়া যায় না, তবে তারে ছাড়'বার চেষ্টা কেন ক'রছেন ? কেন ফিরে যান না ?

ললিতা । ফির'বো কোথায় ? ফিরে কি ক'র'বো ? আমার সোহাগই আমায় ফির'তে দেয় নাই । আচ্ছা, তুমি কি এখনো বল, যে যারে ভাল-বাসে, তারে সুখী দেখে তার সুখ ?

গঙ্গা । তারে দেখে সুখ, তারে ভেবে সুখ, তার কথায় সুখ, তারে নিয়ে ছুখে সুখ ।

ললিতা । কিন্তু আমি একটা গান শুনেছিলুম, শোন—

(গীত)

কেন চাহিব তারে,—যারে দিয়েছি পুরে ।

কেন ভুলিতে নারি, কেন তারে বেহারি, কেন নরম করে ।

সহিয়ে ঘৃণা, কেন মন বোঝে না,
সহি বাতনা, ছিঃ ছিঃ ভাল এ তো না ;
তবে একিলো জ'লা, গলে শুকাল মালা,
ছিঃ ছিঃ মালা ছেঁড়ে না, ফুল ঝরে পড়ে না,
নীরস হারে, কেন যতন করে, কেন হৃদয়ে ধরে ।

তুমি গানটা বুঝতে পার ?

গঙ্গা । বেশ বুঝতে পারি । আমার মালাও জালিয়েছে, আমার
মালাও শুকিয়েছে, কিন্তু ছেঁড়ে নি, ছিঁড়তে পারি নি ; এখনও সে
শুকনো ফুল ঝরে নাই । তবু তারে আদর করি, তবু তারে হৃদয়ে ধরি,
মনে হয় যেন সেই শুকনো ফুল আবার ফুটবে ।

ললিতা ।—

(গীত)

এত নয়ন জল ঢালি,
কই সরল হয় কলি ?
শুকিয়ে মধু গরল হ'লো,
তাইতো লো জলি !
অযতনে কোটে এ মুকুল,
হৃদয় আমোদ করা ফুল,
সৌরভে প্রাণ করে আকুল ;
কেন কে জানে, সে ফুল শুকায় যতনে,
শুকায় বৃষ্টি মনের আশুনে ;
এ ভুলের কুসুম ভুলে গাঁথা,
ভুল বুঝে সই কই ভুলি ।

গঙ্গা । ভুললে যদি ভোলা যায় না, তবে ভুলবো ব'লে আবার ভুল
কর কেন ? যা হয় না, যা হ'বার নয়, তা মিছে ভেবে কি হবে ?

ললিতা । মিছে ভাবলে যদি 'মিছে হ'তো', তবে অনেক জিনিস

মিছে হয়ে যেত । সকলই মিছে হ'তো, আমিও মিছে হ'য়ে যেতেম, কিন্তু মিছেও নয়—সত্যও নয়, এই এক বড় খেলা ।

গঙ্গা । দেবি ! কি মিছে ব'লচেন ? খেলা বটে, কিন্তু মিছে খেলা নয়—প্রাণের খেলা ; এ খেলা মিছে ব'লে শেষ হবে না, সত্যি বলে শেষ হবে না, খেলে শেষ হবে না, না খেলে শেষ হবে না ।

ললিতা । তবে কি হবে ?

গঙ্গা । কি হবে জানলে আমি একটা রকম ক'রতুম । কেন খেলচি জানি নে, কিন্তু খেলচি ; কেন মজ্জি জানিনি, কিন্তু মজ্জি ; কেন চাচ্ছি জানি নে, কিন্তু চাচ্ছি ।

ললিতা । এমন কেন হ'লো ?—এ কি ভাল ?

গঙ্গা । ভালমন্দ ছাড়া এ এক নূতন জিনিস । ভালমন্দের ভেতর এরে পাই নি । তবে মনে করি, যদি ভাল ভেবে নিই, তবে বুঝি হয় তো ভাল হয় । আপনি কি সত্যসত্যই সন্ন্যাসিনী হবেন ?

ললিতা । এখন তো এই, তারপর কি হবে — কে জানে !

গঙ্গা । সন্ন্যাসিনী হয়ে আপনিই তো ব'লচেন, ভুলতে পারবেন না ; তবে কেন গৃহে যান না ? আপনার সব আছে—সবই হবে ।

ললিতা । গঙ্গা, তুমি ভালবাসো না, মন বোঝা না, মনে ক'রেছ ভালবেসেছ । এখনো ফের, অনায়াসে ফিরতে পারবে । এখনো তোমার দাগ পড়ে নি,—মুছে ফেলবার চেষ্টা কর, মুছে ফেলতে পারবে । আমার দাগ পড়েছে, আর উঠবে না ; মোছবার ষো থাকলে, মুছে ফেলে ঘরে থাকতুম ।

গঙ্গা । এখানেও কোন্ মুছে ফেলতে পারছেন ? তবে কেন ঘরে যাবেন না ?

ললিতা । কেন ? তুমি যে রাজমহলে বে দেখ'নি, তা হ'লে বুঝতে কেন ? যদি তাদের হৃৎজনের একবার আনন্দমুখ দেখতে, তা হ'লে

চতুর্থ অঙ্ক

বুঝতে কেন ? যদি ছল ঢাকা সরল আবরণ পূর্ণ মুখ দেখতে, তা হ'লে বুঝতে কেন ? যদি সেই চাতুরী-ঢাকা মধুময় কথা শুনে—আশা ধ'রে ভেসে অকুলে ডুবতে, তা হ'লে বুঝতে কেন ? সে স্থান বিষ, সে কথা বিষ, সে হাসি বিষ, সে চোখের চাহনি বিষ, কিন্তু সে বিষে যে জন্ছি—আমি তারে দেখাব না । সে দেখে যেন উপহাস না করে, সে দেখে যেন মুচকে হেসে চলে না যায়, সে যেন মাধুরীর গলা ধ'রে দেখতে না আসে । গঙ্গা, হলো না, তোমার কাছে থাকবো না, তুমি জ'লে যাবে—ভস্ম হবে । দেখ, পার যদি একবার দেখে এসো, তারা কেমন আছে দেখে এসো, আমায় ব'লতে ইচ্ছা হয়, কেমন আছে ব'লো,—না ব'লো না । তোমার যা ইচ্ছা হয় ক'রো ।

গঙ্গা । আমি দেখতে চল্লুম, যদি ফিরে আসি, তবে কোথায় দেখা পাব ?

ললিতা । বোধ হয় এই খানে ।

গঙ্গা । কিন্তু যদি মাধুরী দেবী পুরঞ্জনের অনুরাগিনী হন, তা হ'লে তাঁর জালা আপনার চেয়ে বেশী ।

ললিতা । কেন ?

গঙ্গা । দেবি, আমরা বেগ্না ; অনেকের কঠোর করস্পর্শ আমাদের অনিচ্ছায় সহ ক'রতে হয়, সে সহ করা আমাদের অভ্যাস । কিন্তু সে যে কি জালা, তা যে জানে—সেই জানে ।

ললিতা । কেন, নিরঞ্জন তো তাঁরে ভালবাসে ? কিম্বা কে জানে,—সে চাতুরীময়, হয় তো তারেও মজিয়েছে ; সে সকলই পারে, চতুরে সকলি সম্ভব ।

গঙ্গা । আর মাধুরী যদি তারে না ভালবাসে ?

ললিতা । এঁটা ! না তুমি জান না । নিরঞ্জন নিত্য আস্তো, সেও ছাবের উপর প্রতীক্ষায় থাকতো ; চোখে চোখে কথা হ'য়ছে, মনের

ভাব চোখে চোখে বাক্ত হ'য়েচে । সে আমায় দেখতে আস্তো না ;
ছলনা—ছলনা ! না—না—আর ও কথায় কাজ নাই, আমি চল্লুম ।

[প্রস্থান ।

গঙ্গা । একি ! তবে কি মাঝে ভুল হ'লো ? নিরঞ্জন কি একেই
মাধুরী ভেবেছে ? মাধুরী তো পুরঞ্জনেরই প্রত্যাশায় থাকতো, নিরঞ্জনের
নয় । ইনিই কি নিরঞ্জনের প্রত্যাশায় থাকতেন ? রাজসাহীতে যে
গল্প বলেছিলেন, সে গল্পের ভাবে আগেই আমার সন্দেহ হ'য়েছিল । এখন
আমার স্পষ্ট অনুভূত হ'লো, ইনি আপনিই সেই নায়িকা । আত্মহত্যা
না ক'রে সন্ন্যাসিনী হ'য়েছেন । তবে তো বড় সর্বনাশ হ'য়েছে ! আমি
রাজমহলে যাই, এর তত্ত্ব নিই । রঙ্গলাল কোথায় গেল ? তারে তো
কোথাও খুঁজে পেলেন না । তার দেখা পেলে উপায় হ'তো ; এখনও
উপায় হয়, সে সব পারে ।

[প্রস্থান ।

দ্বিতীয় গর্ভাঙ্ক

গ্রাম্য-পথ ।

(নিরঞ্জন)

নির । আমি কি সর্বনাশ ক'রলেম ! মাধুরী কি আমার জন্তে উদাসিনী
হয়েছে ? পুরঞ্জন কি তারে ত্যাগ ক'রেছে ? কি হ'লো, সকল দিকেই
বিভ্রাট হ'লো ! পৃথিবীতে আমি একটা কণ্টক জন্মগ্রহণ ক'রেছিলেম ;
পিতার কণ্টক, বন্ধুর কণ্টক, মাধুরীর সুখের কণ্টক, আমার আপনার
হৃদয়ের কণ্টক ! হয় তো পুরঞ্জন মাধুরীর বিরহে অতিশয় কাতর । শুনেছি
সে দেশে দেশে পর্যটন ক'চ্ছে, মাধুরীকে খুঁজচে । যদি দেখা পাই,

সংবাদ দেব, পুনর্মিলনের চেষ্টা পাব। ঐ যে পুরঞ্জন! দেখা দেব কি? হ্যাঁ দেখা দিই, মাধুরীর সংবাদ বলে দিই।

(গয়ারাম ও উদাসভাবে পুরঞ্জনের প্রবেশ)

গয়া। তবে রে ব্যাটা, আবার ঘুর ঘুর ক'রে ফিরচো।

পুর। কে ও?

গয়া। আজ্ঞে ও বদমাইস, কি দাঁওয়ে ঘুরচে। ব্যাটা ভিকিরী সেজেছে, ডাকাতীর চেষ্টায় ফিরচে। খালি সন্ধান রাখছে, আপনি কোথায় যান, কি করেন। ব্যাটা, ফাঁড়ীদার ধরিয়ে দেবে ব্যাটা।

পুর। না না, কিছু বলো না, কি চায় জিজ্ঞাসা কর।

গয়া। কি চাস্‌রে ব্যাটা—কি চাস্‌?

নির। আমি, আমি—

গয়া। তুমি, তুমি! ধাড়ি বদমায়েস ব্যাটা, ডাকাত ব্যাটা—

নির। তোমার প্রভুর সঙ্গে দেখা ক'রবো।

গয়া। অত রসে কাজ নাই ব্যাটা, দূর হ ব্যাটা! আপনার সঙ্গে দেখা ক'রতে চাচ্ছে ব্যাটা!

পুর। কিছু দিয়ে দাও।

নির। (স্বগত) একি! আমায় চিন্তে পাচ্ছে না? আমি তো সহস্র লোকের ভিতর পুরঞ্জনকে চিন্তে পারি। না, আমার দৈন্যদশা দেখে বোধ হয় ইচ্ছা ক'রে চিন্তে পাচ্ছে না, নচেৎ আমায় চিন্তে পারবে না, কোনরূপে সম্ভব নয়। কথা কই।

গয়া। এই নে রে ব্যাটা নে, ব্যাটা দেখছে দেখ—হাঁ করে! না নিস্‌ ব্যাটা, চলে যা।

পুর। কি, কি বলে?

গয়া। আজ্ঞে, একটা টাকা দিয়েছি, ব্যাটার পছন্দ হচ্ছে না।

পুর । দাও, একটা মোহর দাও । বোধ হয় বেশী আশা ক'রে আমার কাছে এসেছে ।

গয়া । (মোহর দিয়া) ব্যাটা খুব দাঁও মারলে !

নির । তুমি, তুমি—

গয়া । হ্যাঁ হ্যাঁ আমি, তোমার বোনাই আমি, তোমার সঙ্কি আমি, ছ'ধা লাগাতে পারলে বুঝ্তেম আমি,—ব্যাটার মোহরও মনে ধ'রচে না । সোনা রে ব্যাটা সোনা, মোহর রে ব্যাটা মোহর, তো'র বাপ-দাদা কখনো দেখে নাই রে ব্যাটা !

পুর । (স্বগত) আর কোথায় দেখা পাব ! কোথা যাব ! নিশ্চয়ই বেঁচে নাই ! নিরঞ্জন, একবার যদি তোমার দেখা পেতেম, তা' হলে এই দণ্ডে জীবন বিসর্জন দিতে আমি প্রস্তুত । ভাই, তুমি আমায় ভুলে রয়েছ !

নির । (স্বগত) মুখ ফিরিয়ে নিলে, চিনেও চিনলে না, তবে আর কেন, যেখানে ইচ্ছা চলে যাই ! দেহ ভার ব'লে বোধ হ'চ্ছে ।

[প্রস্থান ।

গয়া । দেখুন ম'শায়—দেখুন, ব্যাটা মোহর ফেলে ছুটলো । ব্যাটা রাহাজানি ক'রবে ম'শায়, দলে খবর দিতে গেল ম'শায় ! আপনি আবার আপনার বন্ধুকে খুঁজতে বেরিয়েছেন, সন্ধান পেয়েছে ব্যাটা । কোন্ দিকে যান, তার তাগ রাখছিলো ।

পুর । কি, মোহর নিলে না !—ডাকো, ডাকো ।

গয়া । ওরে ফের রে ব্যাটা—ফের ।

পুর । যাও, তুমি ওরে ধরো ।

গয়া । আজ্ঞে দেখুন ম'শায়, ব্যাটা উর্দ্ধ্বাসে দৌড়ুচ্ছে ম'শায় ! আমি ধ'রতে পারবো না ম'শায়, ব্যাটা ছুরি হেনে দেবে ম'শায় ! ব্যাটা বদমাইস ম'শায়, রাহাজানীর ফিকিরে আছে ম'শায় ।

(রঙ্গলালের প্রবেশ)

রঙ্গ । কি হে, নিরঞ্জন তোমার কাছে এসেছে ?

পুর । না, সে কোথায় ?

রঙ্গ । দেখ, কারাগার হ'তে বেরিয়ে যে কোথা চলে গেছে, তার আমি কিছু নির্ণয় ক'রতে পাচ্ছিনে । নবাব তার বাপের জমিদারী ফিরিয়ে দিয়েছে, এ সংবাদ সে জানে না ।

পুর । আমি তো ভাই, তার দেশে দেশে অনুসন্ধান ক'রেছি । পুরস্কার স্বীকার ক'রে, শত শত লোক চতুর্দিকে পাঠিয়েছি, কিন্তু কোথাও তো তার তত্ত্ব পেলেম না । ভাই রঙ্গলাল, আমার পিতা অতুল সম্পত্তি রেখে গেছেন, সে সমস্ত তুমি লও, তোমার সংকার্য্যে ব্যয় করো । আমার জীবনে ঘণা হ'য়েছে ! নিরঞ্জন বোধ হয় বেঁচে নাই, তা'হলে নিশ্চয়ই সে আমার সঙ্গে দেখা ক'রতো । আমিই সকল সর্বনাশের মূল, আমার মরণই মঙ্গল ।

রঙ্গ । মরণ যে মঙ্গল, এতো আজ পর্য্যন্ত কোন শাস্ত্রেও পড়ি নাই, লোকেও বলে না । তবে প্রেমের নূতন বিধি, সে বিধিতে কি লেখে জানি নে ।

পুর । রঙ্গলাল, তুমি এখনও পরিহাস ক'চ্ছ !

রঙ্গ । মরি মরি কি তোমার চমৎকার অনুমান ! তুমি ম'রতে চাচ্ছ আর আমি পরিহাস ক'চ্ছি ! আমার তো তোমার মত প্রেমিক প্রাণ নয়, মে মরাটা নকড়া ছকড়া । মরো না এখন, হু'দিন থাকই না । মরণ বড় খুঁজতে হবে না, সেই খুঁজে পেতে নেবে এখন ।

পুর । না না, আমার জীবনে ঘণা হয়েছে !

রঙ্গ । তা বেশ তো, ক্ষেমা-ষেমা ক'রে হু'দিন টে'কেই যাও না । ম'রে কি বাহাদুরী ক'র্বে বল ? জ্যান্ত থাকতে থাকতে খুঁজে যদি বকুর

দেখা পাও, সে একটা কাজ হবে। যদি সে মরেই থাকে, তার ছেলে পিলে নাই, একটা পিণ্ডি ত দিতে পারবে। বন্ধুর খাতিরে তার বাপেরও কিছু উপকার ক'রতে পারবে। তা 'অস্তে গঙ্গা নারায়ণ ব্রহ্ম' ব'লে বিশেষ কিছু ত সুবিধা হবে না। সংসারটা চেয়ে দেখ, বড় যে খুব সুখে সবাই আছে, তা নয়। একটা না একটা বেগোড় চ'লেইছে। তোমার জন্ম তো আর নতুন সংসার হবে না। এক রকম গুছিয়ে-গাছিয়ে নিয়ে, দিনকতক কাটিয়ে দাও।

পুর। আহা, সে কোথায় নিরুদ্দেশ হ'য়ে বেড়াচ্ছে!

রঙ্গ। এ কথা তুমিও জান, আমিও জানি। এ কথা তো বিশেষ কোন সংবাদ হলো না।

পুর। কি ক'রবো?

রঙ্গ। হারালে খুঁজতে হয়, এ নিয়ে তো বেশী তর্ক-বিতর্কের দরকার নাই।

পুর। নিরঞ্জনের ছবি আমার কাছে ছিল। আমি তার অনুরূপ সহস্র ছবি তৈরি ক'রে লোক দিয়ে চতুর্দিকে পাঠিয়েছি।

রঙ্গ। সে বেশ করেছ।

পুর। তবে এখন কি ক'রবো, কোথায় খুঁজবো?

রঙ্গ। কোথায় খুঁজতে হবে যদি জানতেম, তা'হলে তোমার খোঁজ ক'রতেম না—তোমার কাছে আসতেম না। সেইটুকু না জেনে পাঁচ পড়েছে। তাই তোমার কাছে এসেছি। আর এক কথা,— শুন্ছি নাকি তুমি তোমার স্ত্রী ত্যাগ ক'রেছ?

পুর। হ্যাঁ, সেই সর্বনাশের মূল!

রঙ্গ। বেশ ঠাউরেছ। প্রেম ক'রলে তুমি, নির্জন নিকুঞ্জে গেলে তুমি, আর সর্বনাশ ক'রলে—সেই অবলা!

পুর। বেশাকণ্ঠা—বেশা! সে নিরঞ্জনকে মজিয়েছে, আমায় মজিয়েছে।

রঙ্গ । ম'জতে মজেছে সেই । গলা পেতে বরমালা না নিলে না
নিতে পারতে, সে জুলুম ক'রতো না । ধর'—তুমি যদি মনে কর, হু'দশটা
বিয়ে ক'রতে পার । কিন্তু তার দফা গয়া !

পুর । তুমি কি ক'রতে বল ? সেই বেণ্ডাকে ঘরে রাখতে বল ?

রঙ্গ । একটা সমস্তা বটে । আমি বরাবরই তো বলি, জীবন
সমস্তাময় । তবে সমস্তার এক কাটান মন্ত্র আছে ।

পুর । কি ?

রঙ্গ । সংসার যে সাগর বলে, এ কথা ঠিক ; কুল-কিনারা নাই ।
তাতে একটা ধ্রুবতারা আছে, দয়া ! দয়া যে পথ দেখায়, সে পথে গেলে
নবাবও হয় না, বাদশাও হয় না, তবে মনটা কিছু ঠাণ্ডা থাকে । এট
প্রত্যক্ষ, তর্কযুক্তির দরকার নাই ।

পুর । কি—দয়া ! দুর্জনের শাস্তি দেওয়া উচিত নয় ? কপটতার
দণ্ড দেওয়া উচিত নয় ?

রঙ্গ । দেখ, একটা বাড়াবাড়ির কথা তুলেছো । যেন ভট্‌চাষি হ'য়ে
ব্যাখ্যা করা যাচ্ছে । দুর্জনের দণ্ড, কপটতার শাস্তি বলতে-কইতে
বড় সোজা ; কিন্তু মনটা উটকে-পাটকে দেখলে, ক'জন যে বুকে হাত
দিয়ে বলতে পারে আমি দুর্জন নই, ক'জন যে বলতে পারে আমি কপট
নই,—তা আমি আমার মন দিয়ে বুঝতে পারি নাই । যদি কেউ থাকে,
তারে হুশো বাহবা বটে ।

পুর । ও কথা যাক । চল হু'জনে হু'দিক দিয়ে বেরুই ।

রঙ্গ । আচ্ছা, তুমি বেরিয়ে পড় । আমার একটু কাজ আছে ।

পুর । কি কাজ ?

রঙ্গ । মনে ক'চ্ছি, তোমার স্ত্রীর সঙ্গে একবার দেখা ক'র্বো ।

পুর । সে কোথা ?

রঙ্গ । বোধ হয় তার বাপের বাড়ী ।

পুর। 'আমি তো পাকী ক'রে পাঠিয়েছি বটে ; কি হে, তোমায়ও মজিয়েছে না কি ?

রঙ্গ। তোমার তাতে আপত্তি কি ? তুমি তো ব'লছ—সে বেগা। আর যদি ম'জেই থাকি, কি এমন গুরুতর অপরাধ ক'রেছি ! এমন দশজনে মজে, আমিও না হয় মজেছি ।

পুর। তবু কথাটা কি শুনি ?

রঙ্গ। দেখ চাঁদ, মনের উপর জুলুন ক'রো না। তারে ত্যাগ ক'রেছ, তবু কথাটা কি শুন্তে চাচ্ছ। ভাবছো, হা ছতাশ বন্ধুর জগুই করো ! তা নয়, অর্ধেক নিশ্বাস মাধুরীর চরণে। হাতে পেয়ে পালোয়ানী ক'রে তারে ত্যাগ ক'রেছ, কিন্তু ত্যাগ ক'রেই যে তারে ভুলেছ—এ কথা তুমি দিকি ক'রলেও আমার বিশ্বাস হবে না। তুমি তোয়ের আছ দেখছি, বেরিয়ে প'ড়।

গয়া। ঠাকুর বড় কথা জানে !

পুর। তবে, ভাই, আসি।

[প্রস্থান।

রঙ্গ। (গঙ্গারামের প্রতি) ওহে তুমি সঙ্গে চলেছ, মূনিবটা একটু ক্ষেপামত দেখছ তো ? হা-ছতাশ করেন ক'রবেন, পরম মঙ্গল মরণ যেন না আলিঙ্গন করেন ! তুমি একটু হুঁসিয়ার থেকে, উনি সব পারেন।

গয়া। আজ্ঞে ঠাকুর—আজ্ঞে ঠাকুর, আপনি ঠিক বলেছেন,—ক'দিন যেন কেমন কেমন হ'য়েছেন।

[প্রস্থান।

(গঙ্গার প্রবেশ)

রঙ্গ। কি বিবি, হেথায়ও যে ধাওয়া ক'রেছ ?

গঙ্গা। তোমার গুমোর ক'রতে হবে না, তোমার মুখের উপর এই আমি হাত নেড়ে ব'লছি, তোমায় আমি চাইনে।

রঙ্গ । অমন ক'রে সরল প্রাণে ব্যথা দিও না, আমি যে তোমায় চাই ।

গঙ্গা । মুখপোড়া, তোর কি চোখ আছে যে তুই আমার পানে চাইবি । তুই কি গানের ধার ধারিস্, তুই কি রূপের ধার ধারিস্, তুই কি গুণের ধার ধারিস্, তুই কি রসিকতার ধার ধারিস্ ? তোর প্রাণে যদি একটু রস থাকতো, তা'হলে তুই আমায় চাইতিস্ ।

রঙ্গ । একটু রস আছে বিবিজান !

গঙ্গা । না, সে নিংড়ে পাওয়া যায় না ।

রঙ্গ । তোমা চেয়ে আমি রসিক ।

গঙ্গা । তোর রসের মুখে আমি লুড়ে দিই !

রঙ্গ । দেখ'—তোমার চিটে গুড়ের রস ! কেমন জান ?—মুখেমুখে খুতু খাওয়া-খাওয়ি ! নিৰ্জ্জনে চোখে চাওয়া-চাওয়ি, 'তোমায় ভালবাসি মণি, তোমায় ভালবাসি প্রাণ !' এই ত তোমার রস ? এ চিটে গুড়ের রস,—ছনিয়ায় ছড়াছড়ি । এক জোড়া পায়রা দেখো, দুটো চড়াই পাখী দেখো, তারাও ঠিক ঐ চিটে গুড়ের রসিক । তোমরা মানুষ হ'য়ে আর কি বড় বাড়াবাড়ি ক'রলে !

গঙ্গা । তোমার রসটা কি শুনি ?

রঙ্গ । এ রসের তরঙ্গ ! ছনিয়া একবার ঠাউরে দেখ, তা'হলে বুঝবে, আমার প্রাণে রস আছে কি না । যাকে তুমি রসিক বলো, সে তোমায় চাঁদের মতন মুখ ব'লবে, পদ্মের মত চোখ বলবে, নদীর জলের মত চললে অঙ্গ ব'লবে ;—এই ত তোমার রসিক চুড়ামণি কবির বর্ণনা । তা চাঁদ দেখলেম, পদ্ম দেখলেম, নদীর ঢেউ দেখলেম, তা হলেই ত ফুরোল । কিন্তু গঙ্গা, একটা ছোট ফুল ফুটে কি কথা কয়, তা কি তুমি শুনেছ ! মেঘের মুখে কি প্রেম, তাকি তুমি দেখেছ ! চাঁদে তারায় নীরবে কেন ভেসে যায়, তা কি তুমি ভেবেছ ! দেবতার প্রত্যক্ষ মূর্তি মানুষকে কি তুমি ঠাওর ক'রেছ ! দেখ, এ ছনিয়া এক

দেখবার জিনিস ! দেখলে দেখতে পার। যদি দেখতে শেখো, তা'হলে আমার মত একটা ছোটখাট কীট-পতঙ্গ দেখবে না। তোমার প্রাণ উদার আকাশে মিশিয়ে যাবে, তুমি আপনাকে খুঁজে পাবে না, দেখবে যে রসের তরঙ্গ বইছে !

গঙ্গা। তোমার মত অত রস আমার নেই। আমি একটা ছিটে-ফোটা রসের কথা ব'লতে এসেছি, শোন।

রঙ্গ। কি ?

গঙ্গা। একটা ভুলে সর্বনাশ হ'য়েছে। আমি রাজমহলে গিয়ে শুনলেম, পুরঞ্জনের সঙ্গে মাধুরীর বিয়ে হয়েছে, নিরঞ্জনের সঙ্গে নয়।

রঙ্গ। তা বেশ শুনেছ।

গঙ্গা। তোমার সব কথায় ঠাট্টা, কথাটা শোন না।

রঙ্গ। তোমার বলাটা আগে, আমার শোনাটা ত আগে নয় ; তুমি বললেই পার সোনার চাঁদ !

গঙ্গা। ললিতা ব'লে রাজা উদয়নারায়ণের বন্ধুর এক কন্যা ছিল। উদয়নারায়ণ তারে ঘরে এনে রেখেছিলেন। নিরঞ্জন মনে ক'রেছে, সেই মাধুরী ;—তাইতে এই জঞ্জাল বেধেছে।

রঙ্গ। মরি মরি এটুকু যদি আগে ব'লতে বিবিজান, তা'হলে এতটা ওলটপালট হ'তো না।

গঙ্গা। তুমি আমায় তিরস্কার ক'রো না, তোমার তিরস্কার আমার বাজের মত ঠেকে ; তোমার জিবে আগুন আছে, আমায় পুড়িয়ে থাক ক'রে ফেলে।

রঙ্গ। দেখ, গল্পে আছে,—এক রকম পাখী বুড়ো হ'লে, আপনি চিতে সাজিয়ে পুড়ে মরে। পুড়ে নবযৌবন পায়। সংসারে এসে যে পুড়তে পারে, সে নবযৌবন পায়। একটু পোড় না, নবযৌবন পাবে।

গঙ্গা। নাও নাও—শ্রাকরা রাখ, এখন কি ক'রবে বল ?

রঙ্গ । কি ক'রবো ঠাউরে, আমি কোন কাজই ক'রতে পারিনে ।
আমি ঠাউরেছি এক রকম, হ'য়েছে আর এক রকম । কে এক ব্যাটা
সয়তান আছে, সে মানুষ নিয়ে খেলা করে । তবে দেখ, তুমিও একটু
চেষ্টা কর, আমিও একটু চেষ্টা করি, এই পর্যন্ত আমাদের হাত । এই
বোঝ না, আর একটু আগে তোমার এইকথা জানলে, ঘটনাস্রোত আর
এক রকম চ'লতো । এখন কোন দিক দিয়ে কি চলবে, তা তোমারও
হাত নাই, আমারও হাত নাই । তবে আসি বিবিজান, তুমিও একটু
চেষ্টায় থেকে । (প্রস্থানোত্ত)

গঙ্গা । শোন না, শোন না,—আমি ললিতা কোথা আছে জানি, কিন্তু
নিরঞ্জন কোথা বিবাগী হ'য়ে চ'লে গেছে ।

রঙ্গ । সেই খররটি চাও ? সেটি আমি জানি নে । খুঁজতে পার তো
দেখ, সেলাম । [প্রস্থান ।

গঙ্গা । মন, সত্যই ভালবাসনি ! সত্যই দাসী হ'লি !—রাজা-রাজদাও
যে পায়ে ফিরেয়েছিস ; এই বাউণ্ডুলোকে নিয়ে মজ্জলি, ওর কথার ঠিক
নাই, কাজের ঠিক নাই । ওকে কখনও পাবি নি, কিন্তু ও মরতে ব'লে
অনা'সে ম'রতে পারিস্ ! ছিঃ ছিঃ—এ আমার কি হ'ল !

[প্রস্থান ।

তৃতীয় গর্ভাঙ্ক

কবর-ভূমি ।

(শালিগ্রামের মৃত-দেহ পতিত)

নিরঞ্জন ।

নির । জীবন স্বপ্নমাত্র ! সমস্ত জীবনই একটা ঘোর দুঃস্বপ্ন !
 পূরঞ্জন কি আমায় চিন্তে পারলে না ? এ কি সম্ভব ! আমার দুর্দশা
 দেখে ঘৃণা ক'রলে ! তা কি সম্ভব ? কিছু নয়—কিছু নয়, একটা
 স্বপ্ন—একটা ঘোর দুঃস্বপ্ন ! স্বপ্ন স্মৃতিত এ ঘটনা কখনো সত্য হ'তে
 পারে না ! কি ছিলাম, কি হলাম, সমস্তই স্বপ্ন ! এ কি সমাধিক্ষেত্র ? অতি
 শাস্তিময় স্থান ! মহানিদ্রায় মহাশ্মশানে নিমগ্ন ! নিশ্চিত—আর জানা
 ঘৃণা নাই—জীবনের তাপ শীতল ! আশ্চর্য্য !—ক্লগিক জীবনে এত
 তাপ ? নিদ্রাই আনন্দ—মহানিদ্রায় মহা আনন্দ ! এ কি পিতা !—
 তোমার এই দশা ! কুক্ষণে তোমার সন্তান জন্মেছিলেম ! কি হ'লো,
 কি সর্বনাশ হ'লো ! এ কি রাজ-অঙ্গুরী ! তবে কি, নবার, তুমি বধ
 করেছো ? পিতা—পিতা ! একবার চাও, একবার কথা কও !
 কেরে নির্দয়, বধ ক'রেও কি তোর আকাঙ্ক্ষা মিটে নাই, এই কুৎসিত
 স্থানে ফেলে দিয়েছিস্ !

(দুইজন প্রহরীর প্রবেশ)

১ম প্র । দেখো ভাই, হিঁয়া কোন্ ? দানা ছায় !

২য় প্র । নেই—নেই, কবর উখারকে কাপড়া-চোরা নে আয়া ।

১ম প্র । ঠিক, মূর্দা নিকাল । শালাকো পাকড় লে ।

২য় প্র । তোম্ কোন রে ?

নির । বাবা—বাবা ! একবার কথা কও । সন্তান হ'য়ে শেষে
কি তোমার এই দশা দেখ্লেম !

১ম প্র । হুঁসিয়ারসে পাক্‌ড়ো, শালাকো পাশ হেতিয়ার হায় ।

নির । আমার অদৃষ্টে কি এত যজ্ঞা ছিল !

(প্রহরীদ্বয়ের ধৃত করণ)

১ম প্র । এ ক্যা—খুন কিয়া !

নির । না—না, আমায় বেঁধো না, আমার পিতা !

১ম প্র । আরে যেৎনা কবরমে যো সব আদমি হায়, সব কৈ তেরা
বাপ হায় !

২য় প্র । আরে চলো, বাবাকা পিছে দেখিও ।

নির । সিপাই—সিপাই—আমি এর সন্তান ।

১ম প্র । হাঁ—হাঁ, বেটাকো কাম কিয়া হায় ।

নির । আমায় নিয়ে যেও না, আমায় নিয়ে যেও না । (মুচ্ছা)

২য় প্র । শালা সরাপ পিয়া !

১ম প্র । ইধারু আয়া, বড়া কাম কিয়া ।

২য় প্র । বক্‌সিস মিলেগা, খুনী পাক্‌ড়া ।

১ম প্র । রাম নাম সত্য হায় ।

২য় প্র । তেরা কি চাচা হায় ?

১ম প্র । চাচা সে বেহেতর । রাম নাম সত্য !

২য় প্র । রাম নাম সত্য !

[সকলের প্রস্থান ।

চতুর্থ গর্ভাঙ্ক

দেবী-মন্দির।

(ললিতা ও গঙ্গা)

গঙ্গা। ললিতা দেবি, সর্বনাশ হ'য়েছে ! নবাব সরকারে প্রচার, যে, নিরঞ্জন কারে হত্যা ক'রেছে। আমি কারাগারে তারে দেখে এলেম।

ললিতা। মিথ্যা কথা !

গঙ্গা। মিথ্যা কথা আমি জানি, কিন্তু বিচার-স্থানে তিনি কোন কথা উচ্চারণ করেন নাই; সাব্যস্ত হ'য়েছে, তিনি হত্যা ক'রেছেন। নবাব সাহেবের ধারণা যে, যারে খুন ক'রেছেন, সে নবাবপক্ষীয়। উদয়-নারায়ণ বিদ্রোহী। সরকারাজ খাঁ বলেছে যে, নিরঞ্জন উদয়নারায়ণের লোক, তাই খুন ক'রেছে। কে জানে কেন তিনি নীরব, কোনও উত্তর করেন না।

ললিতা। গঙ্গা, আমি বুঝেছি, কেন তিনি কথার উত্তর করেন নাই। আমি কালসাপিনী, আমি তাঁর হৃদয়ে দংশন ক'রেছি। সে আমা ছাড়া জানে না ! আমি তার উপর নির্দয় হ'য়েছি, সেজন্য সে জীবনের মমতা রাখে নাই। গঙ্গা, আমার আনন্দ হ'চ্ছে !

গঙ্গা। কি কথা ব'লছেন ?

ললিতা। সত্য ব'লছি, আমার আনন্দ হ'চ্ছে ! আমি তাঁর জীবন রক্ষা ক'রবো। আমি আপনার জীবন দানে তাঁরে দেখাব, যে তাঁর ছবি একদিনের জন্মও আমার হৃদয় হ'তে অন্তর্হিত হয় নাই। আমি তাঁর মৃত সন্ন্যাসিনী, আমি জীবন আহতি দিয়ে এই প্রেমব্রত উদ্ঘাপন ক'রবো।

গঙ্গা। কি ব'লছেন,—কি উপায় ক'রবেন !

ললিতা । গঙ্গা, তোমার অনেক সুন্দর পরিচ্ছদ আছে, একটা আমায় ভিক্ষা দেবে ?

গঙ্গা । যা চান—তাই দেব, কিন্তু আপনি কি উপায় ক'রবেন ?

ললিতা । উপায় আছে । এটা কি দেখ্‌ছো,—এ হলাহল ; আর দেখ এই তীক্ষ্ণ ছুরি—কোমল বক্ষে মমতাশূণ্য হ'য়ে প্রবেশ করে । গঙ্গা, তুমি ভেবো না, আমি নিরঞ্জনকে রক্ষা ক'রবো । তোমার একটা সুন্দর পরিচ্ছদ দাও । আমায় সুবেশা ক'রে দাও । তুমি বেশভূষা ক'রতে নিপুণ, তুমি আমার বেশভূষা ক'রে দাও,—এই তোমার কাছে আমার মিনতি ।

গঙ্গা । অঁা !

ললিতা । বুঝ্‌তে পাচ্ছ না ? যদি কোন উপায় ক'রতে না পারি, রাজদণ্ডে যদি নিরঞ্জনের প্রাণবধ হয়, তার সঙ্গে সহ-মরণে আমি যাব । কুরূপা দেখে সে বেন আমায় ঘৃণা না করে ।

গঙ্গা । হায় হায় কি উপায় হবে ! আমি দূত হ'য়েই এই সর্ব-নাশ ক'রেছি, আমার কি নরকেও স্থান আছে !

ললিতা । কেন গঙ্গা, তুমি কেন খেদ ক'চ্ছ ? তুমি তো কিছু করো নি । আমার সে প্রাণপতি, আমি মনে মনে তারে বরণ ক'রেছি ।

গঙ্গা । না না, আমিই বিভ্রাট ঘটিয়েছি ।

ললিতা । গঙ্গা, তোমায় মিনতি, যতক্ষণ না নিরঞ্জনকে উদ্ধার করি, ততদিন আমায় কিছু ব'লো না । তারপর যদি কখনো নিরঞ্জনের সঙ্গে দেখা হয়, কথার সময় ঢের পাব ।

গঙ্গা । (স্বগত) সত্য, এখন জানিয়ে কি ফল ? (প্রকাশ্যে) তুমি অবলা, কি উপায় ক'রবে ?

ললিতা । তুমি কেন ভাব্‌ছো, নিশ্চয় উপায় ক'রবো । সত্যি যদি প্রাণপতির প্রাণ ভিক্ষা চায়, ভগবান এত নিষ্ঠুর নন, যে তিনি দেবেন

না। না পারি, পরিণাম তো আমার নিকটেই রয়েছে দেখলে। যখন
অসহায় আমি গৃহ হ'তে বেরিয়ে আসি, তখনই আপনার উপায় আমি
ক'রেছি। নিরঞ্জনকে আমি বাঁচাবো, তব্বন্ত তুমি চিন্তা ক'রো না।
মা জগদম্বার রাজ্য, সতী পতিনিদা শুনে প্রাণত্যাগ ক'রেছিলেন, আমি
ঠাঁর কন্যা, তিনি কি আমায় স্বামীর প্রাণবধ দেখতে স্বজন
ক'রেছিলেন? কখনই না! ঐ দেখ মা হাস্চেন, অভয় হাত তুলে
ব'লছেন—ভয় কি! গঙ্গা, তুমি ভেবো না, আমি ঠাঁরে রক্ষা ক'র্ব্বো।
তুমি একটু অপেক্ষা কর, আমি স্নান ক'রে আসি, অঙ্গের ভস্ম ধুয়ে আসি।

[প্রস্থান।

গঙ্গা। পোড়ারমুখো কোথায় গেল? দেখতে পেলে মুখে হুড়ো
ছেলে দিই। পোড়ারমুখো কি এক মস্ত দিলে, পরের ভাবনা ভাবতে
ভাবতেই গেলেম। গাল দিলে গায় মাখে না, আমার সর্বনাশ ক'রতে
পোড়ারমুখো জন্মেছিল। আমার এত কেন, আমি বেগা—নেচে গেয়ে
বেড়াই,—ওমা কে মরে, কে বাঁচে, আমার এত মাথা ব্যথা কিসের গা?
ঐ পোড়ারমুখোর জন্তে! মরে না গা, মরে না? আমার আপদ
চোকে না? দূর ছাই, আর ভাবতে পারি না! যা ছই খ্যাংরা মারতে
পারি তো গায়ের ঝাল মেটে! পোড়ারমুখো কি জানে, ও অনেককে
মজিয়েছে!

(রঙ্গলালের প্রবেশ)

রঙ্গ। গঙ্গা—গঙ্গা, তোমার বেশ চেহারা!

গঙ্গা। পোড়ারমুখো, বলো না—তোমার কি কথাটা বলো না?

রঙ্গ। তোমায় সাজ্লে-গুজলে যা দেখায়, তা তোমায় কি ব'ল্বো!

গঙ্গা। হ্যাঁ, তোমার পিণ্ডি দেওয়া হয়।

রঙ্গ। গঙ্গা, তুমি বড় চমৎকার দেখতে!

গঙ্গা । তা বুঝেছি, তোমার কি গিঞ্জিতে লাগবে বলো ?

রঙ্গ । আমার তো মন ভুলিয়েছ, আর এক জনের মন ভোলাতে পার ?

গঙ্গা । তোমার মতন চং চং আমি অনেক জানি । সোজা কথায় বলো—কি চাও ? ওর যেন চোদপুরুষের বাঁদী !

রঙ্গ । গঙ্গা, তোমাদের সঙ্গে আলাপ ক'রে যার চোদপুরুষ না উদ্ধার হ'লো, তার জীবনই বৃথা । তুমি একবার তোমার জেতের বুলি ধ'রে গাল দাও ।

গঙ্গা । দেখ, দিনরাত্রিই দিচ্ছি, তোমার গালে লজ্জা আছে কি ? এমন বেহায়া পুরুষ জন্মে দেখি নি ।

রঙ্গ । আমি যে তোমার পায়ে ধরা ।

গঙ্গা । দেখ্ মুখপোড়া, অমন বক্বক্ব ক'রবি তো বাঁটা খাবি ।

রঙ্গ । তোমার হাতে তো বাঁটা নাই, কেন কষ্ট ক'রে আন্তে যাবে ?

গঙ্গা । দেখ্ মুখপোড়া, কি বলবি বল, নইলে আমি চলুম ।

রঙ্গ । আমার পীরিতে পড়েছ, কোথা আর যাবে বল' ?

গঙ্গা । ওমা, আমার কন্যা পাচ্ছে, এই পোড়ারমুখোকে গর্দান্না দিয়ে কেউ তাড়িয়ে দেয় না গা ।

রঙ্গ । কেঁদো না কেঁদো না, আমি তোমার মুখ মুছিয়ে দিচ্ছি ।

গঙ্গা । আচ্ছা তাই, আমি রাজী আছি, তুই কি ব'লবি—বল না ।

রঙ্গ । বেশ ক'রে সেজেগুজে নবাবের মন ভোলাতে পার ?

গঙ্গা । ওমা, বুড়ো মুর্শিদকুলি খাঁ ! পোড়ারমুখো বলে কি গো !

রঙ্গ । গঙ্গা, আমি সত্য ব'লছি, তোমার গানে দেবতা মোহিত হয় ।

গঙ্গা । হয় হবে, আমি কি ক'রবো ?

রঙ্গ । তুমি সত্য গিয়ে গান করো । যখন তোমার বখসিস্ দিতে

চাইবে, তখন তুমি ব'লবে, যে হিন্দুকে জ্যাস্তো কুকুর খাবার হুকুম হ'য়েছে, তার প্রাণভিক্ষা দেন ।

গঙ্গা । কে সে ?

রঙ্গ । আমি জানিনে, শুন্লুম একজন পাগল ।

গঙ্গা । কেন, তুমিও তো নবাবের ব্যামো ভাল ক'রেছিলে, তোমায় তো বখসিস্ দেবে ব'লেছিল, এখন কেন চাও না ?

রঙ্গ । আমি বিস্তর অশুরোধ ক'রেছি, নবাব কোন কথা শোনে না, তিনি বলেন, এ রাজা উদয়নারায়ণের চর ।

গঙ্গা । তা আমার কথা শুনবে কেন ?

রঙ্গ । তোমার একুলার কথা শুনবে না, কামদেব তোমার সহায় হবেন । তুমিও যেমন নয়নবাণ মারবে, তিনিও তেমনি পঞ্চবাণ ছেড়ে দেবেন ।

গঙ্গা । তুই দূর হ—তুই দূর হ ! নইলে পোড়ারমুখো আমি চল্লম । (স্বগত) থাক মুখপোড়া, আমি আর এক বুদ্ধি ক'রচি । তোরই বুদ্ধি আছে, আর আমার নাই । আমি আর এক ওষুধ বাড়বো, মিন্‌সে তাক হ'য়ে যাবে!—দেখবে গঙ্গার বুদ্ধি আছে কি না । মিন্‌সে দেমাকেই মলো—আপনার বুদ্ধির গরবে ফেটে ম'রচে । পোড়ারমুখো জানে না, যে নিরঞ্জন ধরা প'ড়েছে । মনে ক'রেছে, আর কে ধরা পড়েছে । এখন কিছু ব'লবো না । আচ্ছা দেখি, তোর কাজ ক'রে দিতে পারি কি না । [প্রস্থান ।

রঙ্গ । মা, তুমি কি সত্যি মা, না জিব বার ক'রে অমনি দাঁড়িয়ে আছ ? ছনিয়ায় ধর্মকর্ম, দেবতা মানামানি—আমি বুঝে নিয়েছি । সংসারের হুঃখ ভোগ ক'রে মানুষের ভোরপুর হয় না । ম'রে স্বর্গে গিয়ে এমনি ষাতে খোয়ার হয়, তার চেষ্টা পান । তোমায় দুটো বিষপত্র দিয়ে পূজা ক'রে তারই ফলে স্বর্গে উর্কশী, রস্তা প্রভৃতি মেয়েমানুষ চান । পরকালেও

মান অপমান খোঁজেন ! সাবাস মানুষের বুদ্ধি ! মেয়েমানুষ চান, মান চান, আবার সুখও চান ! ভাবেন, মেয়েমানুষ আছে—প্রতারণা নাই ; মান খোঁজেন—ভাবেন সেথা অপমান নাই । শুনেছি, তোমার নাম মহামায়া, তুমি যদি সংসার গ'ড়ে থাকো, তোমায় বাহবা বটে ! ছিটে ফোঁটা কি একটু দিয়েছ, মানুষ মনে করে—এই বুদ্ধি । যদি কেউ নিকেরোধ বলে, রেগে টং ! সব বোঝেন,—শুধু কোথা হ'তে এসেছেন আর কোথায় যাবেন, তা জানেন না ! যদি সত্যি সত্যিই এই কীর্তিটা তোমার হয়, তা'হ'লে তোমার দেখা পেলে একবার বলি, তুমি সয়তানের সয়তাননী, এত দুঃখও তোয়ের ক'রতে পেরেছ ! শাস্ত্রের মুখে ঝা'টা, বলে লীলা—লীলা—লীলা, তোমার সাতগুটির লীলা, কিন্তু তোমার লীলার চোটে মানুষের প্রাণ হায়রাণ !

[প্রস্থান ।

পঞ্চম গর্ভাঙ্ক

সরফরাজখাঁর বিলাস-কক্ষ ।

(সরফরাজখাঁ ও নর্তকীগণ)

নর্তকীগণ ।—

(গীত)

চমকি চমকি রুহে বিজুরি ।

চলে নলকে দলকে নিশা উজুরি ।

দমকে দমকে ঘন গরজন গভীর যার,

বাদর খরতর প্রথর ;

দুর দুর মদন ডকা বাজে,

বিরহী-হৃদিমাঝে কঠোর বাজ বাজে ॥

যাস পবন স্বন—

তর তর বর বর নয়ন বরিখন,
 থর থর কল্পন, মন্থথ শাসন,
 কেইসে সাম্হারি নারী ।
 পিরা বিনু কেই সে গুজারি ।

[নর্তকীগণের প্রস্থান ।

(গঙ্গা ও ললিতার প্রবেশ)

সরফ । তোমকো হাম কুত্তা খিলায়াজে । উক্কো বাদ মাধুরীকো
 পাক্‌ড়াজে । দেখো তোমারা ক্যা হাল হোয় ।

গঙ্গা । নবাবজাদা, আমার অপরাধ কি ? সে যাহু জানে ! ওড়না
 মুড়ি দিয়ে গুলো, আপনি উড়ে গেল, আমায়ও উড়িয়ে দিলে ! আচ্ছা
 দেখ, কারে এনেছি দেখ,—তারপর কুত্তা খাইয়ো ; দেখ—একবার
 মুখখানি দেখ ।

সরফ । বাঃ বাঃ গঙ্গা ! তোমকো ইনাম দেঙ্গে,—যো মাজো । হাম
 ইস্কো মাজা ।

গঙ্গা । আমি তোমার জন্তু মরি, আর তুমি কুত্তা খিলাও !

সরফ । (ললিতার প্রতি) বিবি বিবি, তোম্ মেরা জানি !

গঙ্গা । তুমি এখন তোমার জানি নিয়ে থাকো, আমি চল্লুম ।

সরফ । যাও যাও, কাল ফজিরমে আও । [গঙ্গার প্রস্থান ।

বিবি, বিবি, তোমারি এত্তি মেহেরবান গি !

ললিতা । নবাবজাদা, তোমার নিমিত্ত আমি ব্যাকুল হ'য়েছি । কতক্ষণে
 তোমার দেখা পাব—কতক্ষণে তোমার দেখা পাব, এই আমি ভেবেছি ।

সরফ । কাহে ? কাহে নেই পূর্জা ভেজি ? হাম তোমকি চুঁর
 চুঁর কে হায়রাণ ।

ললিতা। সত্যি ?

সরফ। বহুৎ সাচ্‌ ছায়।

ললিতা। আচ্ছা তার একটা প্রমাণ দাও।

সরফ। কহো, ক্যা পরখ মাস্কো ?

ললিতা। কি মাস্কবো, তাইতো ভাব্‌চি। আচ্ছা, কাল একজনের
কুত্তা খাওয়াবার হুকুম হ'য়েছে নয় ?

সরফ। হাঁ হাঁ,—সো ছয়া।

ললিতা। আচ্ছা তারে খালাস দাও। দেখি কেমন আমায়
ভালবাস ?

সরফ। আচ্ছা, ও তোমারা কোন ছায় ?

ললিতা। কেউ নয়, আমি পরখ ক'রছি, তুমি কত আমায় ভালবাস।

সরফ। দেখো বিবি, বড়া মুস্কিলকা বাত উঠায়ি। নবাবসাবকা
শোবা ছয়া ও দুশমন ছায়। নবাবকা বহুৎ দুশমন খাড়া হো গিয়া, প্রজা
বেগড় গিয়া,—উস্কা তো ছোড়েগা নেই।

ললিতা। ও তোমার পীরিতের কথা সব মিছে ! তবে তোমার
সঙ্গে দোস্তি ক'র্বো না।

সরফ। ক্যা করোগি ? হাম তো তোম্‌কি ছোড়েগা নেই।

ললিতা। নবাবজাদা, এই ছুরি দেখ্‌ছো ?

সরফ। বিস্‌মোলা !

ললিতা। চেষ্টিও না, আমি তোমায় মারবো না, নিজের বুকু বসিয়ে
দেব। যারে ভালবাসি, সে যদি না ভালবাসে, তবে এ প্রাণের আবশ্যক
কি ? এই দেখ আমি বুকু বসাই।

সরফ। নেই নেই—সবুর। হামকো দাদাকো পাশ জানে দেও।

ললিতা। তুমি যে মিছামিছি আমায় ব'লবে, তা আমি শুনবো না।
আমি দেখ্‌বো, সে ছাড়ান পেলো।

সরফ । কেই সে দেখোগি ?

ললিতা । কেন ? যখন কোন কাফেরকে কুত্তা খাওয়ান হয়,
বেগমেরা তো সব পরদার আড়াল হ'তে দেখে ।

সরফ । আচ্ছা সোয়ি হোগা ; বাঁদী, বাঁদী—

(বাঁদীর প্রবেশ)

মেরা জানিকি খিদমত্ করো ।

বাঁদী । যো হুকুম নবাবজাদা !

[সকলের প্রশ্নান ।

ষষ্ঠ গর্তাঙ্ক

রাজপথ ।

(জনতা—রাজকর্মচারিগণ)

রাজ-কর্ম । (চাঁড়রা দেওন) আজ জিতা আদমি কুত্তা খিলায়া
ষাতা, যো দেখোগে, ময়দান মে চল । বহুত হুঁশিয়ার, কোই বিগ্‌ড়ো
মাৎ । যো বিগ্‌ড়োগে, নবাবকা হুকুমসে কুত্তা খিলায়া যাওগে ।
বিগ্‌ড়কে নবাবকা হুশমনি মাৎ করো ।

[রাজকর্মচারিগণের প্রশ্নান ।

(দুইজন মুসলমানের প্রবেশ)

১ম মু । হাদে মাশু, চ' চ' ।

২য় মু । হাদে কনেরে ছাওয়াল ?

১ম মু । শোন্‌চিস নে চাঁড়রা মাতিছে ! কোত্তা খাওয়া করাবে ?

২য় মু । কেডারে খাওয়া করাবে—কেডারে খাওয়া করাবে ?

১ম মু। একটা হেঁছরে—হেঁছ !

২য় মু। এ্যা—কি বল্ছিস্ !—আরে চ' চ'—তোয় নানীয়ে খপর দে ; তোয় মামীয়ে খপর দে, তোয় দাদারে খপর দে ।

১ম মু। আরে সেটা কবরের মুদর, সেটাকে সাথে নিতে চাস্ ?

২য় মু। আঃ—দেখ্‌তি পাবা না ? বুড়া হইচে, তামাসা দেখ্‌বা না ?

(একজন বৃদ্ধার প্রবেশ)

বৃদ্ধা। হ্যা বাবা, এই যে চাঁড়রা দিচ্ছে, তা কাকালী বিদেয় ক'র্বে না ?

১ম মু। ছাদে মামু, কইচে কি শোন ? ব'লে,—‘কাকালী বিদায় কর্‌বা না ?’

বৃদ্ধা। হ্যা বাবা, নবাব সরকারে কি বিদেয় দেবে বাবা ?

১ মু। এই এক হাতা খিঁচ্‌ড়ি আর এক এক হাতা গোস্ত ।

বৃদ্ধা। পয়সা দেবে না বাবা, পয়সা দেবে না ? আমরা গোস্ত খাইনি বাবা, দুটা চিড়ে মুড় কি কিনে খাব ।

(জনৈক হিন্দুর প্রবেশ)

হিন্দু। নারায়ণ—নারায়ণ—হিন্দু কো কুত্তা খিলায়েগা !

১ম মু। খেলাবে না—দুশমুনি কর্‌বার পারে ?

[হিন্দুর প্রস্থান ।

(বৃদ্ধ মুসলমানের প্রবেশ)

বৃদ্ধ মু। এ বহুৎ তামাসা, এস্কা বরাবর তামাসা নেই ।

২য় মু। হ্যা খাঁসাহেব,—এ বড় তাম্‌সা হবে এ্যানে । ছাদে এমন তাম্‌সা তুমি কয়ডা গাখ্‌ছো ?

বৃদ্ধ মু। আরে এ ক্যা নবাবী জান্‌তা, নবাবী তয়া এস্কা আগাডি ।

২য় মু। সে নবাবীটা কি ধারা খাঁসাহেব, কি ধারা ?

বৃদ্ধ মু। আরে শুন্ লে, হিন্দু চায় পাঁচঠো খাড়া কর দিয়া,—ওন লোককা মাখেয়ে পাট লপেটকে মশাল বানায়,—অঃ রোসনাই হো গিয়া ! ছ'চারঠোকে পিঁজরামে ঘুসাকে দরঙ্গপর লটকা দিয়া । দানা-পানি বেগর চিল্লা চিল্লা মরে ।

২য় মু। ওঃ—তেমন তামসা এখনো হতিছে । আজম খাঁ সাহেব জমীদার ধরি আনতিছে, ল্যাঙ্গা ক'রে রোদি রাখতিছে । সেদিন মুই দেখে এলাম, একটা জমীদারকে বাঁদছে, আর সে পানি-পানি কত্তিছে,—আঃ হেস্শে বাঁচি নে ।

১ম মু। তোমার নবাবী আমলে কি বৈকুণ্ঠ ছ্যালো ? এই বৈকুণ্ঠ যদি জমীদারগুলোকে ঘোসাচ্ছে, আর তোবা-তাল্লা ডাকতিছে ।

বৃদ্ধ মু। আরে কুস্তা খিলায়াকা সামনে বহুৎ খোরা হায় । টুকুরা টুকুরা গোস্ত ছিন্ লে', আউর আদমি তড়প মে লাগে । আর গিদ্ধার কা মাপিক চিল্লাও এ !

২য় মু। আরে তুই ডব্কা ছোরা, তুই কি বুঝবি,—এটা ভারি তামসা ।

১ম মু। হাদে তুই চ'না ক্যান, মুই কি মানা কত্তিছি ? মুই তো তোরে কলাম ।

২য় মু। আরে চ' চ'—ঐ ঘণ্টা দিতিছে ।

বৃদ্ধা । দান-বাড়ী কোন দিকে বাবা ? তোমাদের সঙ্গে যাব বাবা ! আমি বড় কাজাল বাবা !

১ম মু। আরে বক্ বক্ কত্তিছে,—চল মামু, চল ।

[বৃদ্ধা ব্যতীত সকলের প্রস্থান ।

বৃদ্ধা । বলবে না, বকুরায় কম হবে । দাতায় দান দেবে, কাজালের বুক ফাটে । মর—অহঙ্কারে মট্ মট্ ক'রচে । হন্ হন্ ক'রে চলচে, গতরের গুমর কর্চে । ও গুমর থাকবে না, আমারও একদিন ছিল ।

[প্রস্থান ।

(গয়ারাম ও পুরঞ্জনের উভয়দিক হইতে প্রবেশ)

পুর । কোথায় ছিলে ? চল প্রস্তুত হও, দেশে যাওয়া থাক্ । আর কোথায় তার দেখা পাব, সে জীবিত নাই ।

গয়া । আজ্ঞে, সেই বদমাইস ব্যাটা ধরা পড়েছে, তারে ডালকুস্তোয় খাওয়াবার ছকুম হ'য়েছে ।

পুর । কে বদমাইস ?

গয়া । আজ্ঞে, সেই যে সেই, যে ব্যাটা মোহর ফেলে পালিয়েছিল । আমি ঠিক ঠাওরেছি, ব্যাটা ডাকাত ।

পুর । সে কি ক'রেছে ?

গয়া । আজ্ঞে ম'শায়, শালিগ্রাম রায় সাহেবকে খুন ক'রেছে ।

পুর । কেন ?

গয়া । আজ্ঞে ম'শায়, সে বোম্বটে । ব্যাটা ধরা পড়ে এখন পাগল সেজেছে । ব্যাটা পাহারাওয়ালাদের ব'লেছিল, যে রায় সাহেব ওর বাবা । এখন ব্যাটার মুখে আর বাক্য নাই ।

পুর । কি কি রায়সাহেব তার বাবা ?

গয়া । আজ্ঞে না, ব্যাটা দরবারে নবাবের দাবড়ি খেয়ে চূপ ক'রে রইলো, ব্যাটার মুখে বাক্ হ'রে গেল ।

পুর । সে কোথায় ?

গয়া । আজ্ঞে, ময়দানে তারে ধ'রে ডালকুস্তা খাওয়াতে এনেছে । দেখছেন না, তামাসা দেখতে ময়দানে পালে পালে লোক ছুটেছে ।

[পুরঞ্জনের বেগে প্রস্থান ।

ওই ! খেপলো না কি ? ভুলো আমায় এই খ্যাপা মুনিবের কাছে জুটিয়ে দিয়ে গেল । কাজে ভর্তি হ'য়ে অবধি ঘুরে ঘুরে সারা হ'লেম । দিলে দিলে—বউটাকেই গর্দানা দিলে, মোহরটা মোহরটাই দিয়ে দিলে ।

হ'হাতে টাকা খরচ করি, তার হিসেবও নাই, কিতাবও নাই । মুনিবটা
খ্যাপাও বটে, ভালও বটে ।

[প্রস্থান ।

সপ্তম গর্ভাঙ্ক

বধ্যভূমি ।

মুরশিদকুলিখাঁ, সরফরাজখাঁ, অর্ধ প্রোথিত নিরঞ্জন,

জল্লাদ ও প্রহরীগণ ইত্যাদি)

সরফ । দাদা, তোমারা গোড় পাক্‌ড়ে, আসামী কো ছোড় দেও,
ওসকা কসুর নেই ।

মুর । ভেইয়া, তোম্ তোমারা গাহানা-বাজানাকা কাম্ জানো,
হাম্‌কো রাজকা কাম করনে দেও । তোমারা দেল মোলায়েম হায় ।
ইসি ওয়াস্তে এস্‌কো ছোড়নে মান্তে হো । লেকেন সমজো, রাজা
উদয়নারায়ণকা নোকর বহৎ ওমরাওকো মারা,—রায়সাহেবকা মারা ।
এক আদমিকো জান মান্তে হো, রাতমে বেগড় হোনেসে বহৎ
আদমিকো জান যাগা । এস্‌কো মাজা হোনেসে আদমি লোক ডরেগা ।

সরফ । দাদা, মুজপর মেহেরবানগি ফরমাইয়ে, এস্‌কো জান লেনা
মৌকুব কি জিয়ে ।

মুর । লেড়কা, এনসাফ্ করনে দেও । এ আওরাতসে রং টং কি
কাম নেই, জুদা কাম । (নিরঞ্জনের প্রতি) তোম্ কাহে হত্যা করিয়াছ ?

সরফ । দাদা—

মুর । হ'শিয়ার, মায় নবাব হোঁ ! (নিরঞ্জনের প্রতি) তুমি কি
নিমিত্ত আমার বাক্যের জবাব দিতেছ না ? কুকুরের দ্বারা তোমার বধ

করিবার হুকুম হইয়াছে, তোমার মৃত্যুকাল উপস্থিত । এখনো কিছু ঘলিবার থাকে, বল ।

নির । আমি কোথায় ? নরকে কি ? নরক যে ভয়ঙ্কর স্থান বলে, কই যন্ত্রণা কই ! পিতৃ-ঘাতীর দণ্ড কই ? একি সব ?

মুর । আমার বাক্য কি তুমি শ্রবণ করিতে পারিতেছ না ? তুমি কি ভাবিতেছ ? তুমি সমস্ত প্রকাশ কর । কে তোমার দলপতি আমার নিকট বল ; তাহা হইলে হয় তো তোমায় মাপ করিতে পারি । দেখ, কুকুর দেখ—ব্যাত্র অপেক্ষা ভয়ঙ্কর, এখনই তোমার গোস্ত খণ্ড খণ্ড করিবে । এখনো সমস্ত প্রকাশ কর ।

নির । কুকুর ? নরকের কুকুর ! আমা অপেক্ষা হীন নয় । কুকুর—পিতৃঘাতী নয়, কুকুর পিতার সর্বনাশ করে না,—আমা অপেক্ষা ভাল, আমা অপেক্ষা ভাল ।

মুর । কি বলিতে চাহ বল ? কেন উত্তর করিতেছ না ? কেন মৃত্যু মান্দো ? বিদ্রোহী রাজা উদয়নারায়ণ কি তোমায় এই কার্যো প্ররুত্তি দিয়াছে ? রায়সাহেব আমার পক্ষীয়, তাই কি তুমি তাহা বধ করিয়াছ ? তাহাদের মুখ চাহিও না, তাহারা তোমায় রক্ষা করিতে পারিবে না । রাজা উদয়নারায়ণের হুকুম তামিল করিয়াছ কি ?

নির । উদয়নারায়ণ ! মাধুরীর পিতা ! সে এখানে কেন ? মাধুরী এখানে কেন ? না, অহো—পিতৃঘাতী, পিতৃঘাতী ! কই—কই কুকুর ? কুকুরেও আমায় স্পর্শ ক'রবে না ।

মুর । একি, তুমি প্রকাশ করিবে না ? পাগলের ভাণ করিতেছ ? নরকে যাইয়া পাগ্লাগিরি কর ।

নির । নরক—নরক !

মুর । হাঁ দোজক । জন্মদ, তৈয়ারী হও ।

নেপথ্যে । ছোড় দেও—ছোড় দেও ।

(পুরঞ্জনের বেগে প্রবেশ)

পুর। ভাই, ভাই, নিরঞ্জন! তোমার এ দশা! জনাব, আমি খুন ক'রেছি।

মুর। (জল্লাদের প্রতি) সবুর।

নির। পুরঞ্জন, তুমি এখানে কেন? ছুঁয়ো না, ছুঁয়ো না,—পিতৃ-স্বাতীকে ছুঁলে তুমি অপবিত্র হবে।

পুর। জনাব, আমি খুন ক'রেছি, আমার শ্বশুরের শত্রু, তাই খুন ক'রেছি। জাঁহাপনা, এক খুন হ'য়েছে, বিনা অপরাধে আর এক খুনের হুকুম দেবেন না।

মুর। কেঁও, তুমি খুন করিয়াছ?

পুর। হাঁ জনাব, একে ছেড়ে দেন, নির্দোষীকে দণ্ড দেবেন না, আমায় দণ্ড দেন।

মুর। তুমি আপনার উপর কেন গুনা নিতেছ? কুত্তা গোস্ট ছিনাবে, অনেক ছুঃখ পাইবে, তথাপি মউত হইবে না; অনেক ছুঃখ তুমি কবুল করিতেছ কেন? তোমার এরূপ আক্কেল কি নিমিত্ত হইল?

পুর। জাঁহাপনা, আমি খুন করেছি।

মুর। সমজাও, তুমি তথাপি কবুল করিতেছ?

পুর। হ্যাঁ জাঁহাপনা, আমিই নরহত্যা ক'রেছি।

মুর। কেবল নরহত্যার জন্ত ইহার দণ্ড হইতেছে না। রাজদ্রোহীরা গোপনে আমার ওমরাওদিগকে বধ করিতেছে। রায় সাহেব আমার একজন মোসাহেব, তাহাকে বধ করিয়াছে, এ নিমিত্ত ইহার গুরুতর দণ্ড হইতেছে। এ রাজা উদয়নারায়ণের অনুচর, বেগড় জমীদারদের পক্ষ লোক।

পুর। না জনাব, এ নির্দোষী।

মুর। দেখো, অগ্নিতে দগ্ধ হওয়া সিধা, জিতা কবরে যাওয়া সিধা, কিন্তু

এ বড় ছঃখের মউত । অঙ্গের মাংস কুত্তা ছিনাইয়া লইবে । হাড়ডি থাকিবে, লেকেন তথাপি মউত হইবে না । সমজ্ঞ লেও !

পুর । হ্যা জাঁহাপনা, আমি খুন ক'রেছি । আমার বধের হুকুম দেন, ওকে ছেড়ে দেন । রায় সাহেব এর পিতা, ও কখনো খুন করে নাই ।

মুর । রায় সাহেব এর পিতা ! এই উল্লু ! তোম্ কুছ উজর নেই কিয়া কাহে ?

পুর । ছঃখে প'ড়ে ওর মেজাজ বিগড়ে গেছে । আমি সত্য বলছি, ও নির্দোষী ! ছজুর, নির্দোষীকে বধ ক'রবেন না ।

মুর । হঁ !

পুর । জাঁহাপনা, আমি রাজদ্রোহী, আমায় বধ ক'রে নগরে দৃষ্টান্ত প্রচার করুন যে, রাজদ্রোহীর এই দণ্ড হয় । নিরপরাধীকে মুক্তি দেন ।

(চিন্তিতভাবে মুরশিদকুলিখাঁর পরিলমণ)

নির । এখনো বেঁচে আছি ? বাবা, তোমার কাছে এখনো যাই নি ? তুমি আমায় মার্জনা কর, আমি অধম সন্তান, শত শত অপরাধে অপরাধী ! এখনো জীবিত আছি ! বাবা, তুমি বল', নইলে আমি বিশ্বাস ক'রবো না, প্রাণ কি এত কঠিন !

মুর । (সরফরাজখাঁর প্রতি) ভেইয়া, তোমারা বাৎ আধা রাখ খা । আজ খুন মোউকুব রহে । (প্রহরিগণের প্রতি) এ দোনোকো কয়েদ রাখো ।
[সকলের প্রস্থান ।



পঞ্চম অঙ্ক ।

—o—o—o—

প্রথম গর্তাঙ্ক

কারাগার ।

(নিরঞ্জন ও পুরঞ্জন)

নির । পুরঞ্জন, কি সৰ্কনাশ ক'রলে ? কেন অকারণ দোষ স্বীকার ক'রে আপনার প্রাণ সংশয় ক'রলে ? আমার যা হয় হবে । ধিক্ আমায় ! শেষে কি তোমারও প্রাণনাশের কারণ হ'লেম !

পুর । ভাই, তোমার এ সৰ্কনাশের কারণ কে ? কুক্ৰণে আমি মাধুরীর সঙ্গে দেখা ক'রেছিলেম ! অহো ! অনুতাপে আমার প্রাণ দন্ধ হ'চ্ছে ! কি মায়ায় আচ্ছন্ন ছিলাম, তোমায় চিন্তে পারি নেই,—ভিকারী ব'লে বিদায় ক'রে দিয়েছিলেম !

নির । প্রাণদানেও কি তোমার মনে শাস্তি হয় নাই ? তুমি না আত্মসমর্পণ ক'রলে, এতক্ষণ কুক্করের জঠরে আমি থাকতাম । তুমি আদর্শ-বন্ধু,—জগতে তোমার তুলনা হয় না ! আমার যা হবার হ'য়েছে, কিন্তু কি উপায়ে তোমার প্রাণরক্ষা হবে ? তুমি কিরূপে পরিজ্ঞান পাবে ? আমি

এমনি অভাগা, মৃত্যুকালে মনকে প্রবোধ দিতে পার্বো না, যে তুমি
সুখে আছ। বোধ হয় রাজদূত আমাদের নিতে আসছে! এস ভাই,
একবার শেষ আলিঙ্গন করি।

(রাজদূতের প্রবেশ)

দূত । আপনারা নির্দোষী নবাব প্রমাণ পেয়েছেন। আপনারা বিনা
অপরাধে কারারুদ্ধ হ'য়েছেন, এতে নবাব ক্ষুণ্ণ। আপনাদের পুরস্কার
দেবার নিমিত্ত দরবারে যেতে তিনি আহ্বান ক'রেছেন; আপনারা
উভয়েই মুক্ত।

পুর । মহাশয়, মহাশয়! নবাব কি প্রমাণ পেয়েছেন?

দূত । এঁর মুক্তির জন্তু সরফরাজখাঁ যথেষ্ট অনুরোধ করেন, আর
রঙ্গলাল নামে একজন হকিম, তিনি এক সময়ে জাঁহাপনাকে উৎকট
পীড়া হ'তে আরোগ্য ক'রেছিলেন, এঁদের দু'জনের অনুরোধে নবাব খুন
মোকুব ক'রবেন ভেবেছিলেন। এমন সময়ে শুন্লেন, দু'জন বিদ্রোহী
জমীদার জাঁহাপনার শরণাপন্ন হ'য়ে নিবেদন ক'রেছে, যে রায় সাহেবের
হত্যা তারা স্বচক্ষে দেখেছে। রাজা উদয়নারায়ণের বিদ্রোহ-মন্ত্রণাগৃহে
সে সময় তারা উপস্থিত ছিল।

নির । কে—কে? কে হত্যা ক'রেছে।

দূত । বিদ্রোহী-প্রধান স্বয়ং রাজা উদয়নারায়ণ হত্যা ক'রেছে।

নির । উদয়নারায়ণ—উদয়নারায়ণ? পিতৃঘাতী জীবিত! আমি
কারাগারে!—হা পিতঃ, হা পিতঃ! এর কি প্রতিশোধ হবে?
চণ্ডালের কি দেখা পাব? উদয়নারায়ণ, এততেও তৃপ্ত হও নাই,
বধ ক'রেও তৃপ্তি হয় নাই—কবরভূমিতে ফেলে দিয়েছ! পিতা—পিতা!
ওঃ আমিই পিতৃঘাতী!

পুর । মাধুরী, তুমিই সর্বনাশের মূল!

দূত । বিনা অপরাধে আপনাদের কারাকান্ন ক'রে নবাব হুঃখিত হ'য়েছেন । আপনাদের সম্মানে পুরস্কার দেবেন, এ নিমিত্ত আহ্বান ক'রেছেন, আপনারা আসুন । [সকলের প্রস্থান ।

দ্বিতীয় গর্ভাঙ্ক

দরবার ।

(মুরশিদকুলিখাঁ, রঙ্গলাল ও অমাত্যগণ)

মুর । অ্যায়সা ?

রঙ্গ । হাঁ জাঁহাপনা ।

মুর । হকিম, বড়া তাজ্জব কি বাৎ !

(পুরঞ্জনের ও নিরঞ্জনের প্রবেশ)

তোমাদের বন্ধুত্বের কথা এই হকিম আমার নিকট সমস্ত বলিয়াছে । তোমাদের দোস্তি বড় সাচ্চা । খাম্খা তুমি হুঃখ পেয়েছ । বেইমান উদয়নারায়ণ তোমার বাপকে খুন করেছে, জমীদার লোককে সব বিগ্ড়িয়েছে ; হাম তুরান্ত শিখালায়েঙ্গে, কুত্তা বাঙ্গালী লড়াই ক'রবে । বাঙ্গালী এককাটা হবে ! আধা বেগড় জমীদার লড়াইকা আগে হামারা তরফ আ গিয়া । উদয়নারায়ণ বাওড়া হায় । ইস ওয়াসুতে নবাবসে বেগড় কিয়া । তুমি কিছু মাস্তো, আমি বখসিস করিব ।

নির । তরবারি ভিক্ষা করি নবাব-দরবারে,—

যাচি পিতৃ-বৈরী নির্যাতন ।

জাঁহাপনা, এইমাত্র আকিঞ্চন !

মুর । কি, তুমি লড়াই ক'রবে ?

নির । পিতৃঘাতী পাষণ্ডের বন্ধের শোণিতে,

করিব হে নরনাথ পিতার তর্পণ ;—
 নহে তুহানলে তবু ত্যাগ করিব নিশ্চয় ।
 আমি অধম তনয়,—
 জনকের হত্যার কারণ !
 জাঁহাপনা,
 প্রের এই নফরে সমরে,
 পিতৃশত্রু, রাজশত্রু করিব নিধন ।

মুর । আচ্ছা লেও, হামারা “শামশের” তোমকো দেতা হায় । এহি
 এনাম, বাঙ্গ্লেমে কোইকো নেহি মিলা । আলী মহম্মদ ফৌজ লেকে
 যাতা হায়, তোমকো ওস্কা সাথ মিলায়েঙ্গে ।
 (পুরঞ্জনের প্রতি) তোম্ কুহ মাস্তো ।

পুর । জাঁহাপনা,
 তব জয় নিশ্চয় হইবে ।
 সৈন্তগণ করিবে লুণ্ঠন ।
 প্রভু, করি নিবেদন,
 বৃদ্ধ, নারী, বালক বা নির্ঝরোধী প্রজা
 কিম্বা অস্ত্রঘাতে মুমূর্ষু যে জন,
 তার প্রতি নাহি হয় অত্যাচার,
 নাহি হয় নিপীড়িত সৈন্তের তাঁড়নে ;—
 সে সবার রক্ষা ভার করুন অর্পণ ।

মুর । আচ্ছা, তোমকো পরোয়ানা মিলাগা, তোমারা বাৎ হামারা
 ফৌজ মান লেগা । আর দেখো, এই আস্তী তোমকো দেতা হায়—
 বাদসাসে হামকো মিলাখা, তোমার বন্ধুত্বের পুরস্কার । তোমার নিকট
 ছনিয়া যেন বন্ধুত্ব শিক্ষা করে । (রঙ্গশালের প্রতি) তোম্ কুহ
 মাস্তো ।

রঙ্গ । হুজুর, যদি লড়াই বাধে— আমি হকিম— শত্রুমিত্র দু'জনকেই
ধাওয়াই দেব, এতে যেন কেউ আমায় হুশমন না ঠাওরায়

মুর । নেহি নেহি, হকিমকো তো ঐ কামই ছায় । লেকেন তোম
হামারা হুশমন নেহি হো !

রঙ্গ । না হুজুর, জান্ থাকতে নয় ।

মুর । তোম সাচ্চা আদমি হাম জান্তা । একদফে হামারা জান্
বাঁচায়া, কোই হকিম নেহি সেখা । হামারা সাথ আও, তোমকো কুছ
পুছেঙ্গে । [মরশিদকুলিখা ও রঙ্গলালের প্রস্থান ।

পুর । একান্ত কি প্রতিহিংসা-পণ ?

নাহি কি মার্জনা ?

নির । মার্জনার আছে সীমা ।

নরাধম, হত্যা করি জনকে আমার,

তৃপ্ত না হইল,

হিন্দু হ'য়ে হিন্দুর না করিল সংকার,

যবন-সমাধি-স্থলে

ফেল দিল ব্রাহ্মণের মৃতদেহ,

যাহে পরকালে গতি নাহি পায় ।

মার্জনা তাহায় ?

শ্বশুর তোমার,

সেই হেতু হেন কথা কও ।

কোন্ দোষে দোষী মম পিতা ?

মাধুরীর সনে তব বিবাহ কারণ

নিরুদ্দেশ হইলাম আমি,

সংবাদ না জানিতেন তিনি,

কণ্ঠার তাহার, তোমা সম সুপাত্র মিলিল,

মিনতি করিল কত পিতা,
 তাহে তার মন না উঠিল—
 রুদ্ধ কৈল কারাগারে ;
 তবু তাহে হলো না মার্জ্জনা,
 হত্যা করি অগতি করিল ।
 বধ করি তারে,
 মৃত্যুকালে বারি বিনিময়ে
 যবনের নিষ্ঠিবন পারি যদি দিতে,
 শান্তি তাহে হয় কথঞ্চিৎ ।

পুর । যথোচিত ক্রোধের কারণ তব ;
 কিন্তু প্রতিশোধ নাহি জেনো মার্জ্জনা হইতে ।

নির । হয় নাই পিতৃহত্যা তব,
 হয় নাই পিতার অগতি,
 মার্জ্জনার ব্যাখ্যা তাই মুখে ।
 হতো যদি অবস্থা বর্তন,
 অন্ম মত বাক্য নিঃসরণ
 হইত জিহ্বায় তব ।
 যা'ক, তোমায় আমায়
 বিতণ্ডার নাহি প্রয়োজন ।
 হৃদে মোর জলে হতাশন ;
 শত্রুর শোণিতে তাপ হইবে নির্বাণ ।

[প্রস্থান ।

পুর । অতিশয় ক্রোধের সময়,
 তাই রুষ্ট ভাষা কহিল আমায় । [প্রস্থান ।

তৃতীয় গর্ভাঙ্ক

সরফরাজখাঁর কক্ষ।

(ললিতা)

ললিতা। নিরঞ্জন মুক্তি পেয়েছে, তবে কেন আর জীবনের মমতা করি! এ সময় যদি তার দেখা পেতেম, তা'হলে দেখতে দেখতে ম'রতেম, বলে যেতেম, তারে কত ভালবাসি! কিন্তু বৃথা আশা কেন করি! আর বিলম্ব ক'রবো না, জীবিত থাকতে মূসলমান না স্পর্শ করে! বাল্যকাল মনে প'ড়'চে, বাল্যসঙ্গিনী মনে প'ড়'চে, বাল্যক্রীড়া মনে প'ড়'চে, যৌবনের আমোদ-প্রমোদ মনে প'ড়'চে, পুষ্পচয়ন মনে প'ড়'চে, নিরঞ্জনের সঙ্গে দেখা মনে প'ড়'চে! এখনো জীবনের মমতা র'য়েছে! ধিক্ আমায়, কি সুখে বাঁচবার সাধ হ'চ্ছে!

(সরফরাজখাঁর প্রবেশ)

সরফ। বিবি, তোমারা কাম ছয়া, হামকো পরখ্ লিয়া।

ললিতা। হাঁ নবাবজাদা।

সরফ। তব্ হামসে দোস্তি করো!

ললিতা। নবাবজাদা, শোনো, কাছে এসো না। (ছুরিকা বাহিরকরণ)

সরফ। এ কেয়া, ফের ছুরি নিকালতি কাছে?

ললিতা। নবাবজাদা, তুমি আমায় ভালবাস না, -আমার দেহ ভালবাস।

সরফ। নেই নেই, তোম মেরা জানি, তোম মেরা কলিজাকা কলিজা!

ললিতা। না নবাবজাদা, যদি তুমি আমায় ভালবাসতে, তা'হলে তুমি আমায় নষ্ট ক'রতে চাইতে না। রমণীর সতীত্ব রক্ষা পরম ধর্ম, সে ধর্ম

ভঙ্গ ক'রতে চাইতে না । আমি মনে-প্রাণে সেই নিরঙ্কনের—যারে তুমি উদ্ধার ক'রেছ । আমি তোমায় দেহ দান ক'রতে আস্তেম না, তাতেও আমার মহাপাপ ; অগ্রে মৃতদেহ স্পর্শ ক'রলেও মহাপাপ । কিন্তু আমি যারে ভালবাসি, তার জন্ত পাপভার মাথায় নিয়ে ভগবানের সম্মুখে দাঁড়াব ; তাঁরে বলবো,—“প্রভু, নারীর প্রাণ, কি ক'রবো ভালবেসেছি, তাই মহাপাতকে ভয় করি নাই, অগ্ৰে দেহ স্পর্শ ক'রতে দিয়েছি । তুমি দয়াময়, আমায় মার্জনা কর । কিন্তু যদি এ মহাপাতকের মার্জনা না থাকে,—পিতা, দণ্ড গ্রহণ ক'রতে তোমার কণ্ঠা তোমার সম্মুখে উপস্থিত ।”

সরফ । বিবি, হামারা দোস্তি তোম কাছে ছোড়্‌তি ? হুনিয়াকা বিচমে তোমারি মাঙ্গ্‌নেকা লায়েক কুছ নেই ছায় ? আও, তোম মেরা সাথ্ আও, হাম্ ছোয়েঙ্গে:নেই । হামারা মালখানা দেখো, জহরৎ দেখো, সব কুছ তোমারি পায়েরমে ডালেঙ্গে ; যেতনি বেগম ছায়, তোমারি বাঁদী কর দেঙ্গে । দিল্লীমে যেইসি “মুর্জ্জিহান” রহি, বাঙ্গ্‌লেমে তোম ঔসি হয়েগি । মরো মৎ !

ললিতা । নবাবজাদা, কোথাও কোন ইন্দ্র নাই—যার শচী হ'বার আমার সাধ আছে, কোথাও কোন স্বর্গ নাই—যা আমার তুচ্ছ নয় । আমি স্বাধীন নই, আমি পরের বাঁদী, আমার স্বর্গভোগেরও অধিকার নাই । সে আমার ধর্ম, কর্ম, জীবন, স্বর্গ ;—সে বিনা আমার কিছুই নাই । নবাবজাদা, তোমায় এত কথা বলতেম না । বলুচি কেন জান ? তুমি ছ'দিন পরে রাজ্যোত্থর হবে, হিন্দুরমণী কি তা জেনে রাখো । কখনো কোন হিন্দুরমণীর সঙ্গে করস্পর্শ করবার ইচ্ছা করো না । নবাবজাদা, সেলাম ! (বক্ষে ছুরিকাঘাতের উত্তোঙ্গ)

সরফ । সবুর বিবি, মরো মৎ । তোম চলা যাও—হাম ছোড় দেতে । হাম তোমারি দোস্ত জান্‌ লিও । যব্, কুছ কাম পড়ে, হামকো বাতাইও ।

সেলাম বিবি ! তোম মেরি মায়ি ছায় । মায়ি, তোমারি বাৎ হাম সারা
জিন্দগি ইয়াদ রাখেছে । আজতক্ হিন্দুকা সব লেড়্ কী হামারা মায়ি !

ললিতা । নবাবজাদা, জগদীশ্বর তোমার মঙ্গল করুন ।

সরফ । তোমারি বাৎসে হামারা অঁখি খোলা । তোমারি বাৎসে
হামারা আলা মিলেগা । তোমারি বাৎসে হাম আজসে দোসরা আদমি ।
তোমারি ইয়ারসে মিলো, খোস্ রহিও । [উভয়ের প্রস্থান ।

চতুর্থ গর্ভাঙ্ক

মুরশিদকুলিখাঁর কক্ষ ।

(মুরশিদকুলিখাঁ ও রঙ্গলাল)

মুর । দেখো হকিম, তোম হামারা জান বাঁচায়া, কুছ হাম্‌সে তোম
মাগে ।

রঙ্গ । জনাব, আমি যা চেয়েছি, তা তো আপনি দিয়েছেন ।

মুর । দেখো হকিম, তুমি দয়ালু ব্যক্তি । তুমি আদমির প্রাণরক্ষা
ক'র্বে, এস্‌মে হাম তোমকে কেয়া দিয়া ? তুমি বড় জবর হকিম । তোমায়
পুরস্কার দেওয়া নবাবের কাজ ; এ কাম হামারে করিতে দাও ।

রঙ্গ । নবাব সাহেব, যে বাহাদুরী আমি জানি, একটু নাক
টিপে ধরলেই অক্লা পাই । সামনে ছটো চোখ আছে, কিন্তু পেছন
হ'তে সাপে কামড়ালে টের পাইনে । কিছু কি দেবেন বলুন ?—টাকা
দেবেন ? বেশ স্মৃতিতে বেড়াছি, কেন একটা ভাবনা জোটাবেন ?
যদি আপনাকে আরাম করাতে খুসী হ'য়ে থাকেন, তবে আমাকেও ছকুম
করুন, আমি স্মৃতি ক'রে হাওয়া খেয়ে বেড়াই ।

মুর । তুমি কি ফকীর ? তোমারা ফকীরকা মাকিক ভৌল হাম দেখ্তা ।

রঙ্গ । নবাব সাহেব, তবে আপনি কিছু ঠাওরেছেন। কিন্তু আমি তো ঠাওরে পাই না—আমি কি ক'ছি। যদি ঠাওরাই উত্তরে যাব, কে গলাধাক্কা দিয়ে দক্ষিণে চালান দিয়েছে। নবাব সাহেব, আমি কে যদি বুঝতে পারতেম্, তিন তুড়ি লাফ খেতেম। কিন্তু সে যো কি! খালি ঘুরে বেড়াছি, কিছুই বুঝি না। তবে বোঝবার মধ্যে একটা বোঝা যায়, যে মরতে হয়, কিন্তু নানারকম ফন্দী ক'রতে হয়, যাতে না মরি — যা হবার যো নাই।

মুর । আচ্ছা, তুমি হিন্দু কি মুসলমান ?

রঙ্গ । নবাব সাহেব, আপনি কি ? হিন্দু না মুসলমান ?

মুর । আরে এ ক্যা বাৎ ! হামি তো মুসলমান হ্যায়। তোমুবি মুসলমান হো গিয়া, হামারা ঘরমে: খিচুঁ খায়া, তোমারা জাত মার দিয়া। হামকো দাওয়াই দেনেকা খাতের, হামারা ঘরমে র' গিয়া। হামারা খানা খায়া। লেকেন আমি গোঁ কা গোস্ত নেই দিয়া; দেনেকো মানা কর দিয়া।

রঙ্গ । জনাব, খানা খেয়ে যদি হিন্দু কি মুসলমান হয়, তা'হলে আপনি হিন্দু হ'য়েছেন। আপনার অমুখের সময় আমি গাঁদালের ঝোল রেঁখে খাইয়েছি।

মুর । লেকেন তোমু ব্রাহ্মণ হোকে মুসলমানকা খানা খায়া, তোমারা জাত গিয়া।

রঙ্গ । একে একে তো সব যাবে নবাব সাহেব, শরীরটাও যাবে, না হয় জাত গেছে।

মুর । আচ্ছা, তোম সাদি নেই কিয়া ?

রঙ্গ । না হজুর ! তোমার মত গোলামী করবার লখ আমার নেই।

কিমে পেলে ছুটি খেলেম, ঘুম পেলে ঘুমুলেম, তোমার মতন গোলামী আমি চাইনে ।

মুর । হাম নবাব হায় ! হামকো গোলাম কহো ?

রঙ্গ । গোলামী আর কারে বল' নবাব সাহেব ? দিল্লীতে খাজনা পাঠাবার জন্তে রাত্রে তোমার ঘুম হয় না ; খাবার দিলে এক জনকে না খাইয়ে খেতে পার' না,—মনে করো কে বিষ দিয়েছে ; ঘুমিয়ে ঘুমিয়ে চম্কে উঠ, ভাবো কে ছুরি মারবে । আমার অতশত কিছুই নাই । যেখানে পড়ি, সেইখানেই ঘুমুই, বা পাই তাই খাই, দিল্লীর খাজনার ভাবনা ভাবি নে ! বল দেখি নবাব সাহেব, তুমি নবাব না আমি নবাব ?

মুর । আচ্ছা তোম' ডরতা নেই ? হামকো গোলাম বলতে হো, হাম' তোমারা জান লেনে সেকা হায় ।

রঙ্গ । আচ্ছা আমার জান তো নিতে পার । কিন্তু নবাব সাহেব, তোমার মউত এলে একদিনও বাঁচতে পারবে ?—এক ঘণ্টা—এক পল ?

মুর । আচ্ছা, হকিম, তোমারা মনমে এত্তা বল ক্যায়সে ? তোমারা এত্তা জোর ক্যায়সে ? তোম নবাবকো নেই মানো ?

রঙ্গ । নবাব সাহেব, ভারি সোজা আবার ভারি শক্ত । আমি যদি আপনার জন্তে বাঁচতেম, তা'হলে তোমরাই মত আমার প্রাণে দরদ হ'তো—মরতে চাইতেম না । কিন্তু আমার মনে কি হয় জান ? যে মরবার সময় পর্য্যন্ত যদি হাত উঠে, তা'হলে একটা পরের কাজ ক'রে যাব ; আমি পরের জন্তে বেঁচে আছি । এক মরণ-ভয় গেলেই সব ভয় গেল । আপনার জন্তেই লোক বেঁচে থাকতে চায়, পরের মাথা কাটা গেল, তাতে কার কি ? আমি ত' আমার নই, আমি পরের । তা পর মলো আর রইলো, তাতে আমার কি ব'য়ে গেল ।

মুর । হকিম, তোম' কেয়া ধরমকা ওয়াস্তে অ্যায়সা কর ?

রঙ্গ । নবাব সাহেব, যে ধর্মের জন্তে পরের কাজ করে, সে আপনাকে

বিলোতে পারে নাই । সে ব্যাটার মনে ধোঁকা আছে, মর্মেতে ভয় আছে । সে ব্যাটা আঁচে কি জানেন—পারে যদি ম'রে একটা কিছু আমোদ ক'রবে ; 'বেহেশ্ত' যাবে, স্বর্গে যাবে, বৈকুণ্ঠে যাবে, খুব আমোদে থাকবে । আমি ও সবেঁর অত তোয়াক্কা রাখি নে । ঐ তো তোমায় বল্লেম,—ফ্রিদে পেলো খেলেম, ঘুম পেলো ঘুমুলেম । তবে খেতে শুতে গাঁট দেয়, আমি তা দিই না ।

মুর । তোম্ আবি কাঁহা যাওগে ?

রঙ্গ । তা যদি জান্তেম নবাব সাহেব, তা'হলে আমি আপনাকে মাতব্বর ঠাওরাতেম । এক ব্যাটা সয়তান আছে, কাণ পাক্ড়ে ঘোরাচ্ছে । যদি ব্যাটার দেখা পেতেম, হু'কথা শুনিয়ে দিতেম ।

ক্যা, তোম খোদা নেহি মান্তে হো ?

রঙ্গ । ইচ্ছা হয় মানি, কিন্তু আক্কেলে গাল দিই । বলি, তোমার এত বদমাইসি ? যদি মানুষ তোমার হাতে গড়া জিনিস হয়, তার সঙ্গে এত বদমাইসি ? রক্তমাংসের শরীর দিয়ে পাপ-পুণ্যের নানারকম 'বায়নাক্কা' ক'রেছ । নবাব সাহেব, তুমি আমায় কিছু দিতে চাচ্ছিলে । আমি তোমার কাছে মেগে নিচ্ছি, মানুষকে ভালবেসো । মানুষ বড় হু:খী ! আর একটা নিবেদন—

মুর । ক্যা ?

রঙ্গ । ইচ্ছে হ'চ্ছে, একবার উদয়নারায়ণের সঙ্গে দেখা ক'রবো । যদি আমি তারে ফেরাতে পারি, আমার প্রার্থনা যে, আপনি তারে মার্জনা ক'রবেন ।

মুর । আচ্ছা যাও, তোম ফকড় হায় ।

[উভয়ের প্রস্থান ।

পঞ্চম গর্ভাঙ্ক

বনমধ্যস্থ কুটীর-দ্বার ।

(অন্নদা, মাধুরী ও ললিতা)

অন্নদা । এইখানে থাক—ছুটী বোনে থাক । কে আমার মেয়ে, কে আমার মেয়ে নয়, তা আমি চিন্তে পাচ্ছিনে । তোমরা ছুটীই আমার মেয়ে, তোমরা ছুটীই সমান । আমার ছুটী মেয়েরই ভাল ছুটী বর হ'য়েছে ; আমার যেমন মনের মতন স্বামী, তোদেরও তেমনি হ'য়েছে । তবে আমি আশীর্বাদ ক'চ্ছি, আমার মত ছুখ পাসনে । ভাবিসনে—ভাবিসনে, আমি মিলিয়ে দেব ; আমি যখন তার সঙ্গে যাব, মিলিয়ে দিয়ে যাব । কলঙ্কের ভয় রাখিসনে, আমি কলঙ্ক রাখবো না । আমি সতী, দেশে-দেশে জানিয়ে যাব—রাজ্যময় জানিয়ে যাব । সতীপুরে আমার ঢ্যাড্‌রা বাজবে, এখানেও ঢ্যাড্‌রা বাজিয়ে যাব । ভাবিসনে—ভাবিসনে, সতী তার পতি পায়, তোরাও পাবি ।

উভয়ে । মা, মা,—

অন্নদা । না এখন না, অনেক কাজ আছে, আমার মা বলা শুন্তে সাধ আছে, শুন্বো—শুন্বো, এখন নয়, এখন নয় । [প্রস্থান ।

ললিতা । (স্বগতঃ)

বুঝি

জগজ্জননী বিপদ সময়,

মার বেশে দেখা দেন ছহিতায় ।

চলে গেল স্বপন সমান ;

পুরলি না মা বলে ডাকিতে সাধ ।

- মাধুরী । (স্বগত) কে এ পাগলিনী !
 জীবিতা কি জননী আমার ?
 কিম্বা স্নেহ তাঁর ভ্রমে ধরাযাবে,
 জননীর সাজে,
 অনাধিনী দুঃখিনী নন্দিনী সাথে !
- ললিতা । মাধুরী !
- মাধুরী । ললিতা !
 সন্ন্যাসিনী তুমি ?
- ললিতা । নহি সন্ন্যাসিনী,
 বেশে মাত্র সন্ন্যাসিনী হের,
 নহে বাসনায় পূর্ণ হৃদাগার ।
 সাধ মম করিবারে বিরাগ আচার ;
 কিন্তু কই, সেই ধ্যান—সেই জ্ঞান !
 দিছি পরে, তবু তারে ভুলিবারে নারি ;
 সে আমারে করিয়াছে অধিকার !
 সন্ন্যাসিনী ? নহি সন্ন্যাসিনী,
 দেখ মাত্র সন্ন্যাসিনী-বেশ !
- মাধুরী । সখি, ভয়ী আমি তব,
 আমারে না কবে মনোব্যথা ?
 কহ কার তরে তুমি উদাসিনী,
 সে কি হেন নির্দয় তোমার প্রতি ?
 তব রূপের
 মুগ্ধ করে দেবতার ;
 কেবা হেন কঠিন হৃদয় ধরে,
 ত্যজেছে তোমারে,

যার প্রেমে বাসনায় দেহ বিসর্জন ?
 সন্ন্যাসিনী হ'য়েছ লো ভুবনমোহিনী !

ললিতা । কেন সন্ন্যাসিনী ?
 কেন লো তোমারে দিব ব্যথা !
 কিন্তু ব্যথা পাই হেরিয়ে তোমার দশা :
 আদরে যে নিয়েছে তোমারে,
 কেন সখি, ত্যজিয়ে তাহারে,
 কঠোর কুটারে
 আসিয়াছ আশ্রয়ের তরে ?
 হেরি সীমন্তে সিন্দূর ;
 তবে কেন অনাথিনী সম
 ভ্রম তুমি পাগলিনী সনে ?
 প্রাণ কাঁদে তোর এ দশায় !
 হায় হায় কপট যে হয়,
 কপটতা সকলের সনে তার !

মাধুরী । সখি,
 অদৃষ্ট লিখন,
 দোষ কেন দিব তারে ।

ললিতা । ছিঃ ছিঃ, ধিক্ নারীর জীবন !
 ক'রে প্রাণ বিসর্জন
 তবু প্রিয় জনে নাহি পায় ;
 লাধি কাঁদি, তবু সে নিষ্ঠুর ঠেলে পদে ।
 কতমত জানায় যতন,
 হ'লে বাসনা পূরণ দেহ বিসর্জন !
 পুরুষ পাষণ ;
 ছিঃ ছিঃ তবু রমণীর প্রাণ চায় তারে !

মাধুরী । সখি,
 তুমিও কি পড়েছ এ বিষম প্রমাদে ?
 তাই কি স্বজন সন্ন্যাসিনী তুমি ?
 কে হেন কঠিন,
 করিয়াছে লাঞ্ছনা তোমায় ?
 সত্য সখি, ষিক্ নারী প্রাণে ;
 ভোলা তো না যায়,
 সাধ হয় হৃদে রাখি তার পা ছ'খানি !
 ব্যথা পাই তবু তারে চাই !
 একি, একি সখি বিড়ম্বনা ?

নলিতা কঠিন সে হেন হ'য়েছিল অনুমান ;
 কিন্তু প্রবোধ দিয়েছি আমি মনে,—
 তব অতুল মাধুরী ---
 হরিবে হৃদয় তার ।
 ছিঃ ছিঃ, সকলি ছলনা ;—
 পুরুষের সবই প্রতারণা !
 যন্ত্রণা, যন্ত্রণা,—
 যন্ত্রণা সহিতে হায় নারীর জনম !
 সখি, তুমি কি বেসেছ ভাল করে,
 নহে ভালবাসা জানিলে কেমনে ?
 কি পিয়াস, কি নৈরাশ,
 নহে শুধু নারীর হৃদয়ে ;—
 ফাটত পাষণ !
 শত লাঞ্ছনায় রমণী না বুঝে ;
 সহে, দহে, স্নেহে স্নেহে মজে,

তবু সেই ধ্যান জ্ঞান,
সেই মন-প্রাণ !
সখি, এত অবতনে—
বাঁচিতে তো হয় সাধ ?
মনে হয় একদিন দেখা পাব তার !

ললিতা । মনে মনে কত কথা বলি,
মনে করি যাব তারে তুলি ;
তুলিবার নয়—
মিশিয়াছে প্রাণে প্রাণে ।
সত্য সখি, বিলায়েছি পরে,
তবু হয় নাই মরণ কামনা ;
একি মন করে প্রবঞ্চনা,
তথাপি বাসনা ব্যাকুল দেখিতে তারে !
রহ তুমি, যাব দেবীপূজা হেতু ! [ললিতার প্রশ্নান ॥

মাধুরী ।—

(গীত)

সাধে কি বিবাহে যতন করি,
তারে ভুলে কিসে জীবন ধরি,
কেমে মরি তবু কাঁদিতে চাই
তারি অবতন অতি সবতনে—
দিবানিধি মনে রেখেছি তাই ।
যুরে সারা তবু মন না যায়ি,
ধরি ধরি বেন ধরিতে নারি,
পারি হারি তবু ধরিতে ধাই ।
ভূতালে নেহে পুড়িয়ে আশা,
পুড়াইয়ে আশা নিভেছে শিলাশা,

বুক পেতে বিহি নিরাপে বাসা,
ভালবাসা তাই তারে বিলাই ।
বুকেছি যাকেছি, মজিতে বাসনা,
যত বুঝি তত মজিরে যাই ।

[বাধুরীর প্রস্থান ।

ষষ্ঠ গর্তাঙ্ক

মন্ত্রণা-গৃহ ।

(: উদয়নারায়ণ ও ব্রহ্মলাল)

উদয় । নিশ্চয় নবাব চর তুমি ;
নহে গুহ-মন্ত্রণার স্থানে
কি কারণে গোপনে এসেছ ?

ব্রহ্ম । নহি নবাবের চর ।
ভিক্ষা দেহ ব্রাহ্মণে ভূপাল,
রাজ্যের মঙ্গল যাচি ।
সমরে না হবে কভু জয় ;
জেনো রাজা নবাব দুর্জয় ।
অকারণ রাজ্যময় জলিবে অনল,
প্রজাপুঞ্জ হইবে বিকল,
নরহত্যা হবে শত শত ।
নিজ নিজ স্বার্থের কারণ,
জমীদারগণ,
উৎসাহিত করিয়াছে আপনারে ।
কিন্তু ফেরে ঘরে ঘরে নবাবের চর,-

করে প্রলোভন দান ।
 রাজ-প্রলোভনে অনেকে ভুলিবে,
 জমিদারী পাবে,
 পাবে রাজ-সম্মান সকলে,
 তব পক্ষে পাবে কয়জন ?
 যদি প্রজার কারণে,
 জমিদারগণে,
 নিঃস্বার্থ হইত এই সময়ে উৎসাহী,
 হ'ত ফলপ্রদ ,
 নহে নিঃস্বার্থ এই আয়োজন ।
 স্বার্থ কভু উচ্চ কার্য্য না করে সাধন ।

উদয় ।

তব উপদেশ নাহি প্রয়োজন ;—
 তাজে যদি সকলে আমারে,
 একা আমি করিব সময় ।
 কিন্তু কর আপনার রক্ষার উপায় ।
 আসিয়াছ মন্ত্রণা-আলয়,
 ছেড়ে দিতে নারিব তোমাঘ ।
 অস্ত্র ধর পক্ষে মম,
 নহে হও প্রস্তুত মরণে ।

রঙ্গ ।

মহারাজ, বামুণের ছেলে, হানাহানি, কাটাকাটি আমি
 পারবো কেন ?

উদয় ।

করো না ছলনা ।
 এখনি স্বচক্ষে আমি করেছি দর্শন,
 নিরস্ত্র একাকী,
 পঞ্চজন অস্ত্রধারী ক'রেছ দমন ;

বহুকষ্টে ধ'রেছে তোমায় ।

বীর তুমি,

তবে মাতৃভূমি হেতু কেন না হও সজ্জিত ?

রঙ্গ । মহারাজ, আমার যদি শত প্রাণ থাকতো, জননী জন্মভূমির কার্যে আমি তুণের ন্যায় তাগ ক'র্তেম । কিন্তু এ বিদ্রোহের পরিণাম মাতৃভূমির অমঙ্গল । আমায় বধ ক'র্তে ইচ্ছা হয় করুন, কিন্তু প্রজাদের মুখ চেয়ে ক্ষান্ত হোন । তাদের সর্জনশ হবে । যবন বিরুদ্ধে জয়লাভ কখনো হবে না ।

উদয় । জয় পরাজয় ঈশ্বর নিয়ন্তা তার ।

কিন্তু কার্যে আছে মানুষের অধিকার ;

কাপুরুষ—কার্যাপরাঙ্খ !

রঙ্গ । মহারাজ, ঈশ্বরের দোহাইটে দিচ্ছেন বটে, কিন্তু যখন আপনার সৈন্তেরা নিরাশ্রয় প্রজাদের উপর পীড়ন ক'রে বেতন আদায় করে, তখন ঈশ্বরের দে হাই দেন না । মুসলমানেরা অত্যাচারী—বিজাতীয়, রাজ্য অধিকার ক'রেছে ; যদি তারা পীড়ন করে, তা কতক মার্জ্জনীয় । কিন্তু আপনারা কি করেন ? দীন প্রজাদের কিরূপ পীড়ন ক'রে কর নেন, তা যদি পরমেশ্বর থাকেন, দেখেন ; আপনার সৈন্তেরা প্রজার ঘর লুট ক'চ্ছে তা ঈশ্বর দেখেন ; নবাবের উপর ক্রোধ হ'য়েছে, নবাব আপনার উপর অত্যাচার ক'রেছেন, তারই প্রতিশোধ দিতে যাচ্ছেন, জন্মভূমির জন্ত অঙ্গ ধরেন নাই—ভগবান তা বোঝেন । শুনেছি, ভগবান অবতার হ'য়ে, প্রজার মঙ্গল জন্ত, রাজা যুধিষ্ঠিরকে সিংহাসন দিয়েছিলেন । মুসলমান যদি হিন্দু অপেক্ষা অত্যাচারী হ'তো, তা'হলে তিনি যবনকে ভারত অধিকার দিতেন না ।

উদয় । দেখছি তুমি সম্পূর্ণ নবাবের পক্ষ । তুমি ব্রাহ্মণ, কিন্তু তোমার সম্পূর্ণ বিধর্মীর উপর অহুস্রাগ ।

রঙ্গ । আপনারও সম্পূর্ণ বিধর্মীর প্রতি অনুরাগ, স্বদেশের প্রতি নয় । আপনার যে অস্ত্রের পরিচ্ছদ, এ কার হাতে প্রস্তুত ? বিধর্মীর ! দিন দিন যে রাজভোগ প্রস্তুত হয়, তা কার অনুরোধে ? বিধর্মীর ! কা'র দোকান হ'তে আসবাব ক্রয় ক'রে—আপনার রাজ-প্রাসাদ সজ্জিত ? বিধর্মীর ! বিধর্মী পরিত্যাগ ক'রে, কোন হিন্দুশিল্পীকে উৎসাহ দেন ? মুসলমান গোলাম মহম্মদ আপনার বন্ধু, সে হিন্দু নয় । মুসলমানকে আপনি ঘণা করেন না । তবে নবাবের প্রতি ক্রোধ হ'য়েছে, তাই বিগ্রহে সজ্জিত হ'চ্ছেন ।

উদয় । তুমি প্রাণত্যাগে প্রস্তুত হও ।

(দূতের প্রবেশ)

দূত । মহারাজ, নবাবসৈন্য নিকটবর্তী হ'য়েছে ; সংখ্যায় প্রায় দশ সহস্র অনুরূপিত হ'লো । দুই ভাগে বিভক্ত । এক অংশ আলি মহম্মদ ও রঘুবীর নামক একজন সেনা-নায়ক চালনা ক'চ্ছে, আর এক অংশের নায়ক পলা নিরঞ্জন । গোলাম মহম্মদ মহারাজের দুই সহস্র সৈন্য ল'য়ে অগ্রসর হ'য়েছেন । পঞ্চশত অশ্বারোহী প্রস্তুত আছে । গোলাম মহম্মদ ব'লেছেন, তাদের চালনা ক'রে মহারাজ অগ্রসর হ'উন ।

উদয় । জমীদারদের সেনারা কোথায় ? জমীদারেরা কি অগ্রসর হ'য়েছে ?

দূত । মহারাজ, সে সংবাদ দাস জানে না ।

(২য় দূতের প্রবেশ)

২য় দূত । মহারাজ ! বড় কুসংবাদ এনেছি,—রাজপদে নিবেদন ক'রতে আশঙ্কা হ'চ্ছে ।

উদয় । কি কি, পরাজয় হ'য়েছে ?

২য় দূত । আজ্ঞে না, এখনো যুদ্ধ শেষ হয় নাই ।

উদয় । তবে কি ?

২য় দূত । মহারাজ, সমস্ত জমীদারই নবাবপক্ষে মিলিত হ'য়েছে, তারা নিজদলবলে আপনার বিরুদ্ধে যুদ্ধে অগ্রসর ।

উদয় । কি ? অসম্ভব—মিথ্যা কথা !

২য় দূত । মহারাজ, গোলাম মহম্মদ এই পত্র দিয়েছেন । আমি বেগবান অথারোহণে এসেছি, পথে অশ্ব হত হ'য়েছে, অধিক কি জানাবো ।

উদয় । ব্রাহ্মণ, তুমি মুক্ত, তোমার যথা ইচ্ছা গমন কর । বিজোক্তম, তুমি সত্যবাদী ।

রঙ্গ । মহারাজ, এখনো নিরস্ত হোন, নবাব দয়াবান ।

উদয় । না ।

রঙ্গ । বাঃ বাঃ— ঠিক এক ব্যাটা সংসার চালাচ্ছে বটে, দেখা পেলে তারে কুর্গিশ লাগাই । [প্রস্থান ।

উদয় । হে বাঙ্গালী, বাঙ্গালীই তুলনা তোমার ;—

নাহি এ ভুবনে অনুরূপ তব !

সাধু এ ব্রাহ্মণ—সত্যবাদী—

চিনিয়াছে স্বজাতীয়ে ।

সত্য কি সংবাদ ?

দেবতায় সাক্ষী করি প্রতিজ্ঞা করিল,

ধর্ম্মে, কর্ম্মে, অভিমানে দিয়ে জলাঞ্জলি,

বর্জন করিল মোরে !

হে বাঙ্গালী,

বিন্দুমাত্র মনুষ্যত্ব নাহিক তোমার !

এ আচার সম্ভব কি নরে !

অশেষ সম্মান দান ক'রেছেন নবাব আমায় ;

অত্যাচারী দৌহিত্র তাহার,—

নবাব নহে তো অপরাধী ।

পাইয়াছি উপযুক্ত ফল,
 কৃতঘ্নের এই পরিণাম !
 নিশ্চয় সমরে পরাজয় ।
 অর্ণব সমান আসে নবাবের সেনা ;—
 জমীদারবৃন্দ তাহে মিলিত সকলে, —
 ক্ষুদ্র নদী মিলি যথা ভাগিরথী সনে
 প্রবাহ প্রথর করে তার ।
 পরাজয় !
 যা থাকে লনাটে, যুদ্ধে হই অগ্রসর ।

[প্রস্থান

সপ্তম গর্ভাঙ্ক

বন-প্রাস্ত ।

(অনন্দা)

অনন্দা । আবার সূঁষিয়া হেসে ডুব্ছে—আবার সন্ধ্যা আস্ছে ।
 সন্ধ্যা ! তোমায় বড় ভাল বাস্তেম ! তুমি আমার দূতী ছিলে ; তারে
 আনতে, তারে ঢেকে এনে আমার কাছে দিতে । তোমায় বড়
 ভালবাস্তেম, কখন এসো, কখন এসো—ভাব্তেম, এখন আর ভালবাসি
 নে, তুমি তারে এনে তো দাও না । না না, এখনো ভালবাসি, তোমায়
 দেখে সে ছবি আমার মনে হয় । তুমি জান তো, কত সোহাগ ক'রতেম,
 মুখে মুখে বুক বুকে থাক্তেম ! তখন বিচ্ছেদ হয় নি, বিচ্ছেদের ভয়
 তখন ছিল না । সেদিন দেখেছ, আজ দেখ ; সেদিন পতিসোহাগিনী
 দেখেছ,—আজ পতিবর্জিতা কালিনী দেখ ! সন্ধ্যা, তুমি আমার সখী !

মনের কথা তোমায় বলি, আর কারে ব'লবো, কারে জানাবো, কে শুন্বে, পরিহাস ক'রবে ।

(পুরঞ্জনের প্রবেশ)

পুর । এ কি ! তিমিরবসনা ছায়া-সহচরীর মত তমাচ্ছন্ন বিজনে বেড়াচ্ছে ! যেন কোথাও দেখেছি । ভয়করী অথচ স্নেহময়ী মূর্তি !

অন্নদা । এসো এসো, তোমার জন্তই আমি দাঁড়িয়ে আছি । তুমি এ পথে আসবে আমি জানি, কে যেন আমায় বলে দেয়, আমি আপনার লোকের কথা সব জানি । আমার মন তোমাদের কাছে পড়ে আছে, একবারও আমার কাছে থাকে না, তোমাদের সঙ্গে থাকে, যেখানে থাক, সেখানে থাকে ।

পুর । এ কি মাধুরীর মা,—এই কি সেই উন্মাদিনী ?

অন্নদা । ভাব্‌চো উন্মাদিনী ! উন্মাদিনী নই,—এ সময় উন্মাদিনী নই । আমি দিন গুণ্টি, আমার সুখের দিন এলো বলে । সে দিন আবার নব-বাসর ! সে দিন কেউ পাগলিনী ব'লবে না, সে দিন কেউ ঘেঞ্জা ক'রবে না, সে দিন আমি তারে নিয়ে ডকা বাজিয়ে চলে যাবো !

পুর । কে মা তুমি !

অন্নদা । দেখ চেয়ে—

বেঞ্জা আমি, হয় কি প্রত্যয় ?

কর আপাদমস্তক নিরীক্ষণ,

অন্তর-দর্পণ নেহার নয়ন,

কুটিলতা বেঞ্জার কি নেহার বদনে ?

আমি পতিপ্রাণ—

পতি-প্রেমে ভিকারিণী —

উন্মাদিনী পতি-প্রেমে আমি ;

পতি ধ্যান-জ্ঞান ;

আছি এ সংসারে—

পতির হইতে সহগামী ।

দেখ দেখ, বৃদ্ধ লক্ষণ,

পতি হেতু করিয়াছি আশ্র-বিসর্জন ;

রাখিবারে পতির সম্মান,

ভ্রমি দেশে দেশে, ভিকারিণী বেশে,—

রাজরাণী কেহ নাহি জানে ।

নাহি কর অধর্ম সঞ্চয়—

সতীরে অসতী জানে ।

সুখে থাক করি আশীর্বাদ ।

পুর । কে মা তুমি ?

অন্নদা । দেখেছ আমার তব বিবাহের দিনে ।

হয় কি স্মরণ—এসেছিল উন্মাদিনী ?

সেই আশ্রুত্যাগী কাল্জালিনী ।

স্বৈচ্ছায় ক'রেছি শিরে কলক ধারণ,

করি কুকুরের উচ্ছিষ্ট অশন,

শয্যা ধরাতল, আচ্ছাদন নীলাম্বর ।

তুমি মম দুহিতার পতি ।

সতী সে জননী সম তার ;

তোমাগত প্রাণা,

দুঃখের পাথারে—

ভাসে বামা তোমার বিরহে !

এস, এস—

উন্মত্ততা আসিবে আবার,

ভুলে যাব অভিপ্রায় ।

এস, এস—

মনে উঠে তার নিষ্ঠুরতা,
মনে উঠে সহিয়াছি যতক যন্ত্রণা ;
অনল—অনলে দহে শ্বতি,
বিশ্বতি—বিশ্বতি !
যাই—যাই গঙ্গাতীরে,—
যথা অস্তাচলগামী পবিত্র তপন,
দেখেছিল সঞ্চলন,
যথা পতিত-পাবনী,
সাগর-গামিনী—স্বর্ণ আভরণে,
হলে হলে যেতেছিল পতি দরশনে ।

এস, এস—

যাই—যাই—বহিব না আর ।

[অন্তর প্রস্থান ।

পুর । মাধুরীর জননী এ অত্যাগিনী ।
অনতী না হয় অনুমান,
নহে মিথ্যাবাদী ;
তবে অকারণে মাধুরীরে ক'রেছি বর্জন

[প্রস্থান ।

অষ্টম গর্ভাঙ্ক

রগস্থল ।

(উদয়নারায়ণ)

উদয় । স্রোতে তুণের স্থায় কুহু সৈন্ত ভেসে গেল । যুদ্ধে এক
যাত্র উপায়—জীবন বিসর্জন । ঐ রঘুবীরের পদাতিক সৈন্ত পদাতিক

সেনা লক্ষ্য ক'রে আসচে; অসংখ্য অরাতি ঝাঁকে ঝাঁকে গুলিবর্ষণ ক'চ্ছে; দেখি, যদি কোন রূপে নিবারণ ক'রতে পারি। [প্রস্থান।

(নিরঞ্জনের প্রবেশ)

নির। অকারণ নরহত্যা কচ্ছি। চণ্ডালকে শতবার আক্রমণ ক'রলেম, শতবার আমার হস্ত হ'তে নিস্তার পেলে। এ বয়সে আশ্চর্য্য বীৰ্য্য—একাকী সহস্র হ'য়ে যুদ্ধ ক'চ্ছে; আশ্চর্য্য পরিচালন-শক্তি, ক্ষুদ্র সেনা এখনো দলিত হ'লো না। হা পিতা, হা পিতা! কতরূপে তার বক্ষের শোণিত দর্শন ক'রবো! ছুরাচার কোথায়, এখনও অসির শোণিত-পিপাসা নিবারণ ক'রতে পারলেম না? তবে বৃথা পরিশ্রম, বৃথা নরহত্যা, বৃথা ব্রাহ্মণের হস্ত অস্ত্র-ধারণে কলুষিত ক'রলেম! কি পিতৃ-ঋণ পরিশোধ ক'রতে পারবো না? আমার জীবন বৃথা! কোথায় গেল, কোথায় গেল? কোথাও তার সাক্ষাৎ পাচ্ছিনে। ঐ যে—ঐ যে দুর্জন উচ্চ-কণ্ঠে সৈন্ত উত্তেজিত ক'রছে। [দ্রুতবেগে প্রস্থান।

(গঙ্গা ও রঙ্গলালের প্রবেশ)

গঙ্গা। ও মুখপোড়া, এই নে জল নে। তুই মর মর, আমি নিশ্চিন্দ হই। অরে এখানে গুলি আসচে যে রে মুখপোড়া,—এখনি মরবি যে।

রঙ্গ। তুমি সহমরণে যাবে ভাবনা কি। আমার সামনে দাঁড়িও না, সরে পড়—সরে পড়, এখানে ঝাঁকে ঝাঁকে গুলি আসচে; বিবিজান, সরে পড়, সরে পড়,—দোহাই বিবিজান, তোমার পায়ে ধরি—সরে পড়।

গঙ্গা। তুই আগে মর, তা দেখে তবে আমি যাব। ও মুখপোড়া, এর পর আসিস্ এখন, তার পর জল দিতে হয় দিস্।

রঙ্গ। (একটা গুলি কুড়াইয়া লইল) আহা গুলিচাঁদ! মানুষের বুকের রক্ত হতে পেলে না, তাই অভিমানে ধুলায় লুট্ছো।

গঙ্গা । ও মুখপোড়া, সরে আয়; নৈলে তোর সামনে আমি
স্বীহত্যা হবো ।

রঙ্গ । (একজনের মুখে জল দিতে দিতে) বিবিজান ! সর, এখানে
বড় গোলোযোগ, বড় গরমাগরম গুলি আসচে ।

(রক্তাক্ত উদয়নারায়ণের প্রবেশ)

উদয় । জল—জল—একটু জল দাও, আবার যুদ্ধে যাব ।
আমাদের হার হ'য়েছে—জল—জল,—একটু জল দাও,—আবার যুদ্ধে
যাব । (পতন)

রঙ্গ । (মুখে জল দিয়া) বিবিজান, এখানে কোথাও কুটীর-টুটীর আছে ?

গঙ্গা । আছে—আছে, নে তোল, আমিও ধ'রুচি ।

উদয় । ছেড়ে দাও—ছেড়ে দাও, আমি যাব, ছেড়ে দাও ।

রঙ্গ । চলুন—চলুন, যাবেন চলুন ।

উদয় । জল—জল— [উভয়ের উদয়নারায়ণকে লইয়া প্রস্থান ।

(নিরঞ্জনের প্রবেশ)

নির । কোথায় গেল, আমার অস্ত্রাঘাতে পরিত্রাণ পেলে, ধরাশায়ী
হ'লো না ? কধির দর্শন ক'রেছি, কিন্তু বধ ক'রতে পারি নাই—বধ ক'রতে
পারি নাই । কোথায় গেল—কোথায় গেল ? নিশ্চয় তোমায় বধ
ক'রবো ; প্রলয়ের ছায়া তোমায় আবরণ ক'রতে পারবে না ; তোমার
শতজীবন হ'লেও নিস্তার নাই । কোথায় গেল ? এ দিক দিয়ে নিশ্চিত
যেতে দেখেছি । কোথায় গেল ? আমার কি ভ্রম হ'লো ? পিতা—
পিতা, অতুই তোমার তর্পণ ক'রবো । [প্রস্থান ।

(পুরঞ্জনের প্রবেশ)

পুর । এই ত সময় অবসান । প্রজার সর্বনাশ, নবাব সৈন্ত আবাদ-
বৃদ্ধ-বনিতা বধ ক'চ্ছে । আমি কত দিক ব্রহ্মা ক'রবো ।

(নিরঞ্জনের প্রবেশ)

নিরঞ্জন। পুরঞ্জন—পুরঞ্জন,—উদয়নারায়ণ কোন্ দিকে গেছে
দেখেছ? পালিয়েছে—পালিয়েছে, বাহু জানে, নৈলে আমার হাত হ'তে
নিস্তার পেতো না। কোথায়—কোথায় বলতে পার?

পুর। নিরঞ্জন,
এখনো কি হয় নাই সম্পূর্ণ তোমার?
পরাজিত, নিপীড়িত, যুযুর্ অরাতি,
তার প্রতি এখনো আক্রোশ?
তোমায় সাজে না ভাই!

নির। হাঁ হাঁ, জান তবে কোথা সে দুর্জন;—
বোধ হয় অদূরে কুটারে।

পুর। প্রতিশ্রুত নই আমি দানিতে সংবাদ।

নির। না—না, নহ প্রতিশ্রুত,
খণ্ডর তোমার, রক্ষিবে তাহার!
ভুলিয়াছ মম আত্মত্যাগ;
সর্বনাশ হেতু তুমি মম!
করিতাম যতপি উদ্বাহ,—
অপমৃত্যু হতো না পিতার,
পুরী না যাইত ছারেখার;
পুরঞ্জন, ভাল তব প্রতিদান!

পুর। সত্য কহি, নাহি জানি—
কোথা সেই উদয়নারায়ণ।
কেন তার হও অকুগামী,
কর ক্রমা।

নির । কমা কমা—
 উঠিছে তরঙ্গ তব মুখে ।
 বুকে ধ'রে মাধুরীতে আছ মহানুখে !
 ভিক্ষকের সম যোরে করিলে বিদায় ;
 পরে বধ্যভূমে মাহাত্ম্য দেখালে ।
 জ্ঞান, নবাব অতীব সদাশয়,—
 পন্নীরে পাঠায়ে দিয়ে ঘবন-আগারে,
 প্রাণরক্ষা উপায় করিয়ে,
 বধ্যভূমে ক'রেছিলে মাহাত্ম্য প্রচার ।
 মিথ্যাবাদী তুমি !
 নাহি জান কোথা সেই উদয়নারাণ ?
 (দূরে কুটার দেখিয়া)
 আমি জানি—আছে ঐ কুটার মাঝারে ।
 বধি ভারে—
 ঘবনের করে মৃত দেহ করিব অর্পণ ।

পুর । এ সঙ্কর তব না পূরিবে,
 প্রত্যেকে আমার
 হেন অহিন্দু- আচার দেখিতে নারিব,
 প্রবেশিতে নারিব কুটার-দ্বার ।

নির । ভীক তুমি ! আমায় কুধিবে,
 রোধিবারে চাহ পিতৃ-বৎসল তনয়ে ?
 প্রতিহিংসা বিরোধী হইবে ?
 ভীক, মিথ্যাবাদী !
 শক্তি হেন নাহি তব ভূজে ।
 তুমি রাজদ্রোহী,

রাজ-শত্রু কর আবরণ ।

পুর । রাজদ্রোহী তুমি ।

রাজ-আজ্ঞা আছে মম প্রতি

রক্ষিবারে আহত অরিরে ।

নির । তবে কর রক্ষা শক্তি থাকে তীর !

পশিব কুটীরে আমি

তুচ্ছ করি তোমা হেন জনে ।

পুর । মুখের গর্জন আর কর্ষো পরিচয়

প্রভেদ উভয়ে বহু ।

নির । রোধ' তবে কুটীরের ষার ।

(পুরঞ্জনের অস্ত্রাঘাত নিবারণের চেষ্টা)

তবে যাও যমপুরে । (পুরঞ্জনের পতন)

পুর । নিরঞ্জন—নিরঞ্জন !

কিরে এস মৃত্যুর সময় ।

(নিরঞ্জনের কুটীরাভিমুখে যাত্রা ,—সহসা মাধুরী, ললিতা,
রঙ্গলাল ও গঙ্গার দ্রুত বাহির হওন)

মাধুরী । প্রাণেশ্বর, প্রাণেশ্বর, একবার কিরে চাও ! আমি তোমার দাসী, অসতী নই । চাও—চাও—কিরে চাও—একটা কথা কও ! যদি অপরাধিনী হ'য়ে থাকি, আমার মার্জনা করো, অনুমতি দাও, আমি সহমরণে যাব ; চিতায় আমার ত্যাগ ক'রো না ।

পুর । কে মাধুরী ! তুমি ::সতী, সতীর কত্তা আমি কেনেছি ।
আমার অপরাধ মার্জনা কর ।

রঙ্গ । (স্বগত) বড় শেবশেবি জান্লে, আগে জান্লে বড় মন্দ হ'তো না ।

ললিতাঃ। মাধুরী—মাধুরী] নিরঞ্জন তোমার স্বামী নয় ?

নির। এ কি! তুমি মাধুরী নও? তবে কি ভ্রমে যুরেছি, কি সর্বনাশ ক'রেছি!

পুর। নিরঞ্জন, ভাই! মৃত্যুকালো প্রার্থনা ক'চ্ছি, তুমি উদয়-নারায়ণকে মার্জনা কর।

নির। ভাই—ভাই, নিরঞ্জ তোমায় বধ ক'রলেম! তুমি আশ্বদানে আমায় কুকুরের মুখ হ'তে বাঁচিয়েছ, তার যথেষ্ট প্রতিদান দিলেম! আমি অতি হীন! আমি বন্ধুঘাতী!

পুর। তুমি হীন নও, তুমি পিতৃবৎসল, তুমি বন্ধু-বৎসল,—তুমি আমার জন্ত সকল বিসর্জন দিয়েছ, স্বেচ্ছায় নিজের সর্বনাশ ক'রেছ। আমি মৃত্যুকালে মুক্তকণ্ঠে ব'লছি,—আমি তোমার নিকট ধনী,—তোমার বন্ধুত্বের প্রতিদান আমি দিতে পারি নাই।

নির। পুরঞ্জন, নিরঞ্জ আমি তোমায় বধ ক'রলেম, এ কি ক'রে ভুলবো? এ কি,—তোমায় বধ ক'রলেম!

রঙ্গ। তা ক'রেছ—ক'রেছ, এখন যদি কোন রকমে বাঁচে, তার চেষ্টা কর না, তাতে তো আর তত আপত্তি নাই। (মাধুরীর প্রতি) মা মা, ভয় নাই, তত সাংঘাতিক লাগে নাই। নিরঞ্জন, একটা কাজ কর, উন্নত সৈন্ত-দের অত্যাচার নিবারণ কর। পুরঞ্জন আহত তুমি এ কার্যের ভার লও

নির। (ললিতার প্রতি) শোন শোন, তুমি আমায় মার্জনা কর! আমার ভ্রান্তিই সকল সর্বনাশের মূল। পিতার হত্যার কারণ হ'য়েছি, তোমায় সন্ন্যাসিনী ক'রেছি, কাল্পাল হ'য়ে আপনি পথে পথে বেড়িয়েছি অনেক যন্ত্রণা দিয়েছি, অবশেষে বন্ধু হত্যা ক'রলেম! এই প্রার্থনা, আর একবার দেখা দিও, সকল কথা শুনো। যদি অপরাধী বোধ করো, আর কখনও অভাগার দেখা পাবে না।

ললিতা। না না, তুমি অপরাধী নও, আমি অ
কথা গোপন করেছিলাম!

রঙ্গ । দিন গিয়েছে, আক্ষেপে কি হবে না। যাও ভাই, উন্নত সৈন্তদের নিবারণ ক'রে, এঁদের রক্ষার উপায় কর। তারা এদিকে এলে কি জানি কি হয়।

নির । সত্য রঙ্গলাল, আমি চল্লেখ। পুরঞ্জন, ভাই—

রঙ্গ । যাও ভাই, সৈন্তদের অত্যাচার নিবারণ ক'রে ভ্রান্তির কতক প্রায়শ্চিত্ত কর'। অনুতাপের দিন চের পাবে, ইচ্ছা হয় আজীবন অনুতাপ ক'রো। [নিরঞ্জনের প্রস্থান।

গঙ্গা । (ললিতার প্রতি) কেমন দেবি ! যে যারে ভালবাসে, সে কি তারে পায় ?

ললিতা । কি হয় কে জানে।

রঙ্গ । (পুরঞ্জনের প্রতি) অত বড় জোয়ানটা, একটা পাঁজরা ভেঙ্গে গেছে, তাতে অমন ক'চ্ছ কেন ? এই লও—এই ঔষধটা খাও।

পুর । রঙ্গলাল, তুমিই সুখী। (ঔষধ সেবন)

রঙ্গ । তা হ'তে পারি, সে প্রশ্ন এখন নয়। এখন তোমার বাঁচবার কথা, বেঁচে উঠ। (গঙ্গার প্রতি) এই যে বিবি সাহেব রয়েছে ?

গঙ্গা । হাঁসে মুখপোড়া, তোমার মুখে ছুড়ো দিতে রয়েছে। দেখ দেখিগা, আমি বেগা, আমার অত কেন গা ?

রঙ্গ । কি ক'র্বে ভাই, পিরীতে সহিতে হয়, একটু ক্ষেমা-ষেমা ক'রে নিতে হয়। এসো তো চাঁদ, ধরাধরি ক'রে একে একবার কুটীরে নিয়ে যাই। [পুরঞ্জনকে লইয়া সকলের প্রস্থান।

শ্রীমদ্ভাগবত

মুরশিদকুলিখাঁর শিবির।

(মুরশিদকুলিখাঁ, ওমরাওগণ ইত্যাদি)

স্ততিবাদক ।

(গীত)

তব নীতি শাসন স্থল জল কানন মানে ।

গগন-ধারা সম, তব কৃপা বসিষণ,

দীন অদীন তব মানে ।

যশস্বতী গান, পূর্ণ বিমান,
বিত্যয়-ধ্বজ হেরি অরি ত্রিরমাণ,
বরষে জলধর—গ্রামল প্রান্তর,
ফুল নারীনের শান্তি বিধানে ।

(অন্নদা ও তয়ফাওয়ালীগণের প্রবেশ)

তয়ফাওয়ালীগণ ।—

(গীত)

রসনা কুটিল ফণী মানা মানে না ।
জ্বলেমি যার বাসনা, কত জ্বালা সে জানে না ।
ভাবে হার কথার কথা, বোঝে না কত বাধা,
সরল প্রাণে গরল চালে হয় না সমতা ।
বুড় ফেটে কালিমা ছোটে—প্রিয়জনের বুকে ফোটে,
বিষ-দাঁতে কলঙ্ক-রেশম লুকিয়ে টানে না ।

[তয়ফাওয়ালীগণের প্রস্থান ।

মুর । উহারা কোথায় চলিয়া গেল ?

অন্নদা । জাঁহাপনা, ওদের আমি সঙ্গে এনেছিলেম, ওদের পুরস্কার দিয়ে বিদায় ক'রেছি ।

মুর । তোম ক্যা মাজো,—কি চাও ? হাম বড়া খোস ছয়া ।

অন্নদা । জনাব, আমি আমার স্বামী চাই, আমার কণ্ঠার কলঙ্ক মোচন ক'রতে চাই, আমি পতির সহগামিনী হ'তে চাই ।

মুর । তোমার খসম কোন্ ব্যক্তি ?

অন্নদা । আপনি অঙ্গীকার করুন, তারে আপনি দেবেন ?

মুর । তোমার খসম তোমায় দেব,—এ কেমন অঙ্গীকার ?

অন্নদা । আমার স্বামী আমায় গ্রহণ ক'রবেন, আপনি দেখবেন, আপনি সাক্ষী হবেন. আর কিছুই নয় ।

মুর । এ ক্যা দেওয়ানা ছায় ?

অন্নদা । না নবাব সাহেব, আমি পাগলিনী ছিলাম, এখন আর পাগলিনী নই ; আমি ভিখারিণী ছিলাম, এখন আর ভিখারিণী নই ; আমি কলঙ্কিনী ছিলাম, এখন আর কলঙ্কিনী নই ! আমি সতী, রাজরাণী, আমি জগতে এ কথা প্রচার ক'রবো, নবাব-দরবারে এই আমার প্রার্থনা ।

মুর । তোমার কথা আমি বুঝিতে পারিতেছি না, তুমি রাজরাণী—এখানে কি নিমিস্ত আসিয়াছ ?

অন্নদা । নবাব সাহেব, আমার সঙ্গে একবার আসুন, এই আমার প্রার্থনা ।

মুর । কাঁহা ?

অন্নদা । আমার স্বামী যেখানে ম'রচে ।

মুর । এ ক্যা বাৎ ?

অন্নদা । যদি কৃপা হয়, এই ভিক্ষা দিন

মুর । আচ্ছা চল',—কাঁহা লে যানে মাক্কো ?

অন্নদা । আপনি একা নয়, দরবার শুদ্ধ আসুন ।

মুর । আচ্ছা হাম যাতে ;—আউর কুছ মাক্কো ?

অন্নদা । উদয়নারায়ণের ছ'টী কণ্ঠা আছে ; তারা যেন স্বামী নিধে-
মুখে থাকে, তাদের প্রতি কোন অত্যাচার না হয় ।

মুর । আচ্ছা, বিবি, কবুল ।

অন্নদা । তবে আসুন, দরবার শুদ্ধ হংস-সরোবরে আসুন ।

মুর । তোম্ কাঁহা যাতি ?

অন্নদা । আমি সে তামাসা আরও লোকদের দেখাব । [প্রস্থান ।

মুর । আও তামাসা দেখে, হিন্দুলোগকা বিচমে এ'সো তামাসা
বহৎ হোতা । [সকলের প্রস্থান ।

দশম গর্ভাঙ্ক

হংস সরোবর ।

(উদয়নারায়ণ)

উদয় । আমি কাপুরুষ,—যুদ্ধক্ষেত্র হ'তে চ'লে এসেছি—পরিণাম
আত্মহত্যা ভিন্ন কি হ'তে পারে ! যে অস্ত্রধারী যুদ্ধক্ষেত্র হ'তে চ'লে
আসে, আত্মহত্যাই তার প্রায়শ্চিত্ত ! নবাব-সমীপে আত্মসমর্পণে জীবন
রক্ষা হয় ; মুসলমান হ'ব' অঙ্গীকার ক'রলে রাজ্য মান পুনঃপ্রাপ্ত হই, কিন্তু
ব্রাহ্মণ হ'য়ে সনাতন ধর্ম বিসর্জন দেব ? এ অপেক্ষা আত্মহত্যা লঘু
পাপ ! হলাহল, এ সময়ে তুমিই বন্ধু । তোমার সাহায্যে সকল যন্ত্রণা
হতে নিষ্কৃতি পাবো ;—বিশ্বতির আবরণে ঘৃণা, উপহাস আর আমায় স্পর্শ
করবে না । তীব্র হলাহল, যত্নে তোমায় লুকিয়ে রেখেছিলাম, এসো—
তোমার হৃদয়ের অভ্যন্তরে ধারণ করি । (বিষপান) এ সময়ে অন্নদাকে

মনে প'ড়্চে, মাধুরীকে মনে প'ড়্চে, ললিতাকে মনে প'ড়্চে ;—তারা কোথায় গেল ? হেতা থাকলে ভাল হ'ত,—একবার দেখতেম ! গরলে দেহ অবসন্ন হ'চ্ছে, ক্রমে জগৎ অন্তরিত হ'চ্ছে, এই আসন্ন সময় ।

(একদিকে অন্নদা, পুরঞ্জন, নিরঞ্জন, মাধুরী, ললিতা, রঙ্গলাল ও গঙ্গার এবং অন্যদিকে স্বদলে মুরশিদকুলিখাঁর প্রবেশ)

অন্নদা । বিষ খেয়েছ ? তোমার মেয়ে এসেছে ; মরবার সময় ব'লে যাও যে তোমার মেয়ে তোমার বিবাহিতা পত্নীর গর্ভে ।

উদয় । তুমি আমায় ছেড়ে কোথায় ছিলে ?

অন্নদা । সে সন্দেহ আমি তোমার সঙ্গে চিত্তেয় পুড়ে সকলের মন থেকে দূর ক'র্ব্বো । এই দেখ, চেয়ে দেখ, আমি সেই বাসরের সাথে এসেছি । ঝাকড়া প'রে বেড়াতেম, মড়ার ঝাকড়া প'রে বেড়াতেম—কিন্তু এ বেশ আমি তুলে রেখেছিলেম, বাসরে পরেছিলেম, আজ আবার পরেছি, এবার আর বিচ্ছেদ হবে না !—চেয়ে দেখ, আমি চিত্ত প্রস্তুত ক'রে রেখেছি ।

উদয় । অন্নদা অন্নদা—প্রিয়ে ! কাছে এসো—একবার তোমার দেখি ।

অন্নদা । (পুরঞ্জন ও মাধুরীকে দেখাইয়া) এই দেখ, তোমার মেয়েকে দেখ, তোমার জামাইকে দেখ, তুমি বড় অনুখী । এতদিন আমি মনে ক'র্ব্বতেম, আমি বড় দুঃখিনী, কিন্তু তোমার মত দুঃখ আমি পাই নাই । আমি পাগল হ'য়ে আশ ঠাণ্ডা ক'রেছি, কিন্তু তুমি ঝলেছ ;—দিন দিন মেয়ের মুখ দেখেছ,—তোমার আশুন বিগুণ হ'য়ে অগেছে । আমি ভুলে থাকতেম,—পাগলাম ক'রে ভুলে থাকতেম,—কিন্তু তুমি ভোলো নাই, তুমি বড় সয়েছ, বড় সয়েছ । আমিও সয়েছি,—পাগল হ'য়েও ভোলা যায় না ;—আজ চিত্তেয় শুয়ে, হ'জনে সব ভুলে যাব । (মুরশিদকুলিখাঁর প্রতি) নবাবসাহেব, তুমি সাক্ষী—আমি সত্যী, আমার কষ্টার না অপবাদ থাকে ।

উদয় । নবাব, এসেছেন ? আমার অপরাধ মার্জনা করুন ; আমি কৃতঘ্ন,—তার দণ্ড আমি আপনি গ্রহণ ক'রেছি ।

মুর । (রঙ্গলালের প্রতি) হকিম—হকিম ! এন্কা কুছ দাওয়াই হার ?

রঙ্গ । না জনাব, কালের ঐশ্বর্য নাই ।

অন্নদা । নবাবসাহেব, আমায় পুরস্কার দাও—সাক্ষী হও, আমি সত্যী,—আমার কন্যার কলক মোচন হোক ।

মুর । তু মেরা মায়ি ছায় ।

অন্নদা । দেখ দেখ, চেয়ে দেখ—তোমার কন্যা-জামাইকে আশীর্বাদ করো ।

উদয় । আশীর্বাদ করি, সুখী হও ।

অন্নদা । (ললিতা ও নিরঞ্জনকে দেখাইয়া) এও তোমার কন্যা, এও তোমার জামাতা, এদেরও আশীর্বাদ করো ।

উদয় । মা ললিতা, পতি ল'য়ে সুখে থাকো । বাবা নিরঞ্জন, আমা মার্জনা করো, আমি অনেক অপরাধে অপরাধী ! অন্নদা—চল্লেম ।

অন্নদা । নবাব সাহেব, সেলাম । আমার মেয়ে ছুঁটীকে দেখো মা ললিতা, মাধুরী ! আমি চ'ল্লেম ! তোরা একবার মা ব'লে ডাক,—আমার 'মা' ব'লে ডাকা শুন্তে সাধ আছে ! তোরা মা ব'লে ডাক,—আমি শুন্তে শুন্তে রাজার সঙ্গে যাই !

ললিতা ও মাধুরী । মা ! মা !

অন্নদা । জগৎ জেনো, আমি অসত্যী নই । দাঁড়াও—দাঁড়াও—আমি বাচ্চি !

[উদয়নারায়ণকে আলিঙ্গন করিয়া শয়ন ।

রজ । বিবিজান, সংসারে এই প্রেমের খেলা । এ খেলায় তোমার আমার কাজ নাই । ভ্রান্তি—ভ্রান্তি—ভ্রান্তি—আগাগোড়া ভ্রান্তি ! তবে কাজ ক'রতে এসেছি, কাজ ক'রে বেড়াই এসো । পনের দাঙ্ক মাথায় নিলে, আপ্নার দায়ে নিশ্চিন্ত হবো, অতটা ঘোর থাকবে না ।

গঙ্গা । ঠিক ব'লোছস বায়ুন !

মুর । ইঃ ক্যা—হকিম দেখো, আওরাৎ মর গিয়া ?

রজ । হাঁ জ'হাপনা, ও ঠিক মরেছে ।

মুর । তাছব ছায় । তোম লোক আপ্নাকা দেওতাকা নাম লেও ।

সকলে । হরিবোল ! হরিবোল !! হরিবোল !!!

